





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5249/A





Early European Books, Copyright © 2012 ProQuest LLC.

Images reproduced by courtesy of The Wellcome Trust, London.

5249/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5249/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5249/A





5249/A

N. IV. C
16



Très rare et singulier.

Vendu 19 francs.


On that kind of Magick
called Lycanthropy, or the
transformation of Men
into Wolves.

DIALOGVE 47048
DE LA LYCAN-

THROPIE OV TRANSFORMA-
TION D'HOMMES EN LOUPS,
vulgairement dits Loups-garous,
& si telle se peut faire.

*Auquel en discourant est traicté de la maniere de
se contregarder des enchantemens & sorcel-
leries, ensemble de plusieurs abus & super-
stitions, lesquelles se commettent en ce temps.*

PAR F. CLAVDE PRIEVR,
natif de Laual au Mayne, & religieux de l'or-
dre des freres mineurs de l'observance.



A LOVVAIN, Che^r Iehan Maes, & Philippe
Zangre, Libraires Iurez. L'an 1596.

Extraict du Priuilege.

PA R grace speciale & Priuilege du Roy est permis a
I. Mafius Imprimeur iuré de sa Maieſté, d'imprimer
certain liure intitulé, *Dialogue de la Lycanthropie
ou Transformation d'hōmes en loups, & si telle ce
peut faire.* Composé par F. Claude Prieur, de l'ordre de
S. Francois, & visité & approuué par Messieurs Héricus
Cuyckius, esleu Euesque de Ruremonde, & de F. Gilles
Cheheré, Docteur & Professeur en la saincte Theologie.
Auec expresse defense a tous Imprimeurs, Libraires &
marchans d'imprimer ou faire imprimer, vendre & di-
stribuer ledict Liure par tous ses Pays de Brabant & oul-
tre Meuſe, & ce pour l'espace de six ans, a conter du iour
& date de l'impression du susdict liure, a peine de con-
fiscation desdicts liures & amende arbitraire, Cōme plus
a plein est contenu aux lettres dudit Priuilege, Donnē
a Bruxelles le premier iour de Decembre 1595.

Soubſigné

De Buschere.

2
A MESSIEURS

LE PASTEUR, BAILLIF,
ESCHEVINS ET MAGISTRAT
DE WAVRE,

Humble Salut.



Esseurs, Scachant com-
bien est deboutée, & de
toute ame bien née, re-
iectée l'ingratitude pour
l'infinité des vicieuses ra-
cines qu'elle traîne apres
soy, au contraire cōbien

est chérie & prisée la resouvenance & re-
uenche d'un bien fait, pour la merueilleu-
se grace qu'elles ont a l'entretènement d'un
ne mutuelle amitié comme de toutes au-
tres vertuz morales; entendant de l'autre
costé ce poete Martial me crier a gorge
deployée estre vne rougeur hōteuse tous-
iours prendre & ne rien donner; auois ja
depuis deux ans, qu'il y a que je conuerse
entre vous, tasché rencontrer l'opportu-
nité reciproque a tant de liberalitez &
comme infinies courtoisies vostres, exhi-
bées de tout temps & a mes predecesseurs
voz predicateurs, & a moy tresbien cog-
neues, & de jour a aultre experimentées.

A ij

Mais

EPISTRE.

Mais hélas ! Que pourroit faire ou entre-
 prendre celuy qui est plus pauvre que Iob,
 plus desnüé que Bias ou Diogenes, plus
 despourueu que jamais ne fut Aristides ?
 Ce neantmoins j'entédois d'une part d'es-
 crier l'ingratitude, de l'autre cognoissois
 ma debilité, d'autre part qui me estoit plus
 facheux, vn Hesiodé me retentissant que
 le benefice exhibé est comme la semence
 iectée en terre, de laquelle on doit plus re-
 tirer qu'on n'a mis. Certes ce destroit ne
 m'estoit point peu facheux, quand aiant
 bonne volonté estois destitué des moiens ;
 & a bon droit me feusse peu dire estre ce-
 luy qui aiât des aësles agilles au bras droit,
 semble deuoir promptemēt voler, s'il n'e-
 stoit tetenu du pesant fardeau qui luy pēd
 au bras senestre. Toutesfois me tournant
 de l'autre costé, & me souuenāt de vostre
 inclination bōne en mon endroit, ense-
 mble & de l'axiome du grand orateur Cice-
 ron, deschargeāt & quittant ceux qui im-
 puissants d'entierement satisfaire, mon-
 strent vne bōne volonté, me commençay
 a resoudre, & presumāt de voz de bonnai-
 retez accoustumées, ay pēlé que vous fai-
 sant offre de ce mien petit labeur, n'aurez
 égard a la petitesse ou peu de pris d'iceluy

ain

ains que vous souuenant du vers de ce petit poete: Quand vn amy pauvre te fait vn petit present, reçois le avec contentement; vous souuiendrez que lors qu'un pauvre paysant eut fait present d'une pomme au Roy Darius, il l'estima beaucoup, & la vesue qui en l'Euangile auoit mis deux mailles dedás le tronc du temple, fut grãdement agreable a nostre Seigneur, non point pour l'offrande de si peu d'estime, plustost pour la bonne volonté qu'elle auoit d'en deposer dauantage, si la commodité s'y fust présentée. Receuez donc, je vous prie, Messieurs en gré & pour estraines de la nouuelle année ce petit present, d'aussi bon coeur qu'il vous est présenté, n'ayant esgard a la valeur ou grãdeur, ains a la bonne volonté de celuy, duquel s'il s'estendoit a plus amples traitez, en pourriez attendre dauantage; joint que, cõme trop mieux cognoissez, l'une & l'autre mienne vacatiõ ne le me permet pour le present. Qu'il soit au reste soubz le manteau de vostre protection, pour estre garanti de la dēt canine des enuieux & malueillants qui sinistrement pourroient interpreter mon intention; car iusqu'a present n'en ay esté estonné a celle fin de vous en gratifier;

A iij

EPISTRE.

rifier; que tant pour ce que mesme pour
 satisfaire aux desirs de l'hōneſte compa-
 gnie, en laquelle nous nous trouuaſmes
 paſſé a quelques jours, nō gueres loing de
 VVaure, & vous Monsieur le Pasteur y
 eſtant preſent, ay eſté perſuadé le mettre
 en lumiere. L'autre raiſon non de moin-
 dre importance m'y incitāt, a eſté le zele
 de l'honneur de Dieu, que d'autāt qu'ap-
 perceuoyſ pluſieurs tomber en erreur, a
 raiſon de ces transformations, & ne trou-
 uer moyen de s'en reſoudre pour ne trou-
 uer liurets ſi faciles & portatifs, ou ſ'ilz
 en trouuoieēt, n'eſtre en langue vulgaire;
 pource y ay d'autant pluſ eſté animé.

A tant feray fin, priant Dieu

MESSIEURS, vous maintenir & les vo-
 ſtres en vne police heureuſe & proſpere
 tant au ſpirituel qu'au temporel.

Vostre treshumble orateur

F. C. P.

FR. ÆGIDIUS CHEHERE
 S. Theologiæ Doctor, ac Profes-
 sor in Conuentu fratrum Mino-
 rum Louanij, auctori amicitia
 ergo hoc carmine gratulatur.

C *Laudi per placidum numine prospero
 Dum curris studium, nobile ferculum
 Præbes ingenij, languidus otio
 Quo mentem recreet vulnere sauciam.
 Hinc & te meritis laudibus effero,
 Et toto studijs pectore gratulor;
 Optans posteritas ritè fauentibus
 Votis istud opus suscipiat tuum.
 Quod fiet facili si dabitur modo,
 Vt ponat rabidos Zoilus impetus
 Actus egregios factaque proximi,
 Irridens patulis semper hiatibus.*

A iij

F R A

FR. IACOBVS GARNIER

FRANCISCANVS AD LECTO-
rem Hendecasyllabon.

H*Uc flectas oculos amice Lector,
Huc mentem vigilem bene ac fauentem,
Nam te CLAVDIVS æstimatione
Haud parua celeber, meus sodalis
Et iucundus amicus, hoc libello
Præsenti (loca, facta, nationes
Etsi non referat) docet faceta.
Hæc tracta, atque animo frequens voluta,
Æquusve esse memento candidusque,
Non horrebis enim legendo crebro,
Si fers iudicium bonum & benignum.*

FRA-

NIER
CTO-
n.
flor,
uentem,
ione

FRATRIS RENERI SANDRÉ
LEODINI, Carmen ad Auctorem.

Vt mens nostra lubēs defertur in ania, quādo
Dulce sonāt gracili gutture carmen aues.
Et choreæ cantusque vigent, totosque per hortos
Floret odoratis terra benigna rosis.
Sic ea sunt animis ἀγότερον gratissima nostris,
Quæ tuus egregia congerit arte labor.
Te duce panduntur toto dominantia mundo
Flagitia, & scelerum, Marte furente, faces.
Te duce monstratur mala seditionis origo,
Et cur tam tristi sæcula felle madent.
Vt gener in socerū, gnatus parat arma parentem,
Atque malo noceat saga ministerio.
Dum ciet infernas magico stridore caternas,
Fluminis & rapidi carmine sistit iter.
Cumque libet pluuiο depellit nubila cælo,
Cum libet immiti membra dolore necat.
Qualiter & falsam dum sumit larua figuram,
Cum sit verus homo, cernitur esse lupus.
Per te priscorum monstratur opinio vana,
Fictaque mendaci fabula tota fide;
Humanas aliena putans in corpora mentes
Post Stygis epotos vsque redire lacus.
Hunc si gratanter Lector capis alme laborem,
Iure tibi grates Claudius actor agit.

A V X

AVX LECTEURS
SONNET.

Vous qui avez par vaine illusion
Vos cœurs remplis de telle fantasie;
De qui l'erreur a vostre ame saisie
Et la contraint par pregnante raison;

Il faut ceder, & que l'opinion
De cest Aucteur vous desgage & deslie,
Et que d'ailleurs apprennez en partie
Comment ce fait telle mutation.

Cest haut discours, ceste metamorphose
A dedans soy diuerse chose enclose.
Chose de soy qui a variété,

Contente l'homme, nature le desire;
Si donq voulez approuuer nostre dire,
Pourquoy tardifs a ceste nouveauté.

I. G.

P R E-

P R E F A C E

A V L E C T E V R.



Ombien qu'il aye semblé à quelques vns du passé, les conuiues, & banquets estre de soy illicites, pour certaines raisons qu'ils pouuoient produire; ce nō obstant le bien & profit qui bien souuēt en reüssit, & en a reüssy, ensemble ceux de qui nous tirōs l'exemple, nous induit beaucoup plustost a les admettre, & entretenir, que les reiecter. Car qui est plus vtile & profitable (voire ie dis necessaire) & aussi qui nous soit plus recommandable, tant par les loix humaines, & diuines que la paix ?

la paix toute diuine,

La fille d'amitié, sur toute chose digne.

Ce que neantmoins acquerons par ce moien. Tesmoing nous en fera ce graue, & renōmé Caron, lequel poissant & examināt ses parolles, non avec vn iugement inconstant & variable, à bien osé appeller *la table Mere & procreatrice d'Amitié*. Le mesme nous demonstre Plutarque disant, que *Conuiuium viuendi ratio est, que per vini usum in amicitiam desinit sub gratia lenocinio.* Plutarque decad. 1. Problem. 4
Le conuiue est vne façon de viure, qui par l'usage de vin se finist en amitié par vn allechement de bonne grace. En autre lieu il introduit Thales le sage, respondant a vn certain nommé Alexidemus, qui se plaignoit d'auoir esté mis au bas bout. *Non vt primas, inquit, sedes occupemus vna ac-* Idē in conuiuio 7. sap.
cumbimus: sed vt assidentibus commodemus nos,
& fa-

P R E F A C E

*& faciles exhibentes occasionem eis & ansam
præbeamus protinus faciendæ inter nos amicitia.*

Nous ne venons à table pour tenir le premier
rang, ains à celle fin que nous accommodions
aux assis, & rendants faciles, leur donnions oc-
casion de bien tost cōtracter vne amitié. Cicéron
prouue le semblable par l'etymologie du nom :

*Bene maiores nostri accubationem epularem ami-
corum, quia vitæ coniunctionem haberet, conui-
uium nominarunt.* . A bon droit noz anciens

maieurs ont appellé les banquets *gesine ioyeuse*
des amys, pource qu'ilz eussēt conionctiō de vie.

Ou nous nous pouuons rememorer des loix de
Lycurgus, & dire que non seulement la table &
festins communs des Lacedemoniens estoient

ordonnez pour reprimer la luxure, & autres vi-
ces par le moien d'une communauté si austere,
mais bien d'auantage pour en ceste façon les ren-
dre esgaux, pour oster la jalousie, contraire a la

charité, & mere de tous vices, & que tout ainsi
qu'ilz mangeoient d'un mesme pain, ainsi de-
uoient ilz estre d'un mesme accord & consente-
ment. Le diuin Platon donnant la distinction

naturelle & essentielle de l'humanité, n'oubloit
y comprendre cestuy cy qui est des banquets &
sociable amitié (selon que l'homme se donne a
cognoistre estre homme) parquoy disoit il ainsi :

Marfil. fi-
cin. in com.
off. Cic.

*Humanitas triplex est, vna fit per salutationem,
vt cum nobis obuios salutamus, & manum porri-
gimus; altera cum quis opem affert calamitate la-
boranti, tertia quum homines inter se conuiuia ce-
lebrant, & consuetudine gaudent.* . L'humanité
est propre de l'homme, & se peut esproouuer en
trois façons; Premièrement, quand rencontrant

quel-

quelqu'un luy donnons la main, le saluant, & caressant: secondement qu'ad aucun soulage & prest secours a celuy qui est en peine; tiercemēt lors que les hommes se festoians par bāquets & conuiues se resioussent par ceste coustume;

Sic celebrata simul dulci conuiuia mensa,

Aeterna generant pignus amicitia.

Donq les banquets estāts vn moien de nous conioindre d'un tel lien de charité & amitiē, n'y pouuons offencer, nous proposants vn tel but deuant les yeux. Que s'il se sont trouuez, & se trouuēt iournellement qui en abusent; ceux la ne doiuent preiudicier aux autres qui en vseront comme il appertient. le sçay qu'on me proposera les meurtres d'Herodes, d'Absalon, d'un Flaminus Romain, & plusieurs autres commis a la table: L'on m'objectera l'exces de l'yrognerie, & brutalité qui se commet tous les iours, l'on me mettera deuant les yeux les blasphemes, querelles, detractions, parolles deshonestes, & beaucoup de scandales qui en prouiennent. Mais quoy? y a il Sacrament, vertu, ou autre bonne ceuvre, dequoy le diable ou les sciens n'abusent? Et si l'araigne fait son mal proufit du suc de la fleur, le conuertissant en venin, sera il dit pour ce que l'abeille prenant de mesme fleur ne le tourne en doux miel, pour en tirer substance & commodité? D'auantage la bonté ou mauuaisliē de quelque chose que ce soit nous est approuuée ou reprouuée par la vertu, ou le vice, de ceux qui auront vsé de telle chose en bien, ou en mal, n'ayāt mesme esgard a la multitude, mais a la qualité des personnes qui en ont vsé. Car certes si nous voulions regler a la façon & multitude de ceux qui ont excédé, ou au nombre des inuitez,

ou a la

P R E F A C E

ou a la somptuosité, ou autrement, ce ne seroit
 iamais fait. On trouue vn meurtre signalé d'He-
 rode, vne yuognerie d'Alexandre, vne friandise
 d'Heliogabale, la gourmandise du mauuais riche,
 & mesme de Cambleta Roy de Lydie, Insolence
 de Nabal, lubricité de Tybere, se faisant seruir par
 des filles toutes nues, l'exces de Neron, sçauoir
 est depuis midy iusqu' a minuiet, de Vitellius tant
 pour la frequentation, pour la vilennie, que le
 nombre des plats iusques a neuf mille. Si la som-
 ptuosité! se presente vn Octauius orné comme
 vn Apollon, & tous les inuitez comme dieux &
 déesses. Si le nombre! se trouue Alexādre appel-
 lant ordinairement soixante ou septante; Claude
 Cæsar six cents, Budée mesme fait mention de
 quelque Roy des Perses, qui cōuoioit quinze mil-
 le hommes. Et veritablemēt ce sont choses mer-
 ueilleuses, & quasi prodiges ce que lon lit de tels
 & semblables excès. Aussi reiettons nous ceux la
 comme gens qui tout ainsi qu'ilz ont esté desor-
 donnez, & insolents aut reste de leurs actions, de
 mesme ont ils esté en ce point la. Mais quād nous
 entrōs au resouuenir des assemblées vertueuses,
 & de gens de bien recitez en l'escriture sainte, &
 ailleurs (desquels nous deuons plustost prendre
 l'exemple) nous trouuons l'hospitalité en ceux
 d'Abraham & son neueu Loth; la crainte de Dieu
 en ceux de l'vn & l'autre Thobie; vne modestie
 en celuy d'Assuere; la religiosité des Egyptiens,
 ausquels à la table estoit présenté le tez d'vn tres-
 passé; la sobrieté des prophetes, l'abstinence des
 Saints; les loix d'vn S. Augustin, les beaux dis-
 cours pleins de charité, & d'erudition en ceux de
 Iesus Christ nostre sauueur. Et quand bien nous
 defaudroient tous exemples, celuy la seul nous
 doit totalemēt suffire: Ne visons aux precedents,
 à leur

à leur excès ou vice, par lesquels tout homme de bien seroit dissuadé de hanter iamais compagnie, mais iettons les yeux sur nostre prototype, & exemplaire non inferieur a Lyncurges, ou a ces celebres philosophes cy dessus nommez, lequel par sa presence a tant voulu decorer, & honorer les banquets & festins, que les principaux & la pluspart des miracles qu'il aye fait ont esté à la table; tantost guarissant les malades, comme vn hydro-pique, tantost y conuertissant les pecheurs, comme la Magdaleine, Zachée, & les publicains; ores pour suruenir à la necessité de ses amys, cōme aux nopces; Brief son premier & dernier miracle à esté en tel lieu. Le dernier, dis-ie, non seulement le iour de son departement faisant le dernier Adieu (selon qu'il retiroit sa presence visible) à ses Apostres, estant à table au mont de Syon, mais encore ie dis celuy dernier qu'il fit auant sa sacrée Mort & Passion; bâquet & souper tant celebre & somptueux, & les viandes en si grâde foison, que de celles qui y estoient apposées, le principal mets, qui est de son *Sacre Corps & Sang*, continue encore, & nous est proposé d'en gouter, quād nous aurons ceste robe nuptiale, robe de pureté & d'innocēce de vie, & que desirerons d'en approcher. *Præiosum & admirandū conuiuium, salutiferū, & omni suauitate repletū; in quo Christus sumēdus proponitur* *verus Deus*, dit S. Thomas, precieux & admirable conuiue, salutaire & réply de toute souefueté, ou Iesus Christ vray Dieu no^r est proposé a recevoir. Ce sont les vtilitez qui nous arriuent des conuiues & bâquets, entretenuz principalemēt en propos qui soiēt edificatoires, recognoissant ces biēs la & liberalitez ne venir seulement du soucy des hōmes, mais de la largesse & bōté de nostre Dieu.

Car

D. Thom.
opusc. 57.

P R E F A C E

Car la loy de ciuilité Chrestienne ne permet de
toucher aux viandes, sans premier luy en auoir
fait recognoissance; plustost comme indigne d'es-
tre chassé de la table, suiuant l'enseignement de
Louys Viues.

Li. de mo-
ribus in
mensa ser-
uand.

Nemo cibum capiat, nisi consecratio fiat,

Prinetur mensa, qui spreuerit hac documenta.

Et ie croix assuremēt, que quand vne compagnie
vertueuse & honorable vient a se cōgreger pour
se recreer ioyeusement sans bruiet, ny scandale,
auec modestie Chrestienne, a vn entretenement
d'amitié, ayant premierement recherché Dieu;
que sans doute il est au milieu, l'incitant a pro-
pos dignes de foy; comme aussy ie pēse derniere-
mēt auoir esté en celle ou nous nous trouuâmes,
veu qu'outre ce que dessus, l'hoste n'auoit oublié

Deuter, 14

ce qu'est escrit, *Cave ne derelinquas leuitam qui
intra portas tuas est.* Garde toy d'oublier le leuite
qui est ton voisin; Car certainement la troisieme
partie de ceste compagnie accomplie du nombre
des Graces, & des Muses, estoient du sort & par-
tage de Dieu, a cause de quoy estoit impossible
que Dieu n'y assistat, considerant ce qu'en deduit

Chrysost.

Serm. 24.

in epist. ad

Rom.

S. Chrysostome. *Christus mensa vestra aderit,
benedictioneq; sua totum conuiuium adimplebit,
quando oraueris, quando spiritualia cecineris, quan-
do pauperes ad eorum que apposta sunt commu-
nionem vocaueris, quando multam symposio vestro
disciplinam & modestiam procuraueris.* Iesus
Christ, dit il, assistera a vostre table, & la rempli-
ra de sa benediction, pourueu que tu l'ayes inuo-
qué, & chanté ses louanges, que tu ayes appelé
les pauures pour participer de ce qui est appose,
pourueu que la modestie & bonne discipline soit

entre

entre vous. Et de la procede que les inuitez (comme bien morigerez & instruits) n'ayant pas tant d'esgard au goust, & delicatesse des viandes, bien preparées & en superfluité, comme al'entretene-
ment d'une mutuelle amitié se resjouissoiét avec
vne bienseance en propos & discours dignes de
telle assistance, & mesme tout accomplissement
d'honesteté & vertu y residoit, de sorte que sem-
bloit ce distiche estre graué, & inciselé dedans le
cœur de tous.

*Dum fiunt epula, veneranda modestia semper
Præsideat, sit digna Deo quæcunq, loquela.*

Et bien que le nombre des Muses surpassast, qui
eust semblé deuoir apporter quelque incommo-
dité selon l'opinion de Marc Varron, ce neant-
moins le nôbre des graces y estant adiousté don-
noit beaucoup de lustre, veu que mesme Iesus
Christ a choisy vn tel nombre. Aussi me semble
les conditions mises par Aule Gelle y auoir esté
assez bien obseruées : *Ipsam*, dit l'aucteur, *conui-*
uium constat ex rebus quatuor, & cum deniq, om-
nibus suis numeris est absolutum, si belli homin-
culi collecti sint, si lectus locus, si tempus lectum,
si apparatus non neglectus. Le banquet sera bien
composé & totalement accomply si ces quatre
conditions s'y trouuēt; à sçauoir s'il y a de beaux
hommes, si le lieu est choisy, si le temps conue-
nable, & l'apprest des viandes exquis & de re-
cherche. Je ne me veux arrester icy, pour descri-
re les lineaments ou beauté de ceux qui y estoiét,
non plus que l'eslite du lieu, & la situation com-
mode, & conuenable, l'opportunité du temps, &
les viandes preparées, mais puisque la matiere s'y
adonne, il me semblera bon d'adiouster icy du
mesme aucteur, la forme & maniere comme l'on

B se doit

Lib. 13.
cap. 11.

P R E F A C E

se doit comporter a table. Premièrement le sus-
nommé n'approuue aucunement les conuiues
tristes, ou silencieux, disant qu'il faut estre ioyeux
auec des propos non de questions doubteuses, &
que toute la compaignie n'entende, ains de tels
que l'on peut traicter a la place publique. Varron
tesmoigne que de son temps n'estoient conuiez
finon hommes gratieux, musiciens, ou gens let-
trez. Mais, ie vous prie, aussi quelle amitié peut
on cognoistre en vn hōme triste, d'un front ren-
frongné, & chagrineux, & qui semble auoir ie ne
sçay quoy à demesler cōtre quelqu'un? Car com-
me fort bien Socrates dit, Tout ainsi que le vin
aigre est au goust, de mesme les meurs facheuses
& sauuages sont incompatibles en compaignie.

Stob. serm.
4. de im-
prud.

Plutar. in
conui. 7.
sap.

Lib. 30.
cap. 36.

*Neque vinum austerum est aptum potioni, neque
mores agrestes conuersationi.* Plutarque estime
encore le dernier plus difficile a endurer, disant
qu'il y a remede au premier, & non a l'autre. Car,
dit il, *obsonium malum licet reijcere, ac vino vi-
tioso ad lymphas confugere; conuiuia vero morosus
& intractabilis, omnem omnis generis vini & ob-
sonij voluptatem gratiamque perdit & corrumpit.*
Il est permis de reietter de soy vn plat qui n'est a
son goust, & le vin estant gasté auoir recours à
l'eau: mais vn conui facheux & non traictable,
oste toute volupté & delices de quelque espece
de vin, ou viande quels qu'ilz soient. De la vient
que Cælius Rhodiginus apres auoir diligemmēt
examiné ce poinct, finalement il conclud disant;
Oste la resiouissance des inuitez, soudain s'esua-
nouit la plus grād part de l'amour, la faulse d'ami-
tié, & le soulagement de la vie qui procedēt de la.
Ie n'entēds toutesfois en ces propos conciter les
inuitez a se desbaucher en quelq sorte que ce soit;

Car ie

Car ie ſçay tres bien la ſentence de Diogenes en *Lib. 1.*
 ſon liure premier eſtre neceſſaire, que cōbien que
 en tous lieux il faille refrener ſa langue, mais ſur
 tout a table. Ie ſçay d'abondant le dire de Sene- *Sen. epi. 8.*
 que epiſtre 84. que l'yurōgnerie n'eſt autre choſe
 qu'une folleie volontaire; mais que la reiouiſſan-
 ce y ſoit de telle façon que la triſteſſe en ſoit for-
 cloſe. Car ledict aucteur pour ne laiſſer trop la
 bride a telle recreation, modere incontinent ſon
 dire, *Si praſertim*, dit il, *legitimè, ſiq; caſtè*
coëant conuicturi, nec omnino ventri concanes,
ſed anime. Si principalement ilz ſ'aſſemblent nō
 tant ioyeux de remplir leur ventre que recréer
 l'ame. Et prend il ſa raiſon de l'inſtitution des
 banquets, pour eſtre pluſtoſt vne coniuñction
 d'une bonne vie, & communion, qu'une deſ-
 bauchée licence a boire. *Communio ſiquidem*
vita rectius honeſtusq; ſtatuitur conuiuij finis,
quàm poculorum licentior inuitatio. Comme ſ'il
 vouloit dire; Combien que l'on ſ'aſſemble pour
 ſe recréer mangeant & beuuant, ce n'eſtoit tou-
 tesfois choſe bien ſeante de prendre telle licen-
 ce, que l'on outrepaſſe les bornes de raiſon; veu
 que ce n'eſt vne coniuñction fraternelle, ny qui
 tende a la charité, ſe corrompre ſoy-meſme, ou
 prouoquer les autres au ſemblable. Car ſi tu
 ne t'aimes toy-meſme, comment aimeras tu ton
 prochain? *Qui ſibi nequam, cui bonus erit?*
 Il n'eſt vray ſemblable que tu t'aimes toy-meſme
 quand te viens a procurer maladie par vne gour-
 mandie exceſſiue. Ie penſerois auſſy quand a
 moy, ceux qui m'inuiteroient de telle ſorte, m'a-
 uoir pluſtoſt appellé ou conuié pour leur tenir
 compagnie a boire, ou me faire tomber en deſ-
 honneur, ou maladie, que pour autre raiſon.

B ij

Ie ſçay

P R E F A C E

Je ſçay non obſtant la couſtume des Grecs auoir eſté inuiolablement gardée, comme tient Ciceron, qui eſtoit, *Boire, ou s'en aller. Apud Græcos,* dit il, *lex obtinetur, aut bibat, aut abeat;* & outre ce ilz ſe châtoient les vns aux autres ces vers: *Bibe quinque, bibe tres, bibe quatuor cyathos. i.* qu'un chacun de la compagnie, euſt à boire douze gobelets. D'auantage ce que Plinẽ a obſeruẽ des Romains, à ſcauoir, *Quiconque fuſt aſſis a table ne s'en leuer ſans vomir, adionſter, & boire a l'enuy le plein verre ſans reſpirer, ne laiſſer rien de reſte, n'eſtre pas permis touſſer apres boire;* Mais ſi on ſe vouloit targer & preualoir d'une antiquité ſi gourmãde & exceſſiue, alors me faudroit cõferer la loy des Chreſtiens, avec celle des payens, & ceux qui ſe propoſent vne beatitude perpetuelle conſiſtant en l'ame, avec ceux qui ont penſẽ le corps eſtant mort, ne reſter autre choſe. En attendant ie reſpondray à ceux la ce que diſoit le Philoſophe, *Tales epulantur quaſi quotidie morituri:* Que tels boient & mangent cõme s'ilz denoient mourir de iour à autre; Car il n'eſt rien plus certain que ce que dit le Prouerbe: *Plures ebrietas quàm gladius necat.* C'eſt a dire, que l'yrognerie en tue plus que le couſteau. Au reſte ie ne penſeray le dire d'un tel aucteur concerner tout un general de tous les Latins, ou bien de tous les Grecs, ſeulement quelques infames, ou vilains, qui neantmoins ſont cauſe qu'on baille tel epithete a toute vne monarchie, honorée de tant de ſages & philoſophes. Et qu'ainſi ne ſoit, Plutarque tient apertemẽt le contraire, lors qu'il parle de la ſobrieté des anciens, diſant ainſi; *Veteres in conuiuijs quum propinando inuitarent ad bibendum.*

Cal. Rho-
lig. lib. 7.
ap. 26.

Plui. de cu-
pid. dinit.

In Conui.
7. ſap.

*bendum; Homericum illud v'surpasse accepimus.
Quantum quisque potest, certa ratione modoq;
Hauriat.*

Nous sçauons, dit il, les anciens lors qu'en leurs banquets ilz s'inuitoient a boire, auoir retenu ce vers Homerique; *Que chacun boine autant qu'il peut par certaine raison & mesure.* Le mesme auteur estant prié de la plus grande part des conuiues pour accepter le tiltre de Symposiarche, & charge de commander a table, l'acceptant v'sa de telle phrase: *Si quidem vobis videtur omnibus, meipsum sympsiarcham vestrum creo, iubeoq; ceteros quidem omnes pro libito in presentia bibere.* D'autant qu'il vous semble bon a tous ie me declare vostre sympsiarche, & pour ce ie cōmande presentement vn chacun boire à sa volonté. Et combien que tels auteurs soient pour nous seruir de deffence; neantmoins d'autant que nous le faisons pour vn autre respect qu'ilz ne faisoient, encore ne nous arrestons nous a telle probation & exemple; mais les exemples desquels nous deuons v'ser, sont de ceux qui recognoissans vn mesme Dieu avec nous, n'ont point eu tant d'esgard a la santé & conseruation corporelle, par vne telle sobriété, qu'a la prosperité spirituelle; Tel qu'estoit le banquet de Thobie, & sa famille, mais sur tout des enfants de Iob, desquels parle Origene: *Ilz faisoient des beuueries, mais non pour y urognerie, ny pour excès, ny deshonesteté, pour intemperance ou pour badineries illicites, non plus que par ieux plaisans, ou parolles impudiques & sales.* P'adiousteray encore la censure de S. Ian Chrysostome pour plus ample confirmation; *Vbi ebrietas, ibi diabolus; vbi saturitas, illic demones cho-*

Decad. I.
Proble. 4.

Lib. I, in
Iob.

Hom 57.
ad po. Ans.

B iij reas

P R E F A C E

reas agunt. Ou il y a yurognerie, la le diable est,
& ou se disent parolles deshonestes, ou il y a la
saturité & gloutonie, la les demons gouvernent
la danse. Lesquelles auctoritez si graues, & de
tant d'auctorité suffiront pour apprendre les in-
ciuels, comment ilz se doiuent comporter a table
sans chercher autre probation. Premièrement ne
s'y trouuer pour l'yurōgnerie, ou excès quant au
boire & au mäger. 2. Pour vn appetit desordon-
né & charnel. 3. Pour y bouffonner & inciter les
autres a dissolution; pour la quatriesme, n'y venir
pour vsfer de parolles lasciuies, mal examinées, &
impudiques. Et ie ne doute point que le ban-
quet ne soit accomply plus parfaictement par ces
dernieres conditions, que des precedentes, & d'a-
uantage l'assemblée sera plus contente. Car de-
quoy proufitera la beauté des hommes, le plaisir
du lieu, le tēps serain, ou les saulces exquisés des
viandes, si les hommes sont mal plaisants ou par
excès, ou intēperance, ou par parolles querelleu-
ses? Et specialemēt pour le dernier poinct qui est
en parolles; que si elles sont poignātes a ceux qui
y assistent, se iettans des brocards les vns aux au-
tres? que c'est vne chose difficile a digerer quand
l'on entend ses amys absents estre battuz par la
langue inconsiderée de quelqu'un. C'est ce que
respondoit ce cōmun detracteur Zoile, lequel in-
terrogué pourquoy il mesdisoit de tout le mōde,
respondit que c'estoit d'autant qu'il ne leur pou-
uoit malfaire. Et semble que le Prophete Dauid
se voulust plustost bander cōtre vn tel hōme, que
contre autre qui fust, quand il dit; *Je persecutois*
ceux qui detraisoient en secret de leur prochain.
Et pour reprēdre nostre discours, ie dis avec Ma-
crobe, qu'il faut tenir des propos au banquet au-
tant

Aelian.
lib. 11.

Psal. 100.

In cenis.

tant entiers en chasteté, comme appetissants en
bonne grace. S. Ian Chrysostome dict tresbien;
Non indecens & indecorus sermo, sed gravis & mo- *Serm. 24*
deratus, & cibo expleri, non frangi in oblectamētis *in 13. ad*
ducenda sunt. Il faut prendre vne recreation non *Rom.*
pas en propos malseant, ou inciuil, ains propos
graue & moderé, se cōtenter de sa nourriture ho-
neste & non pas excéder. L'homme sage, dit Plu- *In conuiu*
tarche, ne se transporte point au banquet, en in- *7 Sap.*
tention de se remplir insqu' au goulet, ainsi que
quelque vaisseau, mais a celle fin qu'il traicte se-
rieusement, & ioyeusement, entende, & parle con-
uenablement selon que le tēps, & l'opportunité
se presentera. Et au mesme lieu ledict aucteur ne
tient propos d'autre chose, sinon des beaux deuils
que tenoient entre eux ces grands Philosophes,
proposants quelque enigme, quelque chose de re-
creation, bref ce qui meritoit d'estre espluché par
tels docteurs. Ainsi Cleobulus proposoit vn tel *Germa. in*
enigme; Il y a vn pere qui a douze enfans, des- *Chron.*
quels chacun a eu trente tous difformez, à sçauoir
les vns blancs, & les autres noirs, & cōbien qu'ilz
soient immortels, tous se corrompent & defaillent.
Vn autre proposoit en telle façon; Qui est ce qui
n'estant point né, est toutesfois mort? Ou qui est
celuy qui estât né, a rechappé la mort? Ou qui est
celuy qui estât mort, na esté infecté de corruptiō?
Vn autre fut présenté au sage Bias par le Roy
d'Ethiopie l'ayât receu d'Amasis Roy d'Egypte,
qui estoit de boire toute la mer; auquel fut re-
spondu sur le champ. Mais outre ce les responce
faictes promptement & a l'improuist a vne que-
stion du mesme, sembloient encore monstrier vne
plus grande gaillardise d'esprit telle qu'estoit cel-
le d'Hesiodé a la question d'Homere disant;

B iiii

Que

P R E F A C E

Quæ nec erūt, mihi Musa refer, nunquãve fuere?
 a quoy Hesiodere respondit:

Quum Iouis ad tumulũ valido perfregerit ictu
Plaustra ferox sonipes, palmaq; potitus abibit.

Et comme a ceux des payens, ainsi du temps de la primitiue eglise ces bons personnages remplis de graces spirituelles, ne traittoient d'autre chose, sinon d'une sainte pratique & spirituelle, attentifs a icelle, avec vne resonñace de diuins cantiques. D'ou ie pense nous estre resté encore quelque trace d'une tant louable coustume, qui selon la qualité des personnes, & leur vocation ont traité, & traitent de propos conuenables à la compagnie ou ilz sont mandez; comme entre les pieux de choses deuotes, entre les poëtes de fictions, entre philosophes de choses naturelles; entre ceux qui aux saintes lettres ont plus d'experience, de la dignité & excellence de l'homme, tantost de la mutation & vicissitude des choses, tantost de l'ingratitude de l'homme, a l'encontre de son Seigneur, tantost des malheurs qui l'accablent, & que non a tort il se pourra escrire, & dire ce que ceux qui s'appellēt ennemis de la fortune,

Comme l'onde suit l'onde, vn iour suit l'autre, aussi
A ses maux suivent mes maux, mes douleurs
amassées

Accompagnent tousiours celles qui sont passées.
 Et ainsi se souuenant de telz banquets, considerations que combiē qu'iceux soient instituez pour se recreer; toutesfois qu'il fault qu'ilz se facent sans dissolution, sans detraction & scandale, & que puissions dire avec le prophete Royal Dauid:

Psal. 33. La louange de Dieu est sans cesse en ma bouche.
 Selō ce nostre deuīs estāt incité à cause du temps
 & mi-

& miseres d'iceluy, tant en general, qu'en particulier, nous conduist par vne digression a parler de ces sorciers; qui exercent vne rage & cruauté si grande, apparoiſſants trāsforméz en bestes sauvages, & s'osent attaquer a toute sorte de personne tant grande que petite pour les deuorer; ou continuât de part & d'autre des exemples que chacun auoit veu, fut en fin affirmatiuement proposé par certain honorable personnage, ce qu'on void en apparence extérieure vn loup, en estre vraiment vn & de fait; ce que doctemēt il prouua par raisons, exemples & auctoritez. Mais d'autant que le temps nous estoit brief, ensemble & la dispute Theologique me sembla bon surſcoir, & ne passer outre, sans premier auoir cōsulté les peres, de peur d'auancer quelque chose temerairement. Ayant donq redigé par ordre les opinions des vns & des autres, il a sembler bon a ceux de la compagnie le mettre à descouuert, & a la veüe de tous, pour seruir de resolutions aux autres, qui en pourroient doubter à l'aduenir. Ne pense donq (ô amy Lecteur) que ce soit pour ostentation, ou chose semblable que i'aye esté esmeu a ce faire, ains plustost pour satisfaire à l'honorable compagnie, pourquoy d'autant que tous n'estoient capables du latin, ie l'ay mis en langue vulgaire. S'il te plaist donq t'en seruir, prens en gré la bonne volonté de celuy: duquel si la capacité s'estendoit plus loing, & à choses plus haultes, il est prest de s'y employer.

A Dieu.

D I A-

DIALOGVE
DE LA LYCANTHROPIE,
ou transformation d'hom-
mes en loups, & si telle
se peut faire.

INTERLOCVTEVRS
ELEION, SCIPION, PROTERON.

ELEION.



E ne sçauois ne m'estoner, com-
ment outre la coustume, i'ap-
perçoy toute la compagnie triste
& melancholicque.

PROTERON.

C'est vne chose bien inaccoustumée, & ne
sçay le subiect particulier; toutesfois il ne me
semble estrange, attendu les miseres commu-
nes, qui ne donnent occasion à personne de se
resiouir.

SCIPION.

Sans doubte noz miseres sont si communes,
qu'il n'y a personne, soit grand, soit petit, qui
ne s'en

ne s'en resente; ou qui par succession de temps n'estime tomber en vn mesme desastre, ou plus grief. Et semble le comble de noz miseres venir tout a coup; selon les fleaux, & punitions, que iamais nostre Dieu a enuoyé aux hommes. Car qui est celuy qui n'auroit occasion de se plaindre, voyant vne intemperie du temps engendrant vne infinité de maladies, voire telles, que de semblables on n'a iamais ouy parler? Ou bien qui est celuy d'entre nous qui n'apperçoit les saisons renuersées ne nous presagier autre chose sinon vne sterilité future? Ioint le degast que font encore les hommes, se menant guerre les vns aux autres, estant acharnez contre le sang de leurs propres voyfins.

ELEION.

Il commence a cognoistre le subiect de vostre silence, & confirme vostre dire; mais toutesfois il me semble qu'en vostre enumeration quelque point est desiré. Car nous scauons estre vne chose naturelle a l'air de faire les operations; & accident naturalisé, l'homme s'esmouuoit contre son semblable; & qui a esté practiqué par le premier engendré entre les hommes, d'abondant le monde iouyr d'une telle vicissitude & changement, nous est assez notoire; (& pleust a Dieu qu'il ne luy fust tant.) Bref, toutes ces menaces nous ont esté descrites en l'Euangile; Mais quoy qu'admirables & estranges, il en y a toutesfois d'autres de plus grande admiration.

P R O-

DIALOGVE
PROTERON.

Ce peut il faire, que choses plus espouventa-
bles doiuent arriuer ? y a il chose plus effroya-
ble que d'ouyr parler de gehennes, tortures, pri-
sons, rançons, cōtributions, pilleries, assassins,
& telles autres cruauitez ? De veoir vne Prouin-
ce contre l'autre ; ville contre ville ; le pere con-
tre le filz ; le filz contre sa mere ? Que peut estre
plus deplorable que d'entendre la clameur des
pauures exilez & bannys , continuellement a
noz oreilles ?

*Et de veoir pas à pas, les meres desolées,
De leurs petits enfans tendrement accolées
S'en aller d'huis en huis leur vie quemande,
A qui bien peu deuāt l'on souloit demander.*

Ronsard.

Et quelque fois par desespoir (ô pitie excessi-
ue) de quitter, & renier nostre Dieu. De sorte
que ceux qui pensent auoir eschappé les mains
de Dieu en peste, ou en famine, ne l'ont eschap-
pé par la guerre. Que si nous en auons esté me-
nacez , ç'a esté pour nous faire cognoistre la
griefuete de telles calamitez.

ELEION.

Tout cela ne me semble inaccoustumé &
nouueau; car de tout temps on a veu des guer-
res & persecutions presque semblables a vostre
propos, & qui est frequēt en la saincte escriture,
comment Dieu voulant punir son peuple, c'e-
2. Reg. 24. stoit ou par peste; ou par famine; ou par guerre,
daniel. 1; conteaux ordinaires de son ire, desquelz mes-
me il donna le choix a Dauid. Susanne sembla-
ble-

blement se voyoit en telle perplexité, ou tomber entre les mains de Dieu, ou des hommes. Et certes tomber entre les mains de Dieu, qui est nostre pere, ou des hommes, qui sont noz freres, il est aucunement tollerable; Car possible que l'un & l'autre se souuiendroient de leur semblance; mais nous experimentons outre cela auoir guerre contre les irraisonnables.

PROTERON.

Encore que vous y adioustiez les irraisonnables, ie ne le trouue non plus nouveau que les precedentes; puis-que nous trouuons par plusieurs exemples, les bestes auoir autrefois aussi bien guerroyé l'homme, que l'homme mesme s'estre esleué contre son semblable. Les histoires nous en font foy; la Sainte escripture en est remplie, & par consequent nostre experience en est mieux asseurée: tellement que si lon veoit vne prouince ou region assaillie, l'une par des serpés, l'autre par oyseaux de proye, ceste cy par des monstres, l'autre par bestes farouches & furieuses, il ne s'en faut esmerueiller; veu que ce n'est d'à present qu'ilz commencent. Bien peu de temps apres la creation de l'homme a esté adioustée ceste autre punitiō: que les creatures desquelles par ordonnance diuine l'homme deuoit estre reconnu, sont celles, desquelles il est premierement agité & tourmenté. Et a la verité c'est vne des premieres iurisdicions que Dieu luy eust concedé, quand il dressa sa parolle vers luy, & à son espouse; *Dominamini piscibus maris,* Genes. 1.

rie, & volatilibus cali, & vniuersis animantibus
qua mouentur super terram. C'est a dire; Ayez
domination sur les poissons de la mer, les oy-
seaux du ciel, & sur tous les animaux qui se re-
muent sur la terre. Lequel privilege, nous ayant
esté osté, & déclaré pour nul, par ce souverain
Legislateur, depuis tout malheur & infelicité a
acueilly toute la posterité, de sorte que ie puis
dire a iuste raison avec le poëte :

Virgil 2.
Aeneidos.

Ex illo fluere, ac retrò sublapsa referri

*Spes hominum, fracta vires, auulsa Dei
mens.*

Les histoires de ce, nous donnét vn assez am-
ple tesmoignage, & souffisante probation, nous
descriuant quelquefois les assauts, & combats
dangereux, qui ont esté liurez a l'hōme par les
bestes, tant grâdes que petites. Les chiens oserēt
blen s'approcher, pour lapper & boire le sang
d'Achab, quoy que prince & seigneur, & s'atta-
quer a sa femme, laquelle fut deuorée & englou-
tié par iceux. Arnoul empereur & Herode fini-
rent leur vie, l'vn par les poux, & l'autre par les
vers. Au tēps de Lothaire Roy de France il s'es-
leua vne telle multitude de sauterelles en son
royaume, qu'elles ne laisserēt ny herbes, bleds,
fruits, ny chose qui eust aucune verdure; & que
en fin reiectées au riuage de la mer (ou elles a-
uoient esté iettées par les vents) engendrèrent
vne telle corruption, que la peste bien tost s'en
ensuiuit. Ne pēsons donc auoir si peu d'ēnemis,
ou ces trois flesches de Dieu. Ce St. pere Inno-

German. in
Chron.

cent

cent troisieme en a fait vne enumeration, en laquelle il ne comprend seulement les ennemis dessus nommez: mais bien d'auantage. Le diable, dict il, avec les vices & concupiscences; l'homme avec les bestes, le monde avec les elements; la chair avec les sens se sont bandez contre l'homme. La mort entre par les fenestres; l'oeil rauage l'ame; vne nation est contre l'autre, royaume contre royaume, tremblemens, pestilences & famines, espouuantemens du ciel & tempestes, la terre produit des espines & chardons, l'eau des flots & orages, l'air des tempestes & tenebres, le feu esclairs & foudres. Et vn peu apres, il dict encore d'auantage; Le sanglier de la forest l'a espié, & la singuliere beste sauvage l'a brouté; le loup & lours, le leopard & lion, le tigre & l'asne sauvage, le crocodil & le gryphon, le serpent & la coleuure; le basilic & aspic; le serpent cornu & dragon; les scorpions & viperes; d'abondant les lendes & poux; les fourmis & les pulses; les frélons & les guespes; les poissons & les oyseaux. Car nous qui auons esté creéz pour dominer a toutes les bestes, nous leur sommes maintenant donnez & liurez en proye pour viande & nourriture, ainsi qu'il est escrit; *le leur enuoye- ray les dents des bestes*. Ce sont ses propos, par ou nous voions clairement qui sont les ennemis de l'homme: Ce que toutesfoiſ n'estoit ainsi du commencement: comme il se peut prouuer par l'accès familier qu'auoient Adā & Eue avec *Genes. 2.*

les-

Innoc. 3. li.
1. de contē.
mun. 6. 20.

August. li.
10. cont.
Inlin. Pel.

lesdicts animaux. Et ainsi le propose S. Augustin au nom de quelque signalé & vertueux eueque remarquant comment lors que Dieu le createur leur amena toute sorte de bestes pour veoir quel nom Adam leur imposeroit, ilz n'en furent estonnez & ne s'enfuirēt pour peur qu'ilz eussent, & qui plus est, le colloque familier d'Eue, avec le serpent, sans en auoir esté aucunement estonnée; car au contraire les bestes pour lors se soubmettoient a l'homme comme à leur propre seigneur. Mais quoy? Pour l'estat present, il ne peut estre autrement. Car comme dit S. Hierosme;

Lib. 3. com.
in Hierem.
cap. 15.

Non fieri potest, ut creatore neglecto, non vniversa creatura consurgat in peccatores; Il ne se peut faire autrement, que le createur estant m'esprisé, toutes les creatures ne s'esleuent contre les pecheurs. Et combien que telle punition soit dure à supporter, (pour n'auoir le combat avec son pareil) ce neantmoins elle nous signifie encore outre ce quelque chose de noir ensuiuir. Il suffira maintenant de mettre en auant vn

Aug. 3. de
Ciuil. c. 23.

exemple, pour n'estre trop prolix. Sainct Augustin descriuant ce qu'arriua a Rome auant la guerre ciuile entre les Romains & Sabins, dict, que toutes les bestes, les plus domestiques & priuées (comme chiens, cheuaux, bœufs, asnes & semblables) se retirants de la Iurisdiction de leurs seigneurs, & oubliants toute douceur & priuauté, estoient vagabonds par les champs, ne recognoissants aucunement leurs maistres.

Que si mesme aucun d'iceux s'en eust voulu

appro-

approcher, ce n'eust esté sans danger de sa vie. Qui est neantmoins contre le naturel de tels animaux, car encor qu'un chien soit enragé, il reconnoist tousiours celuy de qui il a receu nourriture. De la j'inferé que si Dieu ne regarde son peuple de l'oeil de sa misericorde, que telles punitions des bestes, ou autrement ne sont que commencement de douleurs pour les vicieux & enormes excez, que nous commettons de iour à autre.

E L E I O N.

Ie sçay que nous auons bien demerité l'yre de nostre Dieu, de quoy a bon droit toute creature est presté que vengeance l'iniure de son createur, elle s'esleue contre l'homme, & principalement les bestes desquelles auez recité vn grand nombre. Mais hélas! Celles desquelles i'entends parler ne sont telles, ou comprises en aucune espece ou monstrueuse serpent ou semblable; Ains plustost l'humaine espece par ie ne sçay quel changement se rendre pareille aux irraisonnables & brutes, & en telle semblance commettre choses contre sa nature.

P R O T E R O N.

A la verité s'il faut parler de l'homme & de la proximité qu'il a avec les bestes; ie dis encore cela prouenir & proceder en punition de ce premier peché, à raison duquel non seulement il a esté privé de la iurisdiction & auctorité qu'il auoit par dessus les autres creatures, mais aussi leur a esté rendu semblable. Tout cecy entiere-

C

ment

l. 48.

ment, & tresbien remarquoit le prophete Royal
 Dauid, vsant de ces termes; *Homo cum in honore
 esset, non intellexit: comparatus est iumentis in-
 sapientibus, & similis factus est illis.* L'homme n'a
 point entendu lors qu'il estoit en hōneur, pour-
 quoy il a esté comparé aux iuments sans enten-
 dement, & a esté faict semblable a iceux. Com-
 me s'il vouloit dire; D'autant qu'il a abusé de
 ceste prerogative & puissance que Dieu luy a-
 uoit octroyée, & n'a sceu, ou voulu moderer ses
 affections; a bon droit il reçoit maintenant ce-

l. 10. de
 e. cont.
 mich.

ste comparaison sans hōneur avec les animaux.
 Car comme tres-bien dict a ce propos S. Augu-
 stin, ce priuilege que Dieu luy auoit donné, di-
 sant; *Soyez dominateur des poissons de la mer, des
 oyseaux, & des animaux, qui se remuent sur terre;*
 ne s'estendoit pas seulement de prendre telle
 auctorité sur les creatures, ains plustost seig-
 neurier a ses propres affections, par temperance
 & modestie. Et en apres adioust ce que s'en-
 suit: *Cum non reguntur isti motus erumpunt,
 & pergunt in fœdissimas consuetudines, & in di-
 uersas perniciosasq; delectationes nos rapiunt,
 & faciunt similes omni generi bestiarum.* Alors
 que ces mouuements ne sont regiz & gouver-
 nez, ilz nous laissent aller a bride auallée de-
 dans vn lac d'ordures, & remply d'immondici-
 té & saleté, nous rendant deformes, & esgaux a
 ce sexe brutal. Voyla l'opinion de S. Augustin
 confirmant nostre dire, que l'homme est ren-
 du brutal, & reietté hors les gons de raison, lors
 qu'il

qu'il se laisse conduire par passion, & volonté
desreglée. De moy ie ne diray pas seulement
vn tel homme leur estre semblable; mais bien
souuent pire qu'iceux mesme. Telle est l'opi-
nion d'Aristote quand il dit: *Sicut omnium a-* Aristot. li.
animalium melior est homo lege fruens: Sic om- 1. polit.
nium animalium pessimum, à lege & iustitia se-
paratus. Tout ainsi qu'entre les animaux il
n'y en a point vn meilleur que l'homme vi-
uant selon droit & raison: ainsi n'y a il pire
que le mesme, lors qu'il se soubztire du chemin
d'equité & iustice. Le venerable Beda cite vn
apophthegme du mesme aucteur au septième
des Ethic. disant; *Homo bestialiter viuens est* Beda in S
centies millesies bestia peior. Que l'homme vi- ten. philo
uant bestialement, est centmille fois pire qu'v-
ne beste. Derechef saint Augustin le confir-
me, quand il dit: *Homine nulla immanior fera, si* Libr. 22. c.
sibi relinqueretur. Il n'y a beste sauvage plus fa- 24. de Cin
rouche que l'homme, si on le laisse à soy mesme.
Nous serions ennuieux à produire l'opinion de
tant d'auteurs qui ont traité de telle matiere,
mais il vait mieux les enueloper pour le present
soubz le manteau de silence. Saint Hierosme
seulemēt nous seruira de preuue suffisante pour
tous, traitant du mesme subiect sur ce passage
d'Esaie (*Veni, & non erat vir.*) Il dit ainsi: *Omnes* Hier. lib. 12
enim viri & hominis imaginē relinquentes, bestia- commēt. n.
rū & serpentū sumpserunt imagines, qu'a bon droit B/a. ca. 50.
n'y auoit il homme, car tous laissant l'image de
l'homme, ont pris la forme & figure des bestes

DIALOGVE

& serpens, & continuant le mesme discours il adiouste; De là vient que nostre Seigneur pour la malice qui estoit en Herode, l'appelloit renard. Sainct Iean appelloit les Phariseens race de viperes, les voluptueux porceaux, les pail- lards sont aussi appellé cheuaux insenséz, les im- pudents chiens, les faux prophetes loups ravis- sans, & generalemēt parlant de tous, les appelle quadrupedes. Et le mesme considerant en apres cōbien nous approchons du naturel des bestes, vſe de ces mots: *Cum tantum sermone differa- mus à bestiis, tamen ostenditur nobis, quod iuxta corporis fragilitatem pecora simus*. Encore que soyons differēs des bestes selon la parolle, tou- tesfois il est euident & manifeste, que selon la fragilité corporelle nous sommes pecores. La ou ce sainct docteur nous monstre au doit, non seulement les meschants; mais aussi les bien- vivants estre fort peu differents des bestes, & quant a la fragilité corporelle ou inclination, nous l'auons pareille.

ELEION.

Vous attribuez le tout, ce me semble, a la fra- gilité, & inclination; mais ie dis n'y auoir fra- gilité, ou inclination aucune, qui (à proprement parler) puisse rendre l'homme beste; & prendre autre naturel que le sien.

PROTERON.

A proprement parler, ie ne dis point les hom- mes estre bestes, ou en auoir le pouuoir. Car il est certain qu'Herode estoit homme, & non vn renard;

renard; les Phariseens estoient de la race d'Abraham, & non engeance de viperes; mais seulement disons nous selon les effects.

E L E I O N.

Qu'appellez vous les effects ?

P R O T E R O N.

Les effects sont, que tout ainsi que le renard est cauteleux, & les viperes pernicieuses a leur propres parents, les chiens impudents, les pourceaux voluptueux, & consequemment des autres; en cas pareil Herode estoit vn renard, pour sa cauteleuse malice & finesse; les Phariseens race de viperes, machinants contre leur propre sang (qui estoient les prophetes.) Bref tous faisoient plustost office & functiō bestiale, regardans la terre, & non le ciel; à la contemplation duquel ilz ont esté créez & mis en ce monde; ingrats & m'escognoissants des graces speciales & particulieres que Dieu leur auoit departy. Il ne me semble hors de propos d'introduire quelques vers en ceste matiere de ce noble poëte françois, quand il reprend les hommes, irritants par leurs vices nostre Dieu à se courroucer & décocher sur iceux le foudre espouuantable de son courroux :

*L'homme sans plus, l'homme que tu as fait
Par dessus tout animal plus parfait.
En qui tu mis les traits de ton image.
Et vers le ciel luy baillas le visage.
A qui tu fis tant de graces auoir,
A qui tu mis ingement, & sçanoir.*

Ronsard.

C iij

Seul,

DIALOGUE

*Seul, seul t'offense, & ingrat par sa faulte
Blesse l'honneur de ta maiesté haulte.*

Et pour reprendre le fil de nostre discours, tout ainsi que nous voions les loups reuestuz d'un manteau de simplicité au commencement doux & appriuoisez; mais peu apres ayāt quitté ceste peau de faintise & simulation, il n'est possible de racōter quel degast, quel rauage, quelle cruauté ilz exercent enuers les pauvres brebis: Ainsi ces faux prophetes vsent de flaterie aux simples, pour soudain les prenant à la gorge les empescher, ou de louer Dieu, faire confession, ou prendre la pasture accoustumée dans la prée verdoyante de l'eglise: a cause de quoy nostre Sauueur particulieremēt raschoit nous detourner de ceux cy, preuoiant l'horrible defastre qu'au dernier temps ilz deuoient executer contre son troupeau. *Donne vous garde, disoit il, des faux prophetes, qui viennent a vous en semblance de doux aigneaux, & qui au dedans sont loups ravisants.* Ce qu'interpretāt Tertullien, dit ainsi; *Qui lupi rapaces, nisi sensus & spiritus subdoli ad infestandum gregem Christi intrinsecus delitescētes?* Qui sont les loups ravisants, sinon les sens & les esprits cauteleux interieurement cachez pour gaster & destruire le troupeau de I E S V S Christ? Chose trescertaine. Et encore telles gēme semblent pires que loups en leur effect; car vn loup entrant en vne bergerie, bien souuent se cōtentera d'emporter vn mouton ou aigneau sans faire tort au reste; mais vn faux predicant ne sera

Matth. 7.

Tertull lib.
de præ-
scrip. hare.

Qui lupi rapaces, nisi sensus & spiritus subdoli ad infestandum gregem Christi intrinsecus delitescētes?

ne sera point a son aise qu'il n'aye perdu tout le troupeau Catholique. Beda compare telles sortes de gens, comme aussi les persecuteurs de l'Eglise, au lion & a l'ours s'attachants aux moutons de Dauid. Mais combien que les effects de telles gens spirituellement puissent estre appelez brutaux, si en y a il encore d'autres, qui comme enragez sur le genre humain osent corporellement les mettre en oeuvre, lesquels ne sont non plus nouveaux que les autres. Car Seneca sembloit de son temps l'experimenter, lors qu'avec vne griefue exaggeration & horreur tenoit ces propos: *Ferina ista rabies est, sanguine gaudere ac vulneribus, & abiecto homine in siluestre animal transire.* Ceste rage, dit il, peut bien estre appelée brutale, se resiouir & prendre plaisir au sang, & au playes, & ayant reietté l'homme changer en beste sauvage.

Cap. 14. q.
2. lib. reg.

Seneca. li.
10. de cle.

S C I P I O N.

Les hommes donc peuent ilz laisser leur forme de nature humaine, pour en reuestir vne autre?

P R O T E R O N.

Il n'y a personne qui le peut soustenir.

E L E I O N.

Ne croyez vous point de transformation, à sçauoir que l'homme peut prendre vne autre forme corporelle, ou se transmuer en autre figure qu'il n'est?

P R O T E R O N.

Il ne se sçauroit faire sinon par la puissance diuine, & ne le croy autrement.

C iij

S C I-

DIALOGVE
SCIPION.

Toutesfois vous auez desia proposé vne autorité de Seneque, par laquelle il semble que de son temps se trouuassent hommes qui se delectants au sang humain, changeoient la forme humaine en guise d'animaux farouches.

PROTERON.

En cela n'ay ie pas entendu qu'il laissast la forme humaine, mais biē qu'il se pouuoit trouuer des hommes si cruelz, qu'ilz meritoient plustost d'estre appelez bestes brutes, que creatures raisonnables, pour se delecter à toute impieté. Au surplus s'il nous faut passer plus outre, nous dirons que Seneque pouuoit auoir experimenté telle cruauté & barbarie en cest abominable & detestable tyran Neron, qui non content de persecuter, & affliger les Chrestiens de mille morts & supplices, osoit bien encore (chose horrible a ouyr) se vestir de la peau recentemente escorchée d'une beste sauuage, pour aller foubz ceste couuerture manger les cuisses des crucifiez encore viuants. C'est a mon aduis, ou vouloit viser son precepteur Seneque, & non de dire qu'il y eust homme qui changeast d'autre forme; Ains ce tyran qui ainsi se deguisoit pour couvrir sa meschancerie. Au reste l'on peut bien estre trompé en telles opinions, & d'autant qu'il me semble que pourriez auoir entendu parler de tant de sortes de monstres approchants a l'espece humaine, d'ou auriez occasion de tomber en erreur. P'essayeray vous en resoudre en peu de pa-

de parolles. Iean Nider propose vne question: *Nider præ-*
s'il ne se peut trouver des hommes sauvages; *cep. 1. q. 6.*
& il resoud avec Albertus au liure de animal- *cap. 115.*
bus, qu'on y; & qu'il en y a de cinq sortes. Quel-
quefois sont hommes vrais, & raisonnables;
cōme on lit en la vie des peres, plusieurs Saincts
tous nuds, & veluz auoir mené vie solitaire; &
desquels on a quelquefois prins par cas fortuit
dedans les reitz en chassant aux bestes. Il y en a
d'autres, qui sont monstres en nature, & neant-
moins encore raisonnables, & comme les Saty-
res, de laquelle espee s'en apparut vn à S. An-
thoine; lors qu'il cerchoit S. Paul Hermite (com- *Hieron in*
me escrit S. Hierome) lequel luy dit: le suis *vita S. Pauli*
mortel & vn des habitans de l'hermitage, & suis *li tom. 1.*
deputé ambassade de toute ma cōpagnie, pour
te supplier, que tu faces priere pour nous au
commun Seigneur, lequel nous scauons autre-
fois estre venu pour le salut du monde, & du-
quel le bruit & renommée a remply toute la
terre. Or ceste dicte creature estoit vn homme-
let, ayant des cornes au front, & l'inferieure
partie du corps comme vne cheure. Quelque-
fois se sont Pigméens, qui est vn animal repre-
sentant l'homme en beaucoup de choses. Car
il chemine droit, il traueille des mains, & vse de
parole, ce non obstant a parler absolument, il est
plustost beste qu'homme, combien que le plus
noble apres l'homme. Autresfois apparoissent
de vrays hommes qui se sont renduz comme
bestes, & de ceux là on en peut veoir encōre a
present

DIALOGVE

present en la terre de Galice, aux Isles d'Espagne, des hommes a sçauoir fuiants cōme bestes sauuages deuant les habitans, & desquelz furēt prins au païs de Saxe, le masle & la femelle par les chasseurs, & auoient entierement la forme humaine, ce dict Albert. Mais bien souuent ce sont demons qui se mōstrent aux deserts en forme d'hōmes, & femmes, pour deceuoir les malauisez. Il y a plusieurs exemples de ceux cy en la vie des peres; mais d'y auoir telles especes de creatures en ce païs icy, ie ne le croy point. Car comme ainsi soit que les mesmes aucteurs les appellent monstres, & non vrays hommes, c'est pourquoy ie soustiēdray pour l'hōneur du païs, ensemble & la temperature de tout ce climat, que telle forme monstrueuse, ne s'y puisse trouver, comme estant incapable de telle imperfection; A raison dequoy on y en void plus rarement qu'en aucun des autres climats.

SCIPION.

Nous en auons tant d'exemples, qu'il me semble impossible de dire le contraire, a sçauoir d'hommes qui se tournans & conuertissans en forme estrangere, deuorent les personnes qu'ilz rencontrent, les autres bestes mesme, & sur tout les ieunes enfants. Et quant est de moy, ie ne dis que ce soient monstres, ains des hommes vrayement, & naturellement de mesme espeece que vous & moy.

PROTERON.

En quelle forme?

SCI-

SCIPION.

Tantost en l'une, tantost en l'autre, mais la plus commune, & experimentée en ce pais est en forme de loups; car ilz sont loups en vn tēps, quand ilz veulent, & retournēt hommes quand ilz veulent.

PROTERON.

Croyez vous cela?

ELEION.

Il est trop certain, & ont deuoré, & deuorent encore ordinairement, non seulement le bestial ains plustost s'adressent aux hommes, & particulièrement aux petits enfans.

PROTERON.

Ha! Bon Dieu combien vous errez grandement de vous persuader telle phantasie estre veritable. Je croy certes plustost que c'est vn songe que verité. Iamais les philosophes, ou naturalistes n'y ont pensé, principalement ceux qui ont eu parfaicte cognoissance de la nature, moins encore les vrais historiens ne consentiront a telle transformation; au contraire nous apprennent que tout ce qui est au monde (excepté les cieux & les choses spirituelles) appete, & desire vne autre forme, & non indifferēment telle qu'elle, mais vne plus parfaicte. Et pour vne resolution absoluë, & en peu de parolles, souuienne vous de ceste sentēce du philosophe; *Species non mutatur*, que l'espece iamais ne se change. La ou n'entendant point faire mention de la mutation & changement compris aux six

*Titelm. lib.
1. de initijs
rer. natur.*

aux six especes du mouuement, veu qu'au contraire il confesse toute creature, (excepté ce que dessus) y estre subiecte; En ce peu de parolles respond il a vostre doubte. Aussi voyons nous naturellement, toutes choses imparfaites tendre & aspirer à celuy duquel elles doiuent recevoir leur perfection. L'exemple en est aux herbes, aux fruiets, & aux autres choses, qui ont seulement l'esprit vegetatif, lesquelles desirent s'annoblir de l'esprit sensitif, estans deuorées par les bestes: les bestes successiuelement desirent monter vn degré plus hault, estans mangées par l'homme. Et quant est de l'homme, sans doubte il n'est pas moins desireux d'une autre forme; mais d'en conuoiter vne si imparfaite, ou moindre que la sienne, iamais ne se peut conceder, sinon que par mesme moyen on voulust admettre les metamorphoses d'Ouide chose absurde. Les exemples nous montrants, & l'appetit qu'a l'homme de se transformer, & quelle est la forme qu'il desire, sont assez communs aux escritures saintes, & prophanes. Et sur tous ce vaisseau d'election, & docteur des gentils l'Apostre S. Paul, qui desia sentant & apperceuant sa masse corporelle auoir iouy en son rauissement d'un petit eschantillon de ceste forme tant parfaite, ne cessoit en ses epistres de repeter le desir qu'il auoit de son dernier accomplissement, ores tenant telles parolles: *Cupio dissolui, & esse cum Christo*, Je desire ceste deliaison de mon corps, pour bien tost demourer

Philip. 10.

auec

avec mon Dieu. Et derechef: *Infelix ego homo, Rom. 7.*

quis me liberabit de corpore mortis huius. Ce que

l'Apostre ne semble desirer, pour autre chose,

sinon pour ceste transformation en vne forme

telle que descriuoit Pythagoras, disant: *Si depo-*

sito corpore athera conscenderis, eris immortalis

Deus. Si ayant despouillé ce corps tu montes

aux cieux, tu seras rendu Dieu immortel.

Car cest amour, & desir ce me semble

Amour n'est pas tousiours celui du corps

Vn autre y a qui n'appete rien, fors

L'ame qui soit vestue d'innocence,

De chasteté, Justice, & continence.

*Platarc. de
educ pueris*

Et a celle fin qu'il ne vous semble estrange,

que i'vse si hardiment d'une si excellente muta-

tion, mettez deuant les yeux de vostre entende-

ment, ceste belle sentence; *Non me mutabis in te,*

sed tu mutaberis in me, C'est a dire, Tu ne me

changeras point en toy (car Dieu ne se change

point, veu qu'il n'y a forme plus parfaite, que

soy mesme) mais tu seras changé en moy, pour

auoir ta derniere perfection par vne telle muta-

tion. Ce qui se fait par le moien de ce tresdigne,

& venerable Sacrement, non seulement nous vnif-

icant mystiquement en vne charité, mais realle-

ment nous faisant mesme corps, selon le dire de

S. Iean Chrysostôme; *Ipsa re in illam miscemur*

carnem. S. Augustin en cas pareil exhortant les

fidelles a la frequentation de cest auguste &

ressainct Sacremēt, dict: *Accedat fidelis, credat:*

incorporetur, ut vinificetur; Que le fidelle s'ap-

proche,

*Chrysost.
hom 91. ad
pop. Ant.
Aug tract.
20. in Ioa.*

DIALOGUE

Ciril. lib. 4.
in Ioan.
cap. 17.

Hesiod. lib.
1. oper. ac
dier.

Art. 17.

proche, qu'il croye, soit incorporé pour estre
viuifié. Et pour plus ample confirmation, valide
argument, & comme expres tesmoignage, con-
siderez de pres ceste sentence dorée & si riche
de S. Cyrille; *Sicuti si quis liquefacta cera aliam
ceram infuderit, alteram cum altera per totum
commisceat, necesse est: Sic qui carnem & sangui-
nem Domini recipit, cum ipso ita coniungitur, ut
Christus in ipso, & ipse in Christo inueniatur.*
Tout ainsi que si quelqu'un vient a verser d'au-
tre cire, avec celle qui est desia fondue; il est ne-
cessaire qu'elle se mesle totalement avec l'autre;
de mesme celuy qui recoit la chair & le sang de
nostre Seigneur, de telle sorte est il conioinct a-
uec iceluy, qu'il se trouue en Iesus Christ, & re-
ciproquemēt Iesus Christ en luy. Et voyla com-
me estant vnīs & ioincts au sep, ne pouuōs fail-
lir d'auoir vie & transmutation, estans si bien in-
corporez avec Dieu. Et par ce ne semblera hors
de propos, si meslant les prophanes avec les
choses saintes, ie prouue le dire d'Hesiodē le
poete; *Sunt homines dijq; vna ab radice creati.*
que les hōmes, & les Dieux sont sortis de mes-
me racine: Veu qu'il nous est confirmé par l'A-
postre se seruāt de la sentence de quelques phi-
losophes & poetes, disant icy; *Ipsius enim & ge-
nus sumus.* C'est a dire, que nous sommes le
lignage de Dieu. Que si nous ne voulons pren-
dre ceste transformation estre essentiellement
de nostre nature en Dieu, a tout le moins par-
ticipans de ceste immortalité, & iouyssans des
douai-

douaires d'un corps glorieux, pour le moins nous pouvons en édre en ce lieu par le mot de, *Dieux*, les anges, desquelz, ou bien ausquelz la nature de nostre ame est fort proche, & desquelz finalement deuons estre compagnons au ciel, selon la promesse de nostre Sauueur, *Erunt sicut Marc. 12.* *angeli Dei in celo*: Ilz seront comme anges de Dieu au ciel. Et voyla la forme non pas corruptible, mais la forme de laquelle estants reuez, & formez n'en pourrōs iamais desirer d'autre, car nostre desir sera parfaitemēt contenté. C'est pourquoy nous y visons tousiours, & y aspirons: Et combien qu'il y aye des hommes peruertis & meschans, neantmoins si vous leur demandez a sçauoir s'ilz n'esperent pas quelque iour iouyr de ceste beatitude celeste, ilz respondront qu'ouy, & qu'ilz ne respirent rien autre chose, sinon d'acquiescer la faueur des cieux. Pourquoy cela? D'autant que nature nous y incline, & guide noz souhaits non sur la terre ou est toute putrefaction & corruption; ains aux cieux, nostre domicile futur, ou est toute ioye & vn plaisir parfait & accompli. Comment donc vous persuadez vous chose si absurde? ou comment osez vous tant deprimer, & r'abaissier la nature humaine, creature si noble, si excellente, ornée de tant de belles vertuz, embellie de tant de richesses, pour laquelle toute chose a esté creë? a qui Dieu a donné vn plain pouoir, & auctorité par dessus tous les autres? Pour laquelle rachepter il est venu tant souffrir, & en-

DIALOGVE

& endurer en ce monde; de la forme & semblance de laquelle il s'est voulu affabler, & vestir, & non d'autre, pour nous apprendre que combien que de soy toutes choses soyent parfaites, & qu'il ayme tout ce qu'il a fait, neantmoins il a voulu monstrier & l'amour excessivement grand qu'il portoit a l'homme, ensemble la singuliere perfection de l'abregé de toutes ses œuvres, autrement appelé *μικροκομὸς*. Et maintenant vous luy osez faire ceste iniure que de luy bailier vne forme brutale. Poscray bien dire que continuant en ceste opinion non seulement vous offensez & faites tort à vous mesme, & à toute l'espece humaine, mais aussi à son createur & facteur. Car celuy qui mesprise l'ouvrage d'un maistre, par consequent il contemne, & mesprise le maistre & l'ouurier.

ELEION.

Ia à Dieu ne plaie, que nous entendions faire aucune iniure a l'homme, ou luy deroger en ses droits, moins encore a son Createur. Car nous ne disons point Dieu estre la cause de telle mechanceté, non plus que dire l'homme de bien s'en vouloir mesler, mais plustost la malice de quelques vns, ou le peché.

PROTERON.

Si vous tenez que pour le peché, ou malice de l'homme, il puisse ou doive prendre autre forme, ou autre corps que le sien, vous tombez en vne opinion fort erronée, & qui n'est de peu d'importance, veu qu'elle meine le droit chemin

chemin au paganisme, comme nous mon-
 trerons. Car il y a eu certains philosophes pay-
 ens, qui ont opiné, & imaginé qu'après ceste
 vie presente, l'ame de l'homme deuoit prendre
 vn corps tel, duquel il auroit mené la vie en ce
 monde. De laquelle opinion ont esté Pythago-
 ras, Platon, Plotin, & quelques autres; & à celle
 fin de ne vous y arrester, premierement vous
 monstres combien est grande telle absurdi-
 té, & consequamment combien esloignée de
 nostre foy, & de l'opinion des Catholiques. Py-
 thagoras a esté si ridicule en son opinion, que, *Lib. 7. de*
 comme dit S. Augustin, il s'est estimé auoir esté *Gen. ad lit.*
 coq, qui d'autant que par son chant il esueilloit
 son maistre trop matin, fut mis à mort. Et iacoit
 que Platon aye merité d'estre decoré d'un tiltre
 tant honorable par sur tous les Philosophes, ce
 nonobstant s'est il excessiuement laissé pousser
 à telle phantasie, car il en a esté tant fabuleux,
 qu'il s'en souuiét tousiours en la plus part de ses *Com in ca.*
 escrits. *Louys Vives* a colligé son opinion du *30. lib. 10*
de Ciuit.
 Timée, du dernier de la Republ. & de son liure
 intitulé Phædro, ou il dit que particulièrement
 en cestuy cy il décrit les degrez des transmuez;
 disant les ames de ceux qui suiuaus Dieu, con-
 siderent quelque chose de verité en ce monde,
 estre transportez en vn autre parc, & pourpris,
 & là transformez, la ou si elles se portent de mes-
 me qu'auparauant, estre là sans peine, & tous-
 iours bien-heureuses tandis qu'elles perseuerer-
 ont, Que si elle n'ont point acquis entierement
 D la veri-

la verité, & qu'elles demeritēt, elles retournerōt
 en vn corps en tel degré, qu'elles aurōt plus cog-
 neu la verité: de sorte q̄ celle qui aura beaucoup
 veu, prenne la forme d'un philosophe: celle qui
 moins, d'un Roy legitime, empereur ou d'un
 vaillant homme, qui encore moins, d'un magi-
 strat ou d'un pere de famille: Au quatriesme
 rāg d'un medecin, qui est au cinquesme, qu'il
 aye le corps d'un prophete ou instructeur des
 secrets de la religion: qui est encore plus bas, à
 sçauoir au sixiesme, prenne la façon d'un poëte:
 qui sera au septiesme, d'un ouurier ou laboureur:
 qui a l'huitiesme ordre, sera vestu de la forme ou
 d'un sophiste, ou d'un lapidaire, qui sera iusques
 au neufiesme, sera vn tyran; Disant en fin selon
 qu'ilz se gouuernerōt bien ou mal, leur cōdition
 estre meilleure ou pire. Et au bout de dix mille
 ans, chāsque ame doit retourner au mesme lieu,
 d'ou elle estoit sortie deuant ce terme, exceptée
 toutesfois l'ame de celuy qui sans fraude & trō-
 perie se portera sagement à trois trāsformations.
 Car celuy qui s'y sçaura si biē gouuerner, retour-
 nera au bout de trois mille ans: Au cōtraire des
 meschantes ames, lesquelles estās condēnées aux
 supplices infernaux, la mesme demeurerēt endu-
 rant selon la qualité de leur vie precedēte iusques
 apres mille ans, qu'il est lors permis, & aux vnes
 & aux autres de choisir vn corps cōforme a sa vie
 passée; Tellemēt, dit il, qu'ainsi l'ame d'Orphée
 esleut & choyfit le corps d'un cygne, & ne dai-
 gna prédre le corps d'une femme, pour la hayne
 qu'il

qu'il portoit au sexe féminin; l'ame de Thamis-
ris voulut prendre le corps d'un rossignol; l'ame
du cigne faillit en un homme, l'ame d'Aïax en un
lion, celle d'Agamemnôn en un aigle, & de Ther-
sites en un singe. Voila l'opinion de Platôn, & de
Plotin, referée par ledit auteur. Et de fait Platôn
estimoit que les ames qui sortoiēt des corps tres-
nettes, habiter entre les dieux, & quant aux im-
mondes demourer aux sepulchres (d'où mesme
ce faisoïēt quelquefois des apparitiōs espouuē-
rables) & là endurer iusqu'à ce que le desir de
leur corps s'accorde à elles pour les retourner
vestir. l'adiousteray encore l'autorité de Zoro-
astre prince des Magiciens referée par Cælius *Cal. Rhod.*
Rhodiginus, à fin que tout ainsi que nous auons *lib. 9. att.*
sçeu l'opiniō qu'ils auoiēt des bien viuants, que *cap. 21.*
semblablement nous voions quelle opinion ils
auoient de l'estat des meschâts, ce que d'autant
plus volontairement feray, que vostre opinion y
semble estre cōforme; de sorte que respōdant à
l'une, nous penserons satisfaire à l'autre. Voila
dōc ce que dit l'auteur susnômé: *Zoroaster, à*
quo omnis veterū Theologorum sapientia manasse
creditur, sic ait: Tuum vas habitabunt bestia terra.
Ce que vaut autant à dire: Zoroastre de qui on
pēse estre descendue toute la sagesse des anciens
Theologiēs, tient tel propos: Les bestes de la ter-
re habiteront ton vaisseau. Ce qu'est interpreté
par quelques vns de ses sectateurs, que les ames
lesquelles ont exercé vne vie semblable aux bru-
tes, puis apres conuersent entre les mesmes.

D ij Ce qui

D I A L O G U E

Ce qui s'accorde, & conuient à la doctrine Platonique, ou Pythagorique; Car tous ceux cy estiment ceste transformation se faire realement: à sçauoir que celuy qui aura vescu de rapine, & en concupiscence, qu'il se change en vn milan, se conuertisse en lion: qui aura vaillamment baillé, en dragon: celuy qui s'animera contre le genre humain, en homme soit mué qui aura vescu ciuilement: Laquelle, quoy que suyue au passé, ç'a esté de fort peu, comme d'Ouide avec les Metamorphoses, ou Pythagoras avec la metempsychose tant de fois repetée, à sçauoir, comme dit S. Hierome, qui premierement se souuenoit auoir esté Euphorbus, en apres Callides, de la Hermotimus, apres auoir esté Pyrrhus, & finalement Pythagoras. Dequoy S. Hierome se mocque avec beaucoup d'arguments. Mais qui seroit celuy, qui ne dirgit estre illusion, & digne de mocquerie, suivre telle opiniõ, que l'ame raisonnable, volontaire, intellectuelle, & discourante passast dans le corps d'un chardonnet, d'un chat, d'un coq, d'un chien, d'un cigne; & l'ame du cigne reciproquement organiser vn corps humain? *Tibulle ad Messalam lib. 4. eleg.*

*Tibul. ad
Mess. lib. 4
eleg.*

mutanda figura

*Sen me finget equum rigidos percurrere campos
Doctum, seu tardi pecoris sim gloria auris;
Sine ego per liquidũ volucris vehar aëra pennis.*
Quelle absurdité? Comme s'il n'y auoit aucune difference entre l'ame d'un homme, & l'ame d'une beste. Ces Philosophes là ne deuoient point

point auoir tant speculé ou considéré la nature, comme puis apres a faict Aristote. Que s'ilz l'eussent faict, ilz eussent apperceu l'ame brutale ne pouuoir ratiociner, l'ame vegetatiue n'auoir sentiment, & l'ame raisonnable differer de celles là entierement. Laisant donq ceste opinion, & entendant celle que deuous tenir, premieremēt monstons la sentēce de ceux cy estre faulse. Iustin martyr cōfond Platon, & les siens, de leur propre cousteau, & par ceste opinion, & encore vne autre autant erronée, les amaine a vn inconuenient tresdangereux, prouuant par leurs opinions, que si l'homme se change, par consequent Dieu se doiēt changer. Car dict il: S'il est ainsi qu'il semble aux gētilz, a sçauoir que Dieu n'aye point créé, ou faict l'homme de sa volōté, mais que l'estre de Dieu seul importe necessairement l'estre de l'homme, il s'ensuit que l'estre de Dieu depend de l'estre de l'homme: par consequent iceluy se changeant, ou transmuant de sa figure, & forme humaine en vne formis ou autre animal, que Dieu necessairemēt doit estre changé & transmué de sa nature en vne autre. Voyla cōme ilz sont confonduz de leurs raisons propres. Et derechef le mesme aucteur, oppugne ceste mesme opinion, en son dialogue avec Tryphon cōtre les Iuifs. Et quant est de S. Augustin, il tient telle phantasie pour illusion diabolique; *Illa, dit il, quæ feruntur accidisse; vt quidam quasi recordarentur, quod in quorundam animalium corporibus fuerint; aut falsa narrantur,*

*Iustin in
quest. à gē
tibus Chri-
stian. propo*

*Aug. lib. 7
de Gene. ad
line. ca. 11.*

D iij aut lu

aut ludificationibus demonum hoc in eorum ani-
mis factū est. Ce qu'on raconte estre arriué, que
 quelques vns se souuenoiēt auoir esté aux corps
 des animaux; ou on les raconte comme faulces,
 ou bien cela est aduenu en leurs esprits par illu-
 sions diaboliques. Et le mesme se rist de la re-
 miniscēce de Platon, & metempsychose de Py-

Aug. li 11
 de Trinita.
 cap. 15.

thagoras; Ladiēte reminiscēce prenant son com-
 mencement de ce que Platon voyant vn ieuſne
 enfant respondre a propos à quelques questiōs
 Geometriques, se dōna occasion d'imaginer que
 les ames auroient esté autresfois en ce monde.
 De quoy en apprenant on rememore pluſtoſt
 ce que desia on ſçauoit, que non pas d'apprédre
 quelque chose de nouuean: Mais lediēt S. pere
 luy respond en deux façons; Premièrement, que
 cela se faisoit d'vn bon iugemēt, & naturel qu'il
 respondoit, d'autant que d'autres euſſent aussi
 bien satisfait a telles demādes, veu que mesmes
 au parauāt il y auoit eu fort peu de Geometriēs.
 Secondemēt, que s'il estoit ainsi le reste des hō-
 mes, se souuiēdroient aussi bien que celuy la, de
 ce que leur seroit arriué en leurs autres corps; Et
 neātmoins il y en auoit fort peu qui s'en souuin-
 ſent. A raison de quoy lediēt S. Docteur craignāt
 les fidelles embrasser telle absurdité, il nous en
 baille vne telle resolution disant: *Cauendū est ne*
quadā trāslatio anima fieri à pecore in hominē posse
credatur, quod veritati fidei q̃ Catholica omnino
contrariū est. Il nous faut bien garder de croire
 qu'il se puisse faire quelque translation de l'ame,
 du corps d'vne brute en vn hōme: car cela est du

Aug. lib. 7.
 de Gen. ad
 liter. ca. 9.

tout contraire a la verité, & a la foy Catholique.
 Et en apres; *Quoquo modo se habeat vel nō habeat
 opinio Philosophorū de reuolutionibus animarum,
 Catholica tamen fidei non cōuenit credere, animas
 pecorū in homines, aut hominū in pecora transmi-
 grare.* En quelque maniere qu'ayēt opiné les Phi-
 losophes de la reuolutiō des ames, il ne cōuient
 point toutesfois a la foy Catholique de croire les
 ames des bestes passer & changer aux corps des
 hommes, & reciproquemēt les ames des hōmes
 aux corps des bestes. Et cōbien qu'on impute à
 cest ancien doct. Origene, qu'il aye voulu quel-
 quefois fauoriser a telle imaginatiō, il y cōtredit
 toutesfois comme on peut veoir en ce passage.
Helias iam venit, la ou il dit ainsi; *Quod dicit pro-
 pter Ioannē, Helias iā venit, non anima Helie in-
 telligenda est, ne incidamus in dogma trāscorpora-
 tionis; quod alienū est ab ecclesiastica veritate.* Ce
 que dict nostre Seigneur parlāt de S. Ieā, Helie
 est desia venu, il ne faut pas entēdre l'ame d'He-
 lie, de peur que ne venions a tōber en l'opinion
 de transcorporation, ce qu'est du tout estrange
 de la verité ecclesiastique. Au mesme lieu ce do-
 cteur montre, comment ce seroit amener l'in-
 cōuenient que le mōde ne prendroit iamais fin,
 ce que se feroit s'il failloit chāger tant de fois de
 corps, qu'on viendroit a offenser; ce qu'est entie-
 rement cōtre les saintes escritures, & la parolle
 de Iesus Christ mesme. Et combien d'années
 pensez vous, dict il, que l'ame pourra demeurer
 inculpable, & nette de peché dans le corps?

Orig. traict.
 3. in Matthe
 cap. 17.

D iij Et de

Orig. lib. 1.
periarcho
cap. 8.

Et derechef: *Illā sane neque recipienda censemus, quæ & à quibusdam superfluo, vel requiri, vel a-
strui solent, Id est, quod anima in tantum sui de-
cessum veniant, ut natura rationalis ac digni-
tatis oblita, etiam in ordinem irrationabilium
animalium, vel bestiarum, vel pecudum deuol-
uantur.* Jamais ne sommes d'aduis, dict il: de
recevoir ou admettre ce qu'ont accoustumé
quelques vns superflueusement, de s'enquerir, ou
asseurer, à sçauoir que les ames viennent en vn
si grand rauallément de soy mesme, que s'oubli-
ant de leur nature raisonnable, & de leur digni-
té, elles descendent, & deualent aux rangs des
animaux irraisonnables ou des bestes. Et apres
là mesme auoir produit les raisons de la sainte
escriture, desquelles quelques vns se vouloient
preualoir, & defendre, il adioust; *Has non so-
lum non suscipimus, sed & omnes has assertio-
nes eorum contra fidem nostram venientes refu-
tamus atque respuimus.* Non seulement nous
ne receuons ces opinions, mais nous refusons,
& reiettons toutes leurs affirmations comme
procedantes contre nostre foy. Et de rechef sur
le chapitre dixiesme, & dixseptiesme de saint
Matthieu, Lactance tient ceste transmutation
pour vn songe. Mercure Trismegiste (selon son
grand nom en trois façons) combien que payen,
a toutesfois eu honte de tenir telle opinion;
mais ayant a la maniere des poëtes descrit ceste
transformation, adioust, (dict Cæl. Rhodig.)
la loy diuine ne permettre tel changement de
l'esprit

Laflant. de
falsa sapiē.
cap. 18.

l'esprit humain au corps des bestes. Là mesme il produit Thimée Pythagorien au liure qu'il a fait *de mundo & anima*, qui dict, que faulsement sont persuadées telles migrations, & seulement estre pour la terreur, & espouantement des meschans a ce que pour le moins ilz fussent retirez de leurs vices abominables, & cruauté, par vne espece si absurde. Porphyre mesme quoy qu'ennemy du Christianisme, si n'a il point voulu consentir avec son maistre Platon, ains condamne son opnion, la trouuant esträge, dict S. Augustin, que indifferement on passe en tout corps; accordant bien qu'on passast en nouveaux d'autres hommes: mais S. Augustin le rembarre: *Puduit scilicet, dit il, illud credere ne mater fortasse filium in mulam reuoluta uectaret; & non puduit hoc credere, ne reuoluta mater in puellam filio forsitan nuberet.* Il a eu honte de croire cestuy la de peur que par aduétude sa mere estant mule vint a enfanter; & n'a pas eu honte de croire que sa mere estant retournée en vne fille se mariaist a son filz. Ce sont les sentences des docteurs Catholiques condemnants la sotte imagination de ces payens. N'est il point evident qu'ilz se sont grandement oubliez en toutes ces follies, & imaginations, ou mesme pour ceste reminiscence. Car ilz tenoient qu'ayant fait changement d'un corps, apres vn certain temps ilz s'en alloient au fleuve de Leihée, duquel ayant beu, ilz oublioiēt tout ce que s'estoit passé; dequoy parle le poëte Virgile:

Lib. 10. de
Civilit. c. 30

Has

D I A L O G V E

6. Aeneid.

*Has omnes ubi mille rotam voluere per annos,
Lethaū ad flumiū Deus euocat agmine magno,
Scilicet vt memores supera vt cōnexa remisant,
Rursus & incipiant in corpora velle reuerti.*

Dequoy mesme encore i'infere qu'ilz ne pou-
uoient introduire, ou soustenir aucune souue-
nance vraie. Car si on rememore & que l'on se
souuienne il n'y a dōc point d'oubliance; & que
s'il y en a eu, il faut que le resouuenir soit faux.
Cōclusion donc que les ames pour quelque pe-
ché ou malice ne font iamais vn tel changemēt,
& que Dieu a d'autres prisons pour les mettre,
que dans les corps. Au reste cela est contre no-
stre foy, comme nous le tesmoignēt les SS. Do-
cteurs. D'abondant vn axiome trescertain de
tous philosophes est, que chasque forme sub-
stantielle requiert certaines dispositiōs pour in-
former la matiere qu'elle pretend, & d'autant
plus grandes que la perfection de ladicte forme
est plus souueraine. Que s'il est ainsi, combien
deuōs nous penser que l'ame, qui est vne forme
tāt noble, & si parfaicte, qu'il n'y a plus au mon-
de, demandera plus grandes & plus exquisēs
dispositions, pour pouuoir informer vn corps
tant different, comme est vn loup, ou vne autre
brute? Vous tōbez en des grands inconueniens.

E L E I O N.

Cen'est nostre intētion d'enuelopper en no-
stre discours chose qui soit cōtreuenāte a la foy,
ou admettre la metempsychose Pythagorique,
car outre l'auctorité de tant des celebres person-
nages,

nages, avec vn si grand nombre de riches sentences nous retenons ceste derniere de S. Augustin, qui non seulemēt nie telle transformation ou transmigration, mais encore aucune mutation corporelle ou spirituelle en l'ame, comme n'y ayant rien de commun avec vn corps, non plus qu'avec aucune autre ame, soit elle sensitive, vegetatiue, ou de mesme espece. Mais nostre opinion me semblera valide, quant a la metamorphose, & transformation corporelle. Car nous ne pouuons moins, que iuger de ce que nous voyons, & manions selon la sentence d'Aristote: *Qui sentit indicat*; Celuy qui sent il iuge. C'est a dire, que nous iugeons par le moyen des sentiments.

Aug. li. 10.
de Gen. ad
lile, cap. 4.

P R O T E R O N.

Supposé donc qu'il se face vne transmutation, ou transformation, il faut ou qu'elle soit naturelle, volontaire, ou violente (comme ainsi soit que toute transformation soit comprise entre les mouuements.) Quelle soit naturelle, il est impossible, car il y auroit manifeste repugnance en la nature, veu qu'elle ne peut estre changée sinon par son propre principe qui est Dieu, (comme diēt S. Thomas) auquel seulement appartient de transmuer les creatures (& ce mediatemēt ou immediatē) veu qu'a luy seul appartient de les cōseruer. Parquoy elle ne peut donc estre naturelle, car nous ne trouuōs point que iamais Dieu aye faict ou vsé des metamorphoses, ou trāsformations telles, non plus que se pou-

Tho. 3. par
9. 13. ars.

pouoir faire de soy mesme, ou s'estre faicte. Que si elle est violente, telle violence sera difficile a endurer, depuis que tous les membres sont desnoiez & disioints de lieu en autre. Que s'il est ainsi que l'homme qui a la chair des plus tendres, sente la moindre picqueure, combien a plus forte raison deura il sentir vne telle, & violente transmutation? Et a la verité les viuants ne peuuent donner tesmoignage de la douleur d'un tel departir; mais seulement ceux qui y ont passé, tel que pourroit estre celuy resuscité, duquel parle S. Cyrille, qui estant enquis des douleurs excessiues qui se font a la separation du corps, disoit ainsi: *Si omnis humana intelligentia, quas vellet angustias & dolores aestimaret; respectu anime dissolutionis a corpore; tamen illa pro nihilo computaret.* dict il; Si toute l'intelligence humaine conferoit toutes les angoisses & douleurs que bon luy sembleroit, au regard de la separation de l'ame d'auec la corps, elle les reputeroit pour rien. C'est a dire, qu'il n'y a point de comparaison. Que si vous dictes que l'ame laisse le corps humain, pour en aller vestir vn autre, alors il y a separation, laquelle ne se faict que par la mort; sinon que ceux qui le voudroient soutenir, fussent plus sages que S. Augustin, lequel ne l'a iamais creu, ainsi qu'il cōfesse par ces propos, *Iam vtrum anima habeat aliquod corpus, cum de hoc corpore exierit, ostendat qui potest; ego autem non puto.* C'est a dire; Maintenant s'il y a aucun qui puisse mōstrer, a sçauoir si l'ame estât
 sortie

yrill. ad

ug. de lau

i. D. Hier.

sortie de ce corps en aye quelque autre, qu'il le
 monstre s'il peut, de moy ie ne le pense point.
 Car si l'ame estoit séparée realement, il n'y a que
 Dieu seul qui la puisse remettre, & par ainsi on
 ne peut dire que iamaïs l'ame ou l'esprit se se-
 pare de son corps, sinon par la mort: que la mu-
 tation aussi ou transformation quant au corps
 soit impossible en quelque façon que se puisse
 estre. S. Augustin nous en assure disant; *Nulla* August. li.
arte, sed nec potestate animus, sed nec corpus qui- de spiritu
dem aliqua ratione, in membra, vel in lineamenta et anima.
bestialia veraciter conuerti potest. C'est a dire:
 Ny le corps, ny l'esprit peut estre par aucune
 maniere, artifice, ou puissance conuerty verita-
 blement en membres, ou lineaments bestiaux.
 Il monstre euidamment que telle conuersion ne
 se peut faire. Plin tient pour fables, & moque-
 ries telles superstitions, & les appelle fables. Plin. lib. 8
Homines, inquit, in lupos conuerti, rursumq; sibi cap. 22.
restitui, falsum esse confideter existimare debemus,
aut credere omnia quae fabulosa tot seculis compe-
rimus: Nous deuons assurement penser estre
 faux que les hommes soient cōuertiz en loups,
 & derechef restituez, & remis en leur forme, ou
 bien croire tout ce que nous trouuons iamaïs y
 auoir eu de fables: Tellement que ceste propo-
 sition n'est non plus a soustenir, que la prece-
 dente, sinon qu'on voulut admettre les Meta-
 morphoses d'Ouide, & autres fictions poëti-
 ques, & fabuleuses. Finalement la resolution
 des docteurs est, que l'homme ne peut muer,
 ou transf-

DIALOGVE

ou transformer son corps, non plus qu'en prendre ou changer vn autre.

SCRIPTION.

Quelle est donc vostre opinion que puissent estre ce genre de bestes, exerçant telle cruauté sur le genre humain; car depuis que les naturalistes en ont eu la cognoissance, ie ne pèse qu'ils ayent voulu le laisser passer sous silence, sans en resoudre, ou que les Histoires n'en parlent, ou que vous mesme n'en ayez apperceu quelque chose; que vous en semble?

PROTERON.

Sapient. 5.

Nous vous auons assez amplement monsté par cy deuant le pouuoir que Dieu donne a ses creatures, pour se venger des transgresseurs de ses commandements, ce que en peu de parolles nous est confirmé par le dire du Sage : *Armabit creaturam ad ultionē inimicorum, & pugnabit pro eo orbis terrarū contra insensatos.* C'est a dire, que Dieu armera la creature pour la vengeāce de ses ennemys, & le circuit de la terre bataillera pour luy cōtre les insensez: & ne doit sembler estrange a aucun, car ce n'est d'à present qu'ilz commencent; plustost deuons nous admirer la bonte de Dieu, qui nous pouuant tout a l'heure de nostre offence punir en corps & ame, ayme mieux toutesfois punir de peines si legeres, pour nous attēdre a penitēce. A celle fin dōc que vous pēsiez que ce puissent estre loups naturels, cōme ie les pense estre, ie vous reciteray ce que moy mesme ay experimēté depuis quelques années. Me

sou-

Souuient que l'an 1587. estant en Perigort, & se-
 journant quelques mois en vn petit conuent &
 ville de Riôs, asçauoir cinq lieues de Bordeaux,
 fus enuoyé le iour S. Iean par le pere Gardien
 dudiect lieu en quelque village distant environ
 trois lieues, d'ou m'en retournât, & transuersant
 certain aultre petit village, aduisé vne pauvre
 femme fort contristée, laquelle me dissuadoit de
 tenir le mesme chemin, d'autant disoit elle, qu'il
 n'y auoit pas encores demie heure q̄ sur le sucil
 de sa porte luy auoit esté rauie du loup vne pe-
 tite fillette, qui pour quelques tourmēts ou crys
 que ladiecte femme & plusieurs de ses voyfins
 peussent mener, iamais ne peut estre recourée.
 C'est le premier duquel entēdis parler, mais nō
 le dernier. Me transportant de la à Toloze, pour
 mon cours d'estudes, le susdict pere Gardien es-
 criuit a celuy de nostre cōuent, feu de bōne me-
 moire le Reuerend pere de Roca, lettres de re-
 cōmandation aux prieres des Religieux, touchāt
 telle pauureré & miseres, asçauoir comme plu-
 sieurs hōmes, femmes, & petits enfans, s'estans
 perdus, & desquels on n'auoit sçeu nouuelle, au-
 roient esté deuorez par les loups, ou autres be-
 stes sauvages, en signe dequoy venant a sier les
 bleds, on trouuoit cachez des tez & os des bras
 & iambes: Ce n'est encore tout. Car peu a peu
 en ce mesme païs, & encore plus entre leurs
 voyfins les Gascons & aultres païs d'alentour,
 ces loups prindrent telle hardiesse que personne
 n'osoit doreseuuant aller par les champs sans
 com-

compagnie. Dont trois ou quatre ans apres ayāt
paracheué mon dit cours, & me commençant a
retirer vers noz cartiers, fuz employé de mon
office a Rhodéz ville capitale de Rouergue &
limitrophe d'Auuergne, ou semblablement cou-
roient ces loups a grandes touppes, de sorte qu'
enuiron dix heures du soir estudiant en nostre
chambrette, entendis vn bruit & hurlement de
tel accord, que iamais n'auois ouy le semblable.
Dequoy cupide sçauoir que pouroit estre, apres
auoir paracheue mon discours, m'en vois prō-
ptement enquerir de ceste nouuelle & inaudite
harmoniē a la sentinelle du conuent, laquelle
trouuay encore toute effroyée de peur, me di-
sant qu'il n'auoit veu oncques telle compagnie,
ny de loups sy enragez, le nombre estoit dix-
huiet ou vingt, comme il auoit peu remarquer
au cler de la lune. Au Reste si hardis, qu'ils sem-
bloient despiter tout ce qu'il y auoit d'habitans
en la ville, approchans iusques aux fossez. Et
quāt est de la hardiesse, ie peux dire ce que m'est
arriué. En ce mesme pays pres Villefranche, y
en rencontray vn tout proche de moy en vn che-
min estroit, qui a peine pour clameur que ie
peusse faire, se vouloit destourner, en fin toutef-
fois s'en alla lentement comme Dieu voulut.
Et a present en tous ces pays là, on ne parle d'au-
tre chose, sinon d'aller a la chasse au loup, ce
qu'on faiet tous les iours de dimanches, & fe-
stes apres auoir assisté au seruice diuin, les pa-
roissiens s'assemblans autour d'vn bois assigné

auec

avec vne fourcheſiere a trois pointes en triangle, car c'eſt le baſton qu'on a cogneu le plus propre pour reſiſter a la rage de telles beſtes, & en ceſte façon en ont deſia deſpeché vn grand nombre. Le vulgaire eſt d'opinion que la faim preſſant tels animaux pour la paucité du beſtail qui eſt preſque tout pery par la guerre, ont eſté pouſſez en ceſte rage de s'adreſſer aux hommes, & ceulx que i'entēdis hurler, qui eſtoit enuiron la ſainct Martin, on les diſoit eſtre descenduz des montaignes d'Auuergne, cōme ilz faiſoient tous les ans, pour trouuer a māger, Ce qui eſtoit vray-ſemblable, car quelques mois auparauant la Touſſaincts les bergers ne pouuants plus demeurer en ces montaignes pour les froidures exceſſiues, s'en retournoient aux maiſons avec leurs troupeaux: & voila comment les loups eſtans preſſez de la faim, peuuent s'attacquer aux hommes naturellement: Toutesfois ie paſſeray encore oultre, & diray que cela ne ſe faiet pas touſiours de leur appetit, ou propre mouuemēt, ains quelquefois eſtans agitez du maling eſprit, *Malleus Malefic.* cite l'opinion d'Albertus lib. *Parte 1.^a* *9. 10.* de animalib. diſant que pour pluſieurs occaſiōs arriuent ces incurſions des loups, quelquefois par la faim, aultrefois par leur grande force, aucunesfois lors qu'ilz ont des petits, aultresfois auſſy par la vielleſſe, car daultant qu'ilz ne peuuent plus chaffer ou courir apres les beſtes, lors ſont ilz plus dāgereux cōtre les hommes: Auſſy s'adreſſent ils plus volontairement pour l'expe-

E
rience

rience qu'ilz ont de la chair humaine, laquelle
 comme ainsi soit qu'elle est mieulx cōplexion-
 née que des aultres creatures, c'est pourquoy el-
 le est plus douce & sauoureuse, le mesme font
 ils aussi lors qu'ils sont enragez. Mais quāt est de
 l'opinion de celuy mesme (sçauoir *Mal. Malef.*
 elle est telle, que bien souuēt cela ce faict par il-
 lusion diabolicque, ou quand Dieu desire punir
 quelque peuple pour ses demerites. De cestuy cy
 cōme nous lisons en la sainte escriture des qua-
 rante & deux enfants deuorez par deux ours,
 pour l'irrision qu'ilz faisoient du prophete Heli-
 zée: du lion qui deuora le prophete inobedient
 au cōmandement de Dieu: cōme aussi ce qu'ar-
 riuā a Vienne, a cause dequoy, l'Euesque du lieu
 institua les litanies auant l'Ascension, par ce que
 les loups errāts en la cité, deuoroient les hōmes
 publicquement. Tels pouuons nous dire cōme
 ceux desquels vous voulez parler, cōme mesme
 celuy qui enuiron la S. Ieā est arriuē au village de
 Doulceau pres Waure, a vn petit enfant que le
 loup emportoit desia, si on ne luy eust osté, les-
 quels tous & semblables se peuuēt faire imme-
 diatement par le cōmandement ou permissiō de
 Dieu, & sans l'assistance des demōs & d'aucune
 magie ou malefice. L'autre sorte de loups est par
 illusion diabolicque & de magie, de laquelle
 Guillaume de Paris refere vn exēple d'vn cer-
 tain personnage, qui se pēsant estre conuertiy en
 loup en certain tēps se cachoit aux cauernes, &
 de la se persuadoit sortir, enuironer & tournoier
 les en-

les enfans, & cōme ainsi fust que seulement le maling esprit realemēt possédait vn loup, ce pauvre hōme se pēsoit estre tel loup, & faire ses operations deuorant les enfans, & fust si long temps moqué de telle phrenesie, iusqu'a ce qu'il fut trouué gisant au beau milieu d'une forest, ou il estoit rany. Ce sont donc quelquefois les malins esprits apparoiſſans, & se montrās en tel corps, car il ne leur est pas moins possible de prendre le corps d'une beste & s'en seruir, que d'un hōme. Or qu'il prenne le corps humain cela est assez notoire, non seulement pour ceux qui sont possédez (desquels s'en void encore de ce temps cy) pour leur demerite ou exercice, mais aussi d'autres desquels ie metteray seulement vn exemple: Bodin raconte au nō de Manilius que trois personages richement vestus demandoient la fille d'un certain bourgeois (lequel aussi les appella au disner, ensemble vn docte Theologien pour leur faire cōpagnie) mais cōme ainsi soit que cesdicts amoureux ne prissent plaisir aux belles parolles de cest hōme de bien, & q̄ l'hoste leur eust dit. Allez d'icy cōtēpteurs de Dieu, tout a l'instāt tōberent par terre trois corps morts des pēduz de la aupres qui puoiēt estrangemēt. SCIPION.

*Lib. 3. de
mon cap. 3.*

Toutesfois les exemples que nous en trouuōs & apperceuons, ne nous permettent de croire que ce soient seulement loups, agitations diaboliques, ou corps prins par les demons, mais ce sont certainement Lycanthropes & transformez, comme nous le sçauōs par leur descharge,

E ij

lors

D I A L O G V E

lors qu'ils sont menez au dernier supplice. Car il ne fault faire instance, pour ce que les hommes ne mangent, ou n'ayent iamais mágé chair humaine, veu qu'il s'en trouue vne infinité d'exemples. Et pour en faire preuue, ie scay que *Bod. demō. lib. 2. ca. 5.* n'estes ignorant de ce que Bodin raconte d'une sorciere, laquelle fut mise sur la rouë pour auoir estranglé & puis deuoré vn petit enfant. Et de rechef, au chap. 5. du 4. auquel lieu il recite d'un certain patissier, qui faisoit manger la chair humaine en paste, & la mesme qu'Apulée gaigna pour vne nuit six escus a garder vn corps mort, parce que en ce pais la, il n'y auoit corps mort qui ne fust mangé. iusques aux os par les sorciers, qui se mettant en forme de petites bestes commettoient tel horreur & cruauté. Et de rechef il dict que Philostrate Lemnien a laissé par escrit comment Appollonius Tymeus chassa de Corinthe vne lamie qui viuoit de telle viande. Et en apres est mis l'exemple d'un sorcier qui a Monpessier fut trouué vn soir au cymetiere (quoy qu'il y fut routes les nuits) mordât dans la cuisse d'une femme enterrée le iour precedent, mais combien qu'ils s'adonnent indifferement a manger de toute chair humaine en quelque aage que ce soit, ils s'adressent toutesfois le plus communement aux petits enfans pour auoir ce me semble la chair plus delicate, ensemble & pour obéir au diable, pour auquel complaire & satisfaire, n'espargnent point les leurs propres. Le mesme autheur recite que

1568. certaine forcierre couppa la gorge a deux filles, desquelles l'une estoit sienne (il faiet mal auoir de telles meres) l'autre de la voyfine. Le Baron de Raiz fut conuaincu, d'auoir tué & sacrifié au diable huit enfans, & que Sathan luy auoit encore commadé de sacrifier son propre enfant, & le tirer du ventre de la mere. Ce qu'il n'auoit peu metre a chef, par ce que la femme se doutant d'un ceuvre si pernicieux & detestable, s'enfuit. Mal. Malef. en recite aussi vn grand nombre de semblables, mais entre autres d'une forcierre de qui la fille cōfessa vn iour qu'elle auoit sans y penser descouuert vn pot plein de testes de petits enfans. De rechef qu'en la Duché de Laufane se trouuerent des malefiques, qui confesserent auoir tué, faiet bouillir, & mangé leurs propres enfans. Cela est horrible a entendre, ce nonobstant, c'est pour nous monstrier n'estre d'à present que telle barbarie commence a se practiquer, mais pour n'estre recognuz (comme ilz pourroient estre, ou allant aux maisons de nuit, ou en aultre lieu commettre quelque meschancheté) ils se transforment & se rendent en tel semblant, quittas la forme humaine par art diabolique.

Part. 2. q. 2.
cap. 2.

P R O T E R O N.

Je vous concederay qu'il se puisse trouuer des personnes si desnaturées, qu'elles s'adressent aux corps humains morts ou vifs, pour les deuorer & manger, particulièrement les petits enfans, & estre en apparence de loups, dequoy

E iij vous

D I A L O G V E

vous peuz confirmer d'exemples tous recents, comme l'auons entendu depuis n'agueres par lettres expresses de Paris datées du 20^e d'Aoust, auquel iour auoient esté mangez deux petits enfans par ceux desquelz vous entendez parler, & desquels comme on dit il en y a 17 au mesme lieu, & aultant aux aultres villes circonuoinnes: Mais ie n'accorderay iamais (comme aussi ne font les peres de l'Eglise) que telles gens prennent autre forme, pour par ce moyen cacher la forme humaine, car nous auons ia prouué le contraire par iceulx docteurs.

E L E I O N.

Si no⁹ vous le prouués par les mesmes desquels vous estes ia appuyé en vos probatiōs ensemble, & par aultres nō moins graues, & dignes de nō, vous serez contrainct de le cōceder & accorder.

P R O T E R O N.

Produisez les auteurs que bon vous semblera, car ie tiens tous les peres Catholiques & Theologiens estre pour moy en cela, & ne me scauriez persuader le contraire.

E L E I O N.

Sainct Augustin au 18 liure de la cité de Dieu chap. 17. & 18. *Mal. Malef.* parte 2. q. 1. cap. 5. Bodin lib. 2. demon. cap. 6. Iob Finne lib. ij. de mirabilib. Pline, Sigebert, Nider, Olaus cap. vlt. lib. 18. & presque infinis aultres qui en ont traicté, nous approuuent le contraire. Premièrement S. Augustin au lieu prealegué produict plusieurs exemples ariuez de son temps, scauoir
com-

comment en Italie y auoit certaines hostesses, lesquelles donnant aux passants de quelque es-
pece de fourmage empoisonné, soudain qu'ils eussent gousté, estoient tournés en iuments prestes a porter le fardeau: Au mesme lieu il adioust l'opinion de Varron en l'exemple de quel-
qu'un nommé Demenetus, qui comme il eust gousté du sacrifice que les Arcades auoient ac-
coustumé d'offrir a leur Dieu Lyceus, il fut chā-
gé en loup, & dix ans apres recouura sa propre forme. Pline semblablement met l'opinion d'Euanthes auteur Grec, disant qu'en Arcadie la race d'un certain nommé Autacus passant cer-
tain fleuve incontinent se tournent en forme de loups, & quelque temps apres retournant pas-
ser le mesme fleuve reprenent leur premiere fi-
gure: Bodin en recite un grand nombre, entre Bod. dem. lib. 2. ca. 6.
autres, de quelque sorcier Lyonnois, qui estant conuaincu, confessa auoir tué plusieurs enfans en ceste forme lupine, & de ceux la vne ieune fille, de laquelle il mangea la chair des cuisses & des bras, & non cōtent d'en manger seul, en porta aussi a sa femme pour en māger. Le mesme en feist un mois apres a vne aultre fille, laquelle ayant mise a mort se deliberoit de la manger, s'il n'eust esté empesché par trois personnes suruenantes, comme il a confessé. Quinze iours apres en feist aultāt a un ieune enfant, de l'aage de six ans, auquel il māgea la chair des cuisses, iābes & le ventre. Ce mesme auteur adioust de la part de Iean Wier de deux aultres sorciers, l'un nommé

E iiiiij Pierre

DIALOGUE

Pierre Burgout, & l'autre Michel Verdun, qui
 confesserent auoir renoncé a Dieu, & iuré seruir
 au diable, & apres auoir assisté a la danse (avec
 beaucoup des ceremonies qu'il raconte) furent
 tournez en loups, & mesmes auoir eu copula-
 tion avec les loüues. Oultre ce Burgot confessa
 auoir tué vn ieune garson de sept ans avec ses
 pattes, & ses dents de loups, & l'eust mangé,
 n'eust esté que les paisants luy dōnerent la chas-
 se; Son compagnon en cas pareil confessa auoir
 tué vne ieune fille, qu'il n'eust loysir de deuorer
 pour estre prins sur le faict, Et tous deux ensem-
 ble aduoüerent quatre filles auoir esté defaictes
 par eulx. Iob Finée escrit qu'il auoit aussi vn Ly-
 cantrope qui fut attrapé en ceste forme, & luy
 estant les pattes de loups coupées, au mesme
 instant se trouua sans bras & iambes, & neant-
 moins il estoit loup auparauant. Pōpone Mela,
 & Theophraste Paracelse des premiers philoso-
 phes de leur aage, tiennent que la transmuta-
 tion d'hōmes en bestes est trop certaine. Gaspar
 Peucerus escrit qu'il auoit tousiours pensé que
 ce fust vne fable, mais apres auoir esté certifié
 par plusieurs personnes dignes de foy, & mar-
 chands qui traficquent ordinairement en Liuo-
 nie (ou il y a grande abondance de tels mōstres)
 est contrainct d'y condescendre, & luy mesme
 décrit la maniere d'vn tel changement & me-
 tamorphose. C'est, dict il, que tous les ans sur la
 fin du mois d'Octobre il se trouue quelque co-
 quin & belistre, qui va sommer tous les sorciers,
 qu'ilz

Lib. I I. de
 mirab.

qu'ilz ayent a se trouuer a vn certain lieu nommé. Auquel n'est aucunement loysible faire refus, sur peine d'y estre contraint a coups de verges de fer. Donc le Capitaine passe deuant, & quelques milliers (notez) le suivent a nage, passant vn fleuve; lequel passé, se trouuent changez en loups, qui se iettants sur les hommes & sur les bestes, font mille dōmages: Olaus graue au-
 theur preue ceste trāsmutation par trois exemples. Le premier d'un certain paisant & rustique, lequel estant pressé de faim, comme aussi quelques autres siens compagnons, se mūant en loup, assallit furieusement vn troupeau de brebis prochain, & derechef laissant ceste forme de Lychantrope, retourna a ses compagnons chargé d'un gras mouton. Le second est d'un seruiteur de quelque damoiselle, auquel estant dōné tout pouuoir, ensemble & promesse d'impunité, entrant dans le cellier & resortant aussitost, apparut en forme de loup, lequel comme ainsi soit qu'il fust poursuiuy par les chiens, lesquels luy arracherent vn oeil, ayant reprins sa forme se trouua monocule. Le troisiēme est de quelqu'un fort expert en malefice, lequel estant incité & persuadé par le Duc de Prusse, se transforma soudain en loup, duquel neantmoins le mesme Seigneur faisant iustice, le condamna au feu. Je serois trop long s'il me falloit recueillir par le menu ce que les auteurs plus anciens en ont traicté: Car oultre tous ceux cy, non seulemēt Herodote l'a laissé par escrit il y a
 deux

Lib. 18.
cap. 118.

DIALOGUE

deux mil deux cens, & tant d'années, & quatre
cens auparauant Homere, mais d'auantaige, So-
lin, Stabon, Dionysius, Affer, Marc Varon, Vir-
gile, Ouide, & aultres, qui tous par exéples nous
apprennēt telles transformatiōs auoir esté assez
communes de leurs temps, & non seulement en
loups, mais en plusieurs autres especes, telles
que nous pouuons dire de Lucian & d'Apulée
changez en asne par la sorciere de Larisse, les
compagnons d'Ulisses chāgez en pourceaux par
la magicienne Circe: d'autres en oyseaux, cōme
les compagnons de Dyomedes: autres en routes
especes de bestes, cōme Caion Roy de Bulgarie:
& d'autres en forme de chats, tel que nous reci-
te *Mal. Malef.* & quant bien tous nous fau-
droiēt, celuy seul pourroit suffire pour s'estre du
tout estudié les inquisiteurs, au nom desquels il
est mis en lumiere, a recercher ce qui est de ve-
rité, mesme en ceste matiere. Il est donc recité la
dedans qu'il arriua en certaine ville du diocese
d'Argentine vn exemple merueilleux, aupres de
laquelle se presenterēt successiuemēt trois chats
de merueilleuse stature, assaillans vn paisant qui
estoit a couper du bois, desquels le pauvre hō-
me se voyāt assailly, fut assez estōné, neātmoins
se garnissant du signe de la croix, delibera se de-
fendre. Ce qu'il fist si dextrement, que combien
que ces chats luy donnassent beaucoup d'affai-
res, l'assaillant a la gorge, tantost l'esgratināt a la
face, tantost le prenant aux pieds, & deuant &
derriere, en fin il en eut le dessus, & en gaigna,
de

Part. 2. q. 1
p. 2.

dequoy tomberent au liēt trois des principales bourgeois de la ville, lesquelles estāt enquiles de la cause de leur tant subite & excessiue maladie, accuserent le pauvre hōme. Qui a la verité en cuida biē endurer de la prison, & autres tourmens. Iusques a ce que scachant & qui estoit la partie, & la cause, se souuint que ce iour (duquel estoit questio) n'auoit touché ny frappé femme, comme il protesta & iura iamaïs n'y auoir pensé trop bien s'estre deffendu contre trois chats, cōme en fin la verité fut cognue telle. Cōmēt dōc auezvous tant doubté de cela iusques a present. Or quand a nous, nous tenons telle lycāthropie s'estre faicte au temps passé: & tout ainsi qu'elle s'est peu faire, & s'est faicte, ou par vnguens, ou en passant certain fleuve, ou autrement, de mesme se faict elle a present, & par les semblables, ou par autres choses ayans ceste vertu & artifice diabolique, comme sont pour exemple des ceintures, desquelles estāt ceints, ilz sont sur l'heure muez en loups, & y demeurent certaine espace de temps. Comme de fresche memoire est arriué en certaine villette non gueres loing de Colloigne dicte Bebur, ou a esté executé d'une mort & supplice non vulgaire pour ses meschancerez excessiues certain forcier: lequel aduoua auoir receu du diable vne telle ceinture, laquelle auoit telle force, que de le transmuier & lycanthropier quand bon luy sembloit.

S C I P I O N.

Il ne semble plus qu'on puisse doubter.

P R O-

PROTERON.

A la verité ces raisons semblent estre perem-
ptoires & valides, veu que principalement elles
sont fortifiées par exemples & tesmoignages
d'auteurs si graues: si bien toutesfois vous y
aduisiez de pres, vous apperceuerez estre mal
appuyez.

ELEION.

Comment cela?

PROTERON.

D'autant que les principaux desquels vous
voulez parler s'entendent autrement, les autres
sont suspects, & la reste sont payens. Car en
premier lieu S. Augustin ne recite cela, comme
chose que l'on doit croire, au contraire pour le
reietter & monstrier ce qu'il en croit, le mesme
faiet Plin referant l'opinion d'Emanthes. Lu-
cian, Apulée, Virgile, Appollonius, Tyaneus,
nous sont & ont esté tousiours suspects pour leur
forclerie, & mesme aussi Atheisme, Ouide, Ho-
mere, & aultres pareils se sont adonnez a leurs
fictions poëriques, feignant & imaginant ce que
iamais ne fust, & n'est possible d'estre; parquoy
nous n'y adioustons foy, voire & ores que nous
voulussions croire audict Ouide, plustost nous
arresterions nous a la retractation & derniere
sentence, que non point a la premiere, laquelle
est telle parlant a Auguste:

Lib. 2. de
Crispi.

*Inspice maius opus quod adhuc sine fine reliqui,
In non credendos corpora versa modos.*

Considere, dict il, le grand ceuvre que i'ay laissé
impar-

imparfaict, asçauoir les corps estre changez en manieres non croiables : Les aultres comme la plus part deceux cy, sont payens, auxquels lors que bien ilz diroient verité, ne sommes tenuz de leur croire, ioinct qu'ilz sont accoustumez d'estre mocquez par Sathan, en telles illusions ou songes, afin de tousiours les entretenir en erreur, & ceulx qui a present s'y trouuent, ou qui depuis peu de temps ont esté persuadez de telle phrenesie, ou qui ont confessé au dernier supplice qu'ils auroient mangé ou deuoré des personnes, eux estant loups, par le moyen d'une ceinture ou autrement, nous les contempons, & reiettons comme gens qui renians Dieu & leur baptesme, ont promis & iuré la foy au diable : à raison de quoy ilz sont mocquez de telle superstition ; & neantmoins realement estant hommes simplement, ilz peuuent deuorer les personnes sans qu'on doibue, ou qu'on puisse leur attribuer aultre forme.

E L E I O N.

Encores que ie ne m'arrestasse simplement & absolument au dire de S. Augustin, Pline & aultres susdicts, toutesfois cela a esté resolu pardeuant Sigismond Archiduc d'Austriche, ensemble par Petrus Damianus deuant sa Sainteté Leon Xme. parquoy depuis que l'autorité des grans, & specialement de l'Eglise, y est, ne nous est permis d'en croire aultre chose, ou nous arrester a nostre cerueau & propre iugemēt. D'auantage saint Thomas le diēt trop appertement, voycy

In 2. dist. 7. voycy les termes desquels il vse. *Oēs angeli boni & mali ex naturali virtute, habent potestatem transformandi corpora nostra.* Tous les anges bōs & mauvais ont puissāce par leur vertu naturelle de transformer noz corps. Bodin en est nostre autheur.

PROTERON.

Bodin en peut bien dire d'autres (pour ce propos) non plus veritables, que celles la, se fondāt sur la fiction de ces anciens poētes ou païens, ou bien sur autres qui soient apertement cōtre luy. Car premierement S. Thomas n'en dit pas vn mot pour luy au lieu prealleguē, ains il respond euidēment cōtre Auicēne, qui vouloit soustenir (de mesme que faiēt Bodin) que la nature corporelle obēit aux demons. I'adiouteray les termes, desquels il se sert, pour la refutation de telle proposition, *Huic positioni contradicitur, & à philosophis & à Theologis. A philosophis quidem, quia dicunt quod motus cali est instrumentum intelligentie mouentis, vnde non nisi eo mediante potest provenire effectus in inferioribus ab intelligentia. A Theologis etiam contradicitur, quia forma corporales non sunt ex influentia demonum, sed ex influentia Dei, qui eas ex potentia materia possit educere in actū sine adminiculo alicuius inferioris agentis.* Il dit ainsi: On contredit a ceste proposition & selon l'opinion des philosophes & des Theologiens. Les philosophes disent, que le mouuement du ciel est vn instrument de l'intelligence mouuēte, a raison dequoy l'effect d'icelle intelligēce ne peut provenir aux choses inferieures sinō par son moien. Les Theologiens en cas pareil y cō-

redisent, d'autant que les formes corporelles ne dependent de l'influence des demons, ains de l'influence de Dieu, lequel seul les peut produire en acte, & les tirer de la puissance materielle, sans l'aide d'aucun agent inferieur. Il dict encore davantage, a sçauoir que les demons ne peuuent de leur propre force & vertu donner aucune forme immediatement a la matiere soit accidentelle ou substantielle seulement le peuuent y appliquant (cōme disent les Scholastiques) *actina passiuis*. C'est a dire (comme il donne la similitude) que tout ainsi que le bois sec estant approché du feu ne peut qu'il ne brule, oubiē tout ainsi qu'un artisan & ouurier, agist & oeuvre trouuant la matiere conuenable a son art pour facilement l'eslabourer & façonner, autrement ne peut rien faire: ainsi les demons se peuuent seruir des causes secondes, les accommodant a leur meschaceté, cōme peut estre des creatures imparfaites, a sçauoir des moindres animaux, qui se peuuent produire du limon de la terre, concurrent seulement l'effect d'une des premieres causes, qui est le Soleil (sans forclorre la souveraine, qui est Dieu) tels peuuent estre grenouilles, rats, serpens & autre telle vermine, a la generation desquelles n'est de besoin tousiours la conionction du male avec la femelle, & seulement celles la, & non autres, peuuent les demons tirer & former de la terre. Tellemēt que vous voyez quāt a la premiere opinion, que ceste sentēce ci ēe par Bodin cōtre-dict a celle de S. Thomas. Et quāt est de l'autre de la-

DIALOGUE

de laquelle il se veut fortifier a sçauoir de la dispute qui a esté agitée par deuant Sigismond, la conclusion tient entierement le contraire, de sorte que la mesme ayant apporté l'exemple de Petrus Damianus deuant Leon x^e, il respond, ceste transformation estre impossible; ses propos sont tels en la 3^e determination & resolution: *Tertia determinatio est, quod quamuis diabolus, permittente diuina clementia, ob incredulitatem hominum, vel aliam causam superius enarratam posset perstringere oculos, aliosq; sensus hominum obstruere, ita vt homines credant se alicubi esse, vbi tamen non sunt; vel videre id quod in se tale non est, vel apparere aliter quàm sit: hominem tamen vel animalia in aliam speciem veraciter immutare non potest.* Ce que veut dire en vulgaire. La troisieme determination est, que combien que le diable par permission diuine puisse esblouir les yeux, & bouscher les autres sentimens des hōmes pour leur incredulité ou autrement, de sorte qu'ils pēsent estre ailleurs qu'ils ne sont, ou veoir ce que de soy n'est point tel, ou apparoir autrement qu'il est, il ne peut toutesfois vraiment changer l'homme ou les autres animaux en autre nature. De cōtreuenir a l'opinion des peres & docteurs, tant s'en faut, car au contraire nous embrassons la sentence la plus saine & la plus fidele, & qui est tenue par vne infinité d'auteurs, confirmée & ratifiée par le pouuoir & auctorité de l'Eglise. Sainct Augst. ayant recité beaucoup de telles fables, il cōclud en cest

Lib. 18. ca.
18.

ma-

maniere : *Hæc vel falsa sunt, vel tam inusitata, ut merito non credantur.* Ou tout cela est faulx, ou bien tant inusité, qu'a bon droict on ne les croit point. Et vn peu apres : *Nec sanè damones naturæ creant, si aliquid tale faciunt, de qualibus factis ista vertitur quæstio, sed specie-tenus quæ à vero Deo sunt creata, commutāt, ut videantur esse quod non sunt.* A lleurement, dict ce Docteur, les demons ne creent point les natures, combien qu'ils facēt choses semblables a ce dequoy nous traictons maintenant, mais ils changent tellement la forme qui a esté crée du vray Dieu, qu'ils semblēt estre ce qu'ils ne sont pas. Et adiouste encore : De moy ie ne croiray iamais ou que le seul esprit, ou que le seul corps puisse estre vrayemēt changé par artifice, ou puissance diabolique en membres ou lineamens bestiaux. Pline, duquel vous voulez quasi vanter, apporte veritablemēt l'opinion d'Euanthes autheur Grec, mais non pour y adiouster foy, ains plustost pour s'en moquer, *Mirum est (dict il) quo procedat Græca credulitas, nullum tam impudens mendacium est ut teste careat.* C'est vn cas merueilleux de veoir iusqu'ou s'est estenduë la foy & croiance des Grecs, car il n'y a mensonge si impudent qu'il ne trouue quelque tesmoignage. S. Iean Chrys. voulant nier la mutation de l'ame humaine en vn malin esprit (cōme quelques vns vouloient soustenir) il prend vne telle supposition. S'il est impossible, dict il, entre les corps, que le corps de l'homme soit transmué au corps d'vn asne,

Lib. 8. hist.

natur. c. 22

Homil. 29.

in Matth.

F

com-

comment sera il possible que l'ame inuisible se
 puisse transformer en la substance d'un demō
 1. par. 9. De mesme façon S. Thomas voulant prouuer
 114. ar. 4. les demons ne faire point de vrais miracles, il
 argumente ainsi: *Vera miracula per aliquam cor-
 porum immutationem fiunt; sed demones non pos-
 sunt mutare corpus in aliam naturam.* Les vrais
 miracles se font par quelque mutation & chan-
 gement des corps, or est il que les demons ne
 peuvent changer le corps en vne autre nature.
 Le docteur Seraphique tient la mesme opinion
 que cy dessus auons déclaré de S. Thom. (a sça-
 uoir in 2. dis. 7. ar. 5.) comment le malin esprit
 ne peut agir ne operer par voie de nature, & de
 sa propre force pour induire quelque forme que
 ce soit, mais seulement peut il agir artificielle-
 ment; & la met il trois agens, *Cum enim sit tri-
 plex agens (inquit) Deus scilicet, natura, & intel-
 ligentia; Ista sunt agentia ordinata, ita quod pri-
 mum presupponitur a secundo, secundum pra-
 supponitur a tertio, Deus enim operatur ex nifi-
 lo, natura vero non ex nihilo, sed ex ente in poten-
 tia, ars supponit operationem natura.* Comme
 ainsi soit qu'il y aie trois agens, a sçauoir Dieu,
 la nature, & l'intelligence; ces agens sont or-
 donnez de telle façon que le secōd presuppose
 le premier, & est presupposé du troisieme; car
 Dieu opere de rien, mais la nature non de rien,
 ains de la matiere preexistente; & l'art presu-
 pose l'operation de la nature. Ce sont les ter-
 mes de ce saint personnage; qui veut de la
 inferer,

Bonaue. in
 2. dist. 7.
 art. 5.

inferer, que s'il est ainsi que l'art presuppõe l'operatiō de Dieu (auquel seul appartient de creer) & de la nature, que par consequent le diable ne peut operer ou agir sans l'operation de l'un & de l'autre, & pource ne peut il creer ou faire chose vraiment naturelle depēdante de la production des causes generales, ou composition elementaire; ouy bien, comme dict le mesme, artificiellement faire chose semblable a quelque creature que ce soit. Or y a il grande difference entre faire la semblance, & ce qui est representé par icelle. Le malin esprit donc ne le pouuant faire, par consequēt ny les magiciēs, ou semblables, auront aucun pouuoir; consideré que tout ce qu'ils font est par l'aide & assistance d'iceluy demon. Et pour generalement parler, tous ceux qui ont traité ceste matiere (i'entēs dire des Catholiques) l'ont ainsi aresté; & entre ceux la principalement les scholastiques (ausquels appartient d'en disputer) Richard. lib. 2. dis. 8. ar. 1. q. 4. Petrus de Aquila eodem lib. dis. 7. q. 2. Diony. Carthus. ibidem dis. 8. q. 2. Durand. ibidem dis. 7. q. 3. S. Thom. 1. par. q. 110. ar. 2. & q. 65. ar. 4. & lib. 3. cont. gentiles cap. 103. Alexand. Halen. par. 2. q. 43. ar. 1. & 2. Aug. lib. 3. de Trinit. cap. 7. & 8. & lib. 18 de ciuit. cap. 18. & lib. de spiritu & anima cap. 20. Bartholomeus Spineus q. de strygib. cap. 8. Petrus Binsfeldius de confess. maleficarū. Petrus Thyraeus lib. 2. de spiri. apparitionib. cap. 19. & en plusieurs passages du mesme liure. Alphons. a Castro lib. 10. de iusta hæret. punit. c. 4.

F ij

lequel

DIALOGUE

26. q. 5. c.
episcopi.

lequel ne se contente de condamner telles fa-
bles parlant d'Euanthes, Apulée, Lucian, & de
semblables qui ont ainsi opiné, mais il ose bien
mettre au rang des heretiques ceux qui y adiou-
stét foy; & n'est sans raisõ depuis que l'Eglise les
iuge pires que paiens & infideles: le texte en est
tel 26. q. 5. cap. episcopi, lequel di& ainsi: *Quis-*
quis credit posse fieri aliquam creaturam, aut in-
melius, aut in deterius commutari, aut transfor-
mari in aliam speciem, vel in aliam similitudinem,
nisi ab ipso creatore qui omnia fecit, & per quem
facta sunt omnia, proculdubio infidelis est & pa-
gano deterior. Quiconque croit aucune creature
pouuoir estre faicte meilleure ou pire mêt chan-
gée en vne autre espece, ou autre semblance, si-
non du mesme createur qui a fait toutes choses,
sans doubte il est infidele, & pire qu'un païen.
C'est l'arest, ordonnance, & accord practiqué &
admis en l'Eglise par les peres, lesquels ont tous-
iours debattu ceste cause comme iuste, & digne
de contention à ceux qui voudroient soustenir
l'opposite, ie ne sçay quelles gens qui se sont re-
uoltez & bandez contre icelle. Aussi seroit ce
vne heresie fort lourde, voire vn blaspheme, d'at-
tribuer aux forces humaines ou diaboliques, ce
qu'appartient au seul Dieu, sçauoir est la crea-
tion ou mutation d'un corps de loup pour ly-
canthropier de ie ne sçay quelle façon l'homme.
Mais ie demande comment vne ceinture ve-
stüe sur son dos aura telle vertu? comment l'au-
ra vn fleuve? comment les vnguens? comment

vn ra-

vn ramon ou balay, duquel se seruiēt les forcieres de Verbery, Loigny, &c. & d'autres, lesquelles l'ayant mis entre les iambes en disant quelques parolles, soudain estoient transportées en l'air? On voit certes que l'Italien Baptiste en son liure de la magie (c'est à dire forcellerie) s'efforce de faire entendre que ces onguens, desquels est maintenant question, aient quelque force naturelle & soporatiue d'endormir; quasi persuadāt qu'on en face preuue & experiēce; comme ainsi soit que iamais Medecin Grec, Arabe, ou Latin ne se soit seruy de l'applicatiō de tels onguēs, pour si bien endormir quelque personne qu'elle ne sente aucune douleur. Et quant est de la gresse (comme dit Bodin) c'est vn precepte de medecine, qu'elle est chaude & inflammatiue; estāt donc mise & appliquée au dos, sur le bras, ou semblables parties exterieures; n'est pas possible qu'elle puisse auoir force ny vertu pour endormir; veu que le sommeil est causé & prouoqué des humeurs interieures. Si vous me dites que ce soit par les parolles prononcées que tels charmes se font, ie demande qui leur a baillé ceste vertu? non le diable, comme nous l'auons ia prouué cy dessus, sçauoir est qu'il ne peut faire sinon choses artificielles ou representation de veritables. Il faudroit donc que ce fust de la part de Dieu, & par consequent comme vn miracle, mais nous ne le pouons dire; car il ne se trouue en aucun lieu del'écriture, qu'il aie iamais tant deféré à la creature; au contraire il dit, *Gloriam*

*Refut. ob.
Ioā. V. Vier.*

Isa. 42.

meam alteri non dabo, le ne communiqueray ma gloire a autrui, ny a cest effect ne pouuons trouuer parolles instituees d'iceluy pour en estre significatiues, d'autant que telles sont seulement aux Sacremens. Aussi nous faudroit il accuser Dieu de sorcelerie, s'il vouloit ainsi assister les meschans. Ce qu'on ne concedera iamais; car combien qu'il permette se faire vne infinité de pechez & abominations, il n'en est toutesfois l'auteur. Considerons, ie vous prie, combien d'inconueniens; car premierement s'il préd vn autre corps, il faut & est necessaire que le premier perisse, ou qu'il demeure sans ame, & comme dict tresbien Aristote, *Generatio vnus est corruptio alterius*, La generation de l'vn est corruption de l'autre; & de la s'ensuiura la mort. Si vous dites que le corps ne perisse point, & que totalement il se change; vous tombes en cest autre labirinthe que desia auons refuté, parlant de la metamorphose & transformatiō. Outre ce ie demande, cōment est ce qu'vn si grand corps, comme est l'homme, pourra estre redigé & contrainct en vn si petit, comme est vn chat ou autre animal de telle proportion, voire comme vne souris (ainsi qu'estoit mocqué vn quidā nommé Staufus) que deuiendra le reste du corps? Ou il faut donc que tel homme ou le diable corrompe la creature que Dieu a faite a son image & semblance, & ainsi faire iniure a Dieu. Car il ne faut pas tant de quantité a vne souris, a vn loup, vn chat, ou autre moindre beste,

Lib. 1. de
gen. & cor.
cap. 3.

ste, comme a vn homme. (Que le diable puisse
aucunemēt deformer l'homme, il se trouue en
l'euangile, mais non de le cōuertir en autre ani- *Luc. 9.*
mal). Dauantage s'il est conuert y en vn autre, il
faut qu'il y aie quelque proportion ou confor-
mité des membres de l'vn a l'autre. Que trou-
uez vous en l'homme qui puisse correspondre
aux oreilles & a la teste d'un asne ou d'un loup?
aux pieds & a la queue d'un renard, d'un chat,
& ainsi des autres? La liaison que Dieu a mise
entre le corps & l'ame, & les perfections qu'il a
donné a chacune de ses parties en special, voi-
re le nombre d'icelles sont entierement requi-
ses a la composition de l'homme; non seulement
quant au dedans aux sens interieurs, mais aussi
en la forme exterieure, & qui paroist au dehors,
de sorte que nous tenons pour monstres ceux
qui sont deformes, qui excedent ou manquent
en nature. S. Thomas n'a donc iamais entendu
deffendre tel abus; & s'il a vsé des termes que
Bodin allegue, ils les faut entendre non de la
transformation essentielle, ains accidentelle, qui
est le transport des corps de lieu a autre, & non
autrement, sinon qu'il se voulust contredire,
ce qu'on ne dira iamais. Soit donc maintenant
resolu la Lycanthropie ou transformation n'a-
uoir lieu entre le Catholiques.

E L E I O N.

S. Augustin neanmoins aporte l'exemple du *18. de ciui.*
pere de Præstantius, lequel se disoit, estant tour- *cap. 18.*
né en cheual, auoir porté les prouisions au camp

F iij de

de l'empereur avec les autres, ce que fut verifié par ceux du camp mesme, qui estans enquis dirent auoir veu entre les cheuaux vn qui estoit du mesme poil que luy mesme auoit raconté. Il faudroit donc que tous eussent esté trompez, car s'il portoit & trauailloit en telle sorte, on ne pourra nier que ce ne fust plustost vne beste qu'un homme, depuis qu'estât homme il n'eust sceu porter de si grans fardeaux. Et neau moins son dire conuenoit avec celuy des autres.

PROTERON.

Plusieurs autres se sont trouuez en telle illusion, que mesme il estoit impossible de les en retirer; Dionysius Carthus. recite de Guillaume de Paris, qui disoit auoir esté de son tēps quelqu'un lequel si opiniâtremēt s'affirmoit estre coq, que deslors il ne voulut plus parler, ains s'efforçoit au possible de contrefaire le chant du coq. Vn autre qui s'estimoit si asseurement estre mort, qu'il pensoit ne pouuoir plus boire ou manger, iusqu'a ce qu'un autre feignant le semblable & mangeant, luy persuada de manger. Vn autre qui imagina si bien veoir tousiours de l'eau deuant soy, qu'il n'eust osé marcher vn pas, craignant de se noyer. Par la veritablement on voit que c'estoient vaines imaginations, que tels se persuadoient. Petrus Thyraeus proferant quelques exemples semblables, s'en rit, disant; Nous auons cogneu quelques vns qui estans saylis de grieue maladie, se disoient estre vrayz demons, les estimerons nous tels pour tout cela? Oudeurons

In 2. dist. 8
q. 2.

Lib. 2. de
spirit. appa.
cap. 22.

deurons nous croire a celuy la qui pensoit auoir le nez si grād qu'il n'eust sceu sortir hors la porte? La phantasie, dict il, de l'homme, ou bien les sens estant troublez persuadent telle phrenesie; parquoy n'est de merueille s'ils s'en trouue qui s'estiment, & ie dis encore, opiniātrement affirment & assurent auoir esté conuertis en bestes. Ce sont les paroles. Tellement que nous pouuons dire que le pere de Præstantius a esté du nombre de ceux cy. Et qu'ainsi ne soit, il fut gardé des siens plusieurs iours en ce rauissement sans iamais pouuoir estre eueillé. Son corps donc estant la, qui est ce qui osera dire son ame estre separée, & nō seulement separée, mais aussi transmuée en vne forme corporelle? Cela est du tout estrāge de la foy Catholique, & de toute raison, comme desia l'auons prouué par cy deuant. Il peut donc arriuer pour deux raisons; Premièrement pour le pacte & alliance que les magiciens ou sorciers peuuent auoir avec le malin esprit; secondement pour quelque maladie. De cestuy cy comme des phrenetiques & autres vexe de chaudes maladies, lesquels songeās se persuadent choses qui ne sont point, & des melancholiques particulièrement, qui de leur naturel pensant de choses tristes, en ont le plus souvent des visions horribles & espouuantables en leur sommeil. Et quant est du premier, que telles visions arriuent aux sorciers & magiciens, & qu'ils soient esblouis de telle façon qu'ils se le persuadent fermement, est la croiance & la foy qu'ils

qu'ils adioustent a telle absurdité. Car qu'il soit ainsi, les exemples nous le feront paroistre. Boudin raconte de certains forciers estant a Nantes en Bretaigne, qui desirās montrer leur habilité, aiant licence de la Iustice, lors qu'ils furent sortis de la prison, se froterent de leurs onguens, & soudain furent rauys en extase, leurs corps demeurants la couchez iusqu'au bout de trois heures, que retournāt en eux mesmes s'esueille-
Lib. 2. c. 5. lieuēs a l'entour. Le semblable encore recite il d'une femme, qui pensoit estre transportée depuis Bordeaux iusques bien loin, cōbien qu'elle ne bougeast de la place. Que si vous repetez commēt il se peut faire, qu'ils sceussent ainsi ces nouvelles de si loin & sans bouger du lieu; les Theologiēs sont d'opiniō que les malins esprits courās soudain ça & la, leur rapportoiēt ces nouvelles. Et si on replique pourquoy ils demeu-
Traict. de faisoit autour de leur corps. Bernard Basin re-
erti. magi. spōd a cela, que le diable les bāde & charge d'un tel accroissement de phantosmes en l'imagina-
 tion, qu'ils ne scauroient mesme sentir le feu ny chose qui soit appliquée & mise aupres d'euz, & en donne l'exēple de ceux qui sont faiz du mal caduc, qui pour les vehētes douleurs & passions interieures, ne sentēt pas mesme le feu; donc le malin esprit aiant puissance sur la phantasie del'hōme, quel qu'il soit, bon ou mauuais; il peut par le moiē des humeurs & esprits luy ser-
 uans,

uans, produire des phantasies & imaginations, au cerueau de l'hōme. Car combien qu'il ne puisse immédiatement imprimer nouveaux phantomes, ou nouvelles especes & similitudes, ce nō obstant il peut varier & chāger en plusieurs sortes les imaginations precedentes, soit ou cōposant, diuisant, les troublant, ou en quelque autre façon. Et de la viēt qu'il y en a qui ont telles persuasions, qu'ils se pensent estre ce qu'ils ne sont pas, le diable le leur persuadant, comme aussi a ceux qui les voient. Ceux donc qui pensoient auoir veu le mesme cheual, que le pere de Præstantius se disoit auoir esté, estoient aussi bien trompez que luy mesme, & estoit le diable, qui (cōme disent quelques docteurs) voulant persuader telles fables, leur faisoit apparoir vn nouveau cheual. Que si on desire sçauoir qui portoit tels fardeaux pour lors avec les autres cheuaulx, S. Angustin respond que c'estoient les demons, qui est bien vne chose certaine, car cō-

Lib. 13.
cap. 13.

Qu'est ce donc, ce que nous voions ?

PROTERON.

Quelquesfois sont vrayes corps, & tels qu'il apparoit, mais le plus souuent sont visions imaginaires, ou corps nouvellement formez par Sathan. Iean Nider nombrant les visions que l'on

Præcep. 1.
q. 5. ca. 11.

q. de Strý-
gib. cap. 17

De Spirituū
appar. ca. 8

Pon peut auoir specialement aux forets & lieux
desers, dit, que bien souuent ce sont demons qui
en forme d'hommes ou femmes, apparoissent
pour deceuoir les malauisez ou plus simples.
Bartholomæus Spinæus disputant, a sçauoir si
les demons peuuent veritablement conuertir &
changer noz corps par illusion, il conclud peu
apres, qu'ils peuuent persuader, & aux forciers
qu'ils soient chats, ou autre espeece de beste, &
a leurs compaignes de les veoir en telle façon,
comme ainsi soit qu'il aie le pouuoir d'esbloüir
& enchanter tous les hommes indifferemmet.
Petrus Thyrræus apres auoir bien ventilé &
examiné ceste mesme questiō, en fin il respōd,
disant y auoir deux sortes d'apparitions, l'vne
est des corps formez de l'air, l'autre par les espe-
ces & images des choses qui sont representées:
Toutesfois, dit il, il est difficile de sçauoir definir
ou determiner en quelle maniere des deux se
font telles apparitions, veu que bien souuent
les sentimens nous font a croire quelque corps
estre present lors qu'il n'y en a rien que l'image
& ressemblance; neātmoins combien qu'elle se
puisse faire en toutes les deux façons, & qu'il s'y
face aussi; il est toutesfois plus vray-semblable
qu'il soit par l'espeece ou image de telles choses
que par vrays corps. Mais, dit il, qu'est il de be-
soin de prendre des corps pour représenter les
viuans? Est ce point pour les operations qui
alors se font & commettēt? Or pour représenter
les viuans; le simulacre ou image suffit; & quant
aux

aux operations, elles n'ont affaire de corps, veu qu'elles se peuuent exercer par la seule force & vertu des esprits. Le mesme autheur a prouué au chapitre precedent comment vn corps (comme ainsi soit qu'il ne puisse soudainement estre exhibé) n'est point si souuent monstre; d'abondant que l'experience nous fait cognoistre qu'incontinent qu'ils ont executé leur charge, s'esuanoïssent de la veüe des hommes au mesme lieu, sans apparence d'aucun corps. Combien donc que telles apparitions se puissent faire realement en vrayz corps, ou d'hommes naturels, loups, ou autres bestes, ou bien par des corps formez en l'air, & ainsi vestuz des demons; le plus souuent toutesfois est par imagination.

E L E I O N.

De là mon doute s'augmente de plus en plus, quand principalement me souuient de tant d'exemples & histoires non d'autheurs prophanes, mais si amplement descrites en l'ecriture sainte. Car nous ne pouuons en aucune façon dire cela estre en corps formez en l'air, ou quelque autre façon de celles que maintenant auez dite que Nabuchodonosor a eu telle forme; que la femme de Loth a esté changée en vne statuë de sel, que les verges de Moïse, & des magiciëns, ont esté tournées en couleures, & autres semblables. Ce n'a point aussi esté par imagination; car le texte y est formel, sçauoir est que realement il deuoit estre chassé & deietté d'avec les hommes, auoir habitation commune avec les bestes

Daniel. 4.

DIALOGUE

Lib. 5. moral.

Lib. 1. antiquit. cap. 19.

bestes brutes, manger du foin comme vn bœuf, estre trempé & mouillé de la rosée du ciel; cela luy est ariué totalement, & a esté reduit en telle misere que les cheueux luy creurent à la semblance des aigles, les ongles pareils a ceux des oyseaux, & demeura en tel estat l'espace de sept ans, de sorte que mesme S. Gregoire diët assez apertement qu'il fut changé en beste irraisonnable. En cas pareil la femme de Loth conuertie en vne statuë de sel; l'escriture sainte n'en peut mentir; Et Iosephe tesmoigne l'auoir encore veüe de son temps lors qu'il diët; *Uxor Loti cum respiceret saepe ciuitatem, & eius curam haberet, interdixit Dominus ne faceret, in statuam salis cōuersa dignoscitur; Vidi siquidem eam, hactenus enim manet.* Comme ainsi soit, dit il, que la femme de Loth souuentefois eust soin & regardast la cité, Dieu luy prohibant, & interdisant de le faire; on sçait qu'elle fut conuertie en vne statuë de sel; car ie l'ay veue, & demeure encore iusqu'a present. Dauantage la verge de Moyses se tourna en serpent, non par imagination, ou autrement, mais realement & de fait, comme feirent aussi celles des Magiciens. De façon que si nous trouuons tant de mutations aux pages sacrées, sans point de doute elles sont veritables; & non moins sont elles possibles a present qu'elles ont esté au passé.

PROTERON.

Je ne nie point qu'il ne s'en puisse beaucoup faire

faire par la puissance diuine, mais non par vertu diabolique, ou magique, tels que sont les premiers exemples par vous cy dessus proposez. Et nonobstant, les exemples qu'aues maintenant produis, peuvent engendrer (comme ils ont desia fait) plusieurs doutes & scrupules. Pour le regard de Nabuchodonosor, les vns ont estimé qu'il auroit esté changé en apparence seulement & non veritablement; les autres ont tenu pour certain qu'il auroit pris vne autre forme; mais les derniers ne preuent ny l'un ny l'autre, & neanmoins tiennent le vray sens. Car pour respondre au premier, s'il auoit eu la semblance seulemēt a l'exterieur, & nō a l'interieur, & pour son regard, il s'ensuiuroit que ceux qui l'eussent ainsi veu, auroient esté punys plustost que Nabuchodonosor mesme, depuis qu'il ne l'eust pas tant senty, comme ceux qui l'eussent veu. De dire aussi avec les autres qu'il aie esté vraiment transformé en vne beste, il en prouient beaucoup d'inconueniens; que s'il eust esté ainsi, premierement comment l'eut on sceu distinguer & discerner d'auec les autres, s'il eust entierement changé la forme humaine, & eust esté du tout esgal aux autres? D'abondant la iustice de Dieu n'eust pas esté si notoire a la punition du peché, ce que ce pendant desire nostre Dieu que nous nous seruions de l'exemple d'autrui. Les autres ont opiné seulement son imagination auoir esté tant deprauée, que de soy il pensoit estre totalement vne beste.

Thom. 2. de
regim prin
cip. ca. vlt.

Pour

Lib. 2. de
spir. appar.
cap. 21.

Hec. Pint.
in hūc locū.

Pour donc en dire ce qu'en est tenu de la plus
grād part des docteurs; nous disons avec Petrus
Thyrræus, collecteur des opinions d'iceux, qu'il
a esté appelé beste, & tenu pour tel, a cause de
la vie forcenée & brutale qu'il menoit; ou bien
pour estre reduit en tel estat & condition, ou
mesme auoit les signes d'une beste, qui sont tels.
Le premier est le maintien qu'il auoit plustost
brutal qu'humain, car cheminant tout nud, ne
craignoit s'exposer a la pluie, a la gresle, au chaud
a la froidure, & a toutes les iniures du temps nō
plus qu'une autre beste; Le second est le peu de
soing qu'il auoit de soy-mesme, depuis qu'il se
laissoit croistre les cheueux si longs qu'il en eust
peu estre couuert, & les ongles pareillement
comme les griffes des oyseaux; Le troisieme est
son mouuement & marcher, considéré qu'il ne
cheminoit la face ou le corps esleué droit a l'ac-
coustumé des autres hommes, au cōtraire cour-
bé & baissé; & qu'est encor plus, a quatre pieds
comme les brutes; Le quatrieme signe est la
forme de viure, car durant vn si long temps il
n'auoit cure de sa nourriture acoustumée, ains
se contentoit de la pasture & herbages des au-
tres animaux; Le 5. est son habitation, car il
fuiot l'acces & compagnie des hommes; & s'a-
compagnant & accostant des bestes erroit &
vagabondoit avec elles par les bois & forets;
Le 6. & dernier signe est l'office de la bouche &
de la langue, veu qu'il ne proferoit voix articu-
lée, distincte & intelligible, cōme nous, plustost
grin-

grinçant des dents à la maniere des bestes s'escrioit, iettoit des hurlements & des voix sans ordre. S. Hierosme traite ceste matiere en peu de parolles, disant que, *ob offensam Dei Nabuchodonosor versus in amentiam, septem annis inter bruta animantia vixerit; & herbarum radicibus alitus est*: Pour l'offense, veut il dire, commise par Nabuchodonosor contre Dieu, il fut tourné en phrenesie, il vescu sept ans entre les bestes, & fut nourry de racines d'herbes. A quoy se semble vouloir accorder S. Gregoire au lieu preallegué disant; *Quia elatione cogitationis se supra homines extulit, ipsum, quem communem cum hominibus habuit sensum, amisit*; par ce qu'il s'est esleué superbement par dessus les hommes, il a perdu le sens, qu'il auoit cōmun avec les hommes. Ce sont les parolles de S. Greg., qui nous montre euidentement s'accorder au dire de S. Hierosme; car qu'est ce auoir le sens commun avec les hommes, sinon l'entendement & vsage de discretion, en quoy les hommes sont differēs d'avec les bestes; & de quoy il fut priué durant vn si long tēps? Ce n'est dōc pas auoir esté conuertie ou trāsformé en vne beste, veu que ledict aucteur ne dict pas qu'il aiē en le sens commun avec les bestes, ains qu'il perdit le sens qu'il auoit commun avec les hōmes. Ce qui nous est tresbien confirmé par la glose ordinaire, laquelle dict ainli: *Boni comparatur propter statum animi euer sum, & propter corpus pilosum, & propter cibum bonis proprium*; Il est comparé au bœuf pour

cōment, in
Daniel.

G

la di-

D I A L O G V E

*Expos. in
Daniel.*

Binsfeld.

la dignité de l'esprit renuersée, pour son corps
velu, & pour la nourriture propre & particulie-
re du beuf. Epiphanius, Dionys. Carthus., &
plusieurs autres, tiennent ceste opinion; c'est a
dire, qu'il ne perdit point sa forme, mais bien
la pensée, & les meurs humaines estant comme
insensé a proprement parler. Et quant est du
secôd exemple, a sçauoir de la femme de Loth,
comment pour son peché elle a esté conuertie
en vne statuë de sel; Binsfeldius respond, que
cela ne fait rien contre nous, d'autant que cela
a esté fait par la puissance & autorité non des
creatures, mais du Createur mesme. Et disons
aussi avec tous les Theologiens, que comme
ainsi soit qu'il puisse toutes choses, il peut non
seulement transmuer vne forme substantielle
en vne autre, mais, qui plus est, la peut du tout
aneantir. Outre plus que ladicte statuë n'a de-
rechef pris forme humaine; car comme auez
tresbien dict, Iosephe tesmoigne l'auoir encore
veue de son tēps; or est il que vous dictes ceux
de maintenant se changer souuent, parquoy
cest exemple ne vous peut seruir ou defendre.
Et quant aux verges, lesquelles ont esté tour-
nées en serpens, ou couleures, premierement
nous disons celle de Moyse auoir esté vraiémēt
telle par le commandement de Dieu: quant a
celles des Magiciens, nous pouuōs dire ou que
les yeux des assistans ont esté de telle maniere
esblouys, & charmez, qu'il leur a semblé veoir
des serpens; ou bien que ces Magiciēns veu qu'ils
eussent

eussent pacté avec les diables, incontinent ont
 esté secouruz par eux allant deça & dela chercher
 les serpens, ou bien les semences ou herbes qu'il
 sçauent auoir telle propriété de ressembler ser-
 pens, comme on en void assés. S. Augustin est de
 ceste opinion lors que particulièrement il traite
 ce passage, la ou il tient que quoy que les demōs
 ne puissent creer, neātmoins cognoissant la ma-
 tiere propre pour induire forme substantielle, la
 peuuent appliquer artificiellemēt; toutesfois il
 semble vouloir tenir que c'estoit plustost en ap-
 arence exterieure, que se monstroient telles
 verges estre serpens, que nō point en auoir esté
 supposées d'autres; & de la est qu'il met ceste
 authorité en auāt, *Absorbere potuit virga Moysis
 quod erant, & non quod non erant*; La verge de
 Moyse peut biē deuorer & engloutir ce qu'elles
 estoient, & non ce qu'elles n'estoient point; Tel-
 lement qu'il veut dire, qu'encore que lesdictes
 verges ne fussent changées, il n'a pas esté im-
 possible a Dieu de les faire deuorer en telle for-
 me de bois, qu'autrement; par lequel discours
 vous voiez le tout estre attribué a la puissance de
 Dieu, laquelle premierement a de telle sorte pu-
 ny Nabuchodonosor, que combien que ny veri-
 tablement, ny par imagination eust changée la
 forme humaine; neātmoins pour ses operations
 brutales le texte vse du mot de mutatiō. La fem-
 me de Loth a esté vraiment changée, la verge
 de Moyse pareillement, de sorte que tels exem-
 ples n'ont point de lieu en ce present propos,

Li. 2. Exo.
 cap. 21.

DIALOGVE

veu qu'ils sont immediatement faicts par la vol-
lonté & permission diuine, laquelle á tout pou-
voir sur sa creature; les autres (a sçauoir des
Magiciens) au contraire par le malin esprit, qui
peut faire telle mutation seulement par artifice.

ELEION.

Ceste responce m'a satisfait, mais ie deman-
derois volontiers comment on doit nommer
telle apparéce ou tel corps, lequel ainsi se mon-
stre a l'exterieur & par dehors, & dequoy nous
sommes si souuent trompez & deceus?

PROTERON.

Bodin lib.
2. demon.
cap. 6.

Les vns les appellent Lycanthropes selon les
deux mots Grecs λύκος, qui signifie loup: &
άνθρωπος, qui signifie homme; comme qui diroit
loup & homme tout ensemble; toutesfois nous
auons ja monstre par cy deuant ce terme signi-
fier & emporter plus que la verité ne nous per-
met de croire; & peut aussi ce vocable & dictiō
estre aussi nouuelle que la signification qu'on
luy attribuë, car pour plus ample confirmation
& assurance que ceste-dicte Lycanthropie &
transformatiō aië esté incognuë aux Grecs, nous
ne trouuons point formellement en leurs di-
ctionnaires, soient ils anciens ou nouveaux, ce
mot λυκάνθρωπος; mais passons outre: On les ap-
pelle aussi loups-garrous, comme qui diroit gar-
dez vous, selon que l'interprete Francoys Phe-
bus. Et de moy i'accorderay qu'on les appelle
ainsi, par ce que soit ou qu'ils soient loups natu-
rels, ou hommes ainsi voilez; les vns & les autres

font

font plustost operatiō de loups contre les hommes, que contre les bestes, parquoy se faut garder d'y escheoir. On les peut aussi nommer, magie, malefice, enchantement, sorcelerie, charme, phantome, esblouissement, tromperie de sens, illusion, ou mocquerie; d'autāt que le plus souvent ils persuadent estre ce que n'est point, & bien souvent n'est rien corporel comme il se monstre. Toutesfois a proprement parler, me semble qu'il se peut dire prestige, & est le plus vray terme qui leur conuient.

E L E I O N.

Qu'appellez vous prestige?

P R O T E R O N.

Prestige, selō Isidore, n'est autre chose sinon quelque abus des sentimens, & specialement de la veuë, d'ou est appellé prestige, c'est a dire esblouissement, par ce qu'il serre & esblouyt la prunelle de l'œil, de sorte que les choses semblent autres qu'elles ne sont. Et comme dict Alexander ab Alexandro; prestige n'est autre chose sinon vne illusion diabolique, laquelle n'est point causée de la part de la mutatiō de la chose, mais de la part de la personne qui la void en telle façon, & laquelle est mocquée, & enchantée soit ou pour le regard des sens interieurs ou extérieurs. Pour l'illusion extérieure voycy ce qu'en dict S. Augustin; *Serpit hoc malum demonis per omnes aditus sensuales, dat se figuris, accomodat se coloribus, adheret sonis, infundit se saporibus, odoribus se subijcit.* Ce malefice du diable se traine

Lib. 8. Etymol. cap. 9.

Lib. 83. quest.

DIALOGUE

partous les sentimens, il se liure aux figures, s'accomode aux couleurs, il adhère aux sons, s'affubie d'ist aux odeurs, & se coule au goust & aux saueurs. C'est le tesmoignage de S. Augustin, pour les sens extérieurs; & quant aux intérieurs, ie le prouue par l'autorité du susdict Isidore au lieu preallegué, le prouue selon l'ethimologie du nom de malefique, *Malefici dicuntur ob magnitudinem facinorum, hi enim elementa concutiunt, mentes hominum conturbant, & absque vilo veneni haustu sola vi carminum animas interimunt.* Les malefiques, dict il, sont ainsi appelez pour la grandeur de leurs mesfaits & meschancez. Car ceux cy esbranlent les elements, ils troublent les penées des hommes, & par la seule force des charmes ils tuent les ames sans aucun breuueage de venin. Voila la permission que Dieu donne aux malins esprits pour la fascination & illusiō de leurs sectateurs & exercice des gēs de bien; de façon que noz sentimēs sont quelquesfois esblouys & interieurement & exterieurement, en telle sorte, que ce que nous touchons, nous semble estre vn corps, ou quelque chose, ce que toutesfois ne sera rien de tel.

SCIPION.

Toutes creatures peuuent elles donc nous apparoirre autres qu'elles ne sont?

PROTERON. Il se peut faire.

SCIPION.

Mais cōment peut il estre que tout vn peuple soit charmé & enchâté en mesme instâr, & qui est ce

est ce qui peut faire cela? PROTERON.

Pour bien entendre ces deux questions, lesquelles dependent l'une de l'autre, il faut premierement sçauoir combien il y a d'especes de prestiges, car les vns se peuuent faire par artifice & sans magie, les autres par art diabolique, les autres d'une autre façon. Les auteurs donc de *Malleus maleficarum* disent, l'art prestigieux, ou d'enchantement se faire en trois façons; Premierement sans l'aide des demons, laquelle es-
Mal. male. part. 1. q. 9
 pece doit estre plustost appellée mocquerie ou tromperie qu'autrement, pource qu'elle se fait artificiellement par l'agitation des homes, montrans, ou cachants certaines choses, ainsi que ce faict aux ieux de passe passe par les basteleurs. La secõde espee de prestige, appellée naturelle, se faict aussi sans l'aide des demons par vne vertu & force speciale, qui est née & vient naturellement avec certains corps, soit pierres, eau, bois, ou autre chose; ou laquelle estant mise a l'opposite d'une autre, la faict apparoirre & monstrier autre qu'elle n'est, de quelle sorte S. Thomas, &
Tho. 1 par. 9. 114. art. 4.
 quelques autres docteurs tesmoignent certaine herbe qui estât allumée & se mettât a fumer fait apparoirre les poultres estre serps. La troisieme delusion ou prestige, cõprend toutes ces precedes & plusieurs autres, lesquelles toutes se peuuent faire par les demons; car la premiere, de laquelle maintenant auons traitté, il la peut faire artificiellement & par bastelee, d'autant que tout ce que l'homme sçait faire artificiellemēt,

G iij le dia

le diable le sçait, & encore dauantage; la secon-
de semblablement, laquelle se faiçt par voye de
nature, aussi la peut il faire interposant vn corps
afin que l'autre soit caché: ou au contraire, com-
me pourroit estre des loups dequoy nous auons
parlé, ou bien troublant la fantasie & imagina-
tion de l'homme. Mais outre ces deux especes,
celles qui s'ensuiuent luy sont particulieres. La
troiesme d'oc de laquelle peut vser ledict esprit
de tenebres, est lors que prenant vn corps, ou
n'en prenant point, il se mōstre estre autre chose
qu'il n'est pas (car l'esprit n'a rien de commun
avec les choses corporelles) de mesme qu'il se
presenta en masse d'or à S. Anthoine, lors qu'il
estoit au desert; comme aussi au compaignon de
S. Frācoys en vne bourse pleine d'argent. La 4^e
est lors qu'il trouble l'organe de la veuë, pour
monstrer obscur, ce que de soy est cler, & au
contraire monstrer cler ce que de soy est obscur,
faire apparoirre vne personne ieune qui toutes-
fois est fort vieille, & autres semblables. Pour la
cinquiesme & derniere espece mouuant la puis-
sance & faculté imaginative, & la transmutatiō
des especes sensibles par vn remuement des hu-
meurs, & en ceste sorte charment les sentimens
interieurs. Ce sont les especes par lesquelles le
malin esprit peut particulièrement esblouir &
enchanter prestigieusement les sens de l'hom-
me. Or pour respondre a voz propos, ie dis que
tous ne sont pas tousiours prestigiez ou enchā-
tez, mais seulement ceux qu'entend le diable,
ou

Bon. in t-
in vna.

ou ses Magiciens, ou pour mieux dire ceux sur
 qui il a la puissance, ou qu'il sçait y adiouster foy.
 Car combien qu'il y aie eu des saints person-
 nages, auxquels se soient faiçtes telles apparitiōs,
 & que mesme aucuns d'entr'eux aient esté plu-
 sieurs fois tourmentez griefuement des diables
 en forme de bestes, si est ce qu'ils n'en ont pas
 esté charmez ou enchâtez. Il est bien vray q'une
 certaine nuit S. Anthoine fut presque tout des-
 chiré des dens, cornes, & ongles de tels animaux
 en apparēce comme nous est referé en sa legen-
 de; S. Marguerite fut assaillie & beaucoup vexée
 d'un diable en forme de dragon; a S. Martin
 s'apparut en forme & semblant d'un grād Roy,
 soy disant estre Iesus Christ, qui venoit au iu-
 gement; & autres plusieurs & semblables lisons
 nous aux vies & legendes d'iceux; mais les fal-
 laces d'iceluy malin esprit leur ont tousiours esté
 cognues & descouuertes, comme ainsi soit que
 S. Marguerite faisant le signe de la croix, chas-
 sa ceste horrible vision. S. Anthoine reprochast
 a ces animaux, & a ce petit more, esprit de for-
 nication, (qui le vexoient & tourmentoient, &
 par leurs crys & hurlemēts, & par adulation ap-
 plaudissante ou autrement) comme ils estoient
 humiliez par leur peché, a sçauoir d'esprits de
 lumiere, estre deuenus monstres & bestes si hi-
 deuses; S. Martin pareillement respondant, que
 Iesus Christ n'auoit pas promis de venir tant
 somptueux ny si braue a son iugement. Et la rai-
 son est que d'autant que ceux qui persecutent
 les

Surius
tom. 1.

Idem tom.
4. & 6.

DIALOGUE

Præp. I.

ca. II. q. 18

*q. de Pytho.
mul. cap. 3.*

les siens le persecutent luy-mesme, & que particulièrement ses armes sont la defense de ses fideles seruiteurs a l'humiliatiō & ruine des embuches Sathaniques; c'est pourquoy il embrasse tousiours & espouse la querelle de sesdicts seruiteurs & amys, ne les permettant répter par dessus leurs forces; & de la est que leã Nider est d'opinion & prouue par beaux argumēs, iceux demōs & mauuais esprits, n'auoir puissance sur les gens de bien sinon pour les répter, ou bien sinon d'une permissiō particuliere. Il est certes euidēt & manifeste qu'il s'en trouue aucuns qui pour l'exercice de leur patiēce, augmentation de merite, ou autres raisons cognues au seul Dieu; ont esté quelquesfois charmez & prestigiez, encore qu'ils fussent gens de bien & selō Dieu. Et pour le contentemēt de ceux qui desireroient en sauoir; Vlricus Molitor nous faiēt mētion de Faustinian pere de S. Clemēt, cōment il auroit esté charmé de telle façon, & ceux qui le voyoiēt (exceptez quelques vns) qu'il leur auroit representé la personne d'un autre. La narration d'une semblable histoire ne fera hors de propos: Il est a sauoir que l'Empereur Claude conceut vne telle inimitié contre Simon Magus, qu'il delibera d'enuoier vn certain capitaine nommé Cornelius en intention de luy mettre la main au collet; or ledict Simon Magus (selon son nom prince des Magiciens, & par ce moien aduertie de son petit maistre, le diable) entendant que mal bastoit pour luy, commença de penser a ses affaires; ce qu'il feit si habilemēt & dextrement (selon son-

dit estat de magie) que charmant ledi^t Fausti-
nian , s'auisa de prendre son effigie & ressem-
blance & luy bailler la sienne, pour par ce moien
euit le danger, cōme il fait. De sorte que des-
lors il sembla a tous ceux qui le veirēt (exceptez
ses amys auxquels il auoit manifesté le secret, &
pour lesquels guarentir, les aduertit de s'oindre
du suc d'vne certaine herbe, excepté aussi saint
Pierre auquel il ne peut nuire) l'apperceurent
estre Faustinian, & reciproquemēt & en cas pa-
reil Faustinian estre Simon. l'en mettray encore
vn, cōbien que facetieux, mais qui nous confir-
mera entierement, cōme tous ne sont en la puis-
sance du diable, ou des magiciēs, pour estre ainfi
enchantez, & qu'il nous peut ariuer selon la foy
que nous y auōs. Bodin recite d'vn certain Curé
qui se pourmenant vn iour de feste deuāt son E-
glise, & tenant son breuiere entre ses mains, sur-
uint le sorcier Troisechelles, qui voulāt aprestre
a rire a la cōpagnie commença avec obiurgation
de parolles luy reprocher, comment c'estoit vne
grāde hōte a vn Pasteur, cōme luy, de porter &
tenir publiquement vn ieu de charres, a vn iour
de feste, & en vn lieu saint; & aggraua si biē l'af-
faire q̄ ledi^t Curé en fut persuadé; de sorte que
regardant entre ses mains apperceut qu'il estoit
vray. En signe de quoy par indignatiō print son-
dit breuiere & le ietta au beau milieu d'vne fan-
ge, s'en allāt biē hōteux. Mais vn ieune hōme de
la n'aperceuāt estre autre chose qu'vn breuiere,
& n'estāt moqué d'vn tel esblouissement ou char-
me, print a l'heure le breuiere & le rēdit au curé.

C'est

D I A L O G V E

C'est pour nous apprendre comment tous ne
 sont charmez tousiours, & quelquesfois estre &
 arriuer selon la foy que nous y adioustons. I'en
 proposeray encore quelques vns pour plus am-
 ple probation. Anthonin en la seconde partie, a
 sçauoir en la vie de S. Germain, raconte que le-
 dict S. personnage allant en estrange region re-
 marqua aussi choses estranges. Vn soir entre au-
 tres qu'il fut leué de table, comme il auisa que
 de nouueau on vouloit preparer vn autre ban-
 quet somptueux, & exquis; & s'enquerant pour
 qui c'estoit, on luy feist respõse que c'estoit pour
 quelques bonnes dames qui alloient de nuit.
 Diuinement inspiré (pour les deliurer de l'abus
 auquel ils estoient) delibera de veiller celle nuit;
 pour sçauoir quelles pourroient estre ces bon-
 nes dames. Ne tarda pas long temps que se pre-
 senterent a la table vne troupe de demons char-
 mants ceux de la maison, leur persuadant d'e-
 stre leurs voisines; le S. homme donc leur vou-
 lant demonstrier l'acrisie & aueuglement du-
 quel ilz auoient la veuë bandée, defendant aus-
 dictz esprits sataniques ne se bouger de la place,
 soudain enuoia les seruiteurs de la maison veoir
 aux maisons de celles qu'ils pensoient estre la;
 lesquelles se trouuerent toutes en leur lit; par
 ou se conneurent moquez d'une vaine effigie &
 semblance de telles femmes. Je croy que c'est
 le semblable de celles qui se pensent estre trans-
 portées avec Herodias la paillardes, ou avec Dia-
 ne aller danser, & faire grand chere, car le dia-
 ble fai-

ble faisant cela en leur nom, il leur persuade qu'elles soient trāsportées, veu qu'il ne leur arriue pas de mille fois vne aller de nuit ou elles disent. Car l'on experimente le contraire de iour a autre, comment s'estant frottées de certains onguens, tombent rauies vne espace de tēps (ce que nous auons prouué cy dessus) comme aussi de leur bonne chere, car le lendemain elles sont autant ou plus affamées que de coustume. En fin cela ne se persuade autrement, sinon par la foy qu'on y adioust, non plus qu'a ceux qui se disent entendre de nuit vn nombre de chiens hurler, & abaier en l'air, ce qu'ils appellent, la chasse a Artus, & desquels allant la nuit ils se disent estre rencōtrez, & par le commandement du maistre faire vn cercle pour enfermer lesdicts chiens la dedans, & les laisser reposer vn temps, car tout cela sont imaginations, lesquelles sont esmeues de l'ennemy de nature, a ceux qui ont faute de foy. Parquoy quiconque le croid, offense Dieu, ainsi le tiennent les Sommistes, entre autres *Summa Angelica, verbo, Superstitio*. P'adiousteray cettuy cy. Vincent au liure 18. nous recite de S. Machaire, que de son temps arriua qu'un certain forcier fut employé de son mestier pour quelque Egyptien a ce qu'il luy peust faire auoir la iouissance d'une certaine femme mariée; ou en deffaut de ce, la faire repudier a son mary. Cediect forcier ne pouvant donc faire le premier, l'esblouit si bien, & son mary, & quasi tous, qu'elle apparut en iument;

*Summa.
Aug. verb.
superst.*

DIALOGUE

iument, & aiant demeuré au lit, en tel estat, l'es-
 pace de deux ou trois iours, son marry la mena
 audit saint hōme, lequel (cōbien que ses disci-
 ples mesmes fussent trōpez la voiant en forme
 estrangere) ne la veid autren. Et qu'elle n'estoit,
 a sçauoir femme, & mesme se courrouça aigre-
 ment cōtre la compagnie. Toutesfois pour leur
 satisfaire, aiant prié Dieu pour elle, l'arrousa
 d'eau beneiste, & elle fut deliurée, & ceux qui la
 voyoient ainsi. Resolution donc, que combien
 que les personnes soient fascinées & prestigiées
 en diuerses façons, toutesfois les gens de bien
 en sont preseruez le plus souuent. Car encores
 que (comme derechef a remarqué Iean Nider)
 les malins esprits, ou les sorciers, par l'aide l'un
 de l'autre, puissent nuire & aux biens de fortu-
 ne, a la bonne renommée, au corps, a l'usage de
 raison, & en la vie, ils n'ont point toutesfois ce
 pouuoir si ample sur les bien viuāts. Au surplus
 est icy a noter, qu'il y a trois manieres de gens
 qui sont preseruez des charmes des sorciers. En
 premier lieu l'estat de la iustice les poursuuant,
 & mesme ceux qui se font partie contre eux; En
 apres ceux qui selon la coustume des Catholi-
 ques vsent d'eau beneiste, des chandelles & ra-
 meaux benists les iours de la Purification nostre
 Dame, & Pasque fleurie, & autres choses sem-
 blables, qui diminuent beaucoup la force des
 demons. Les autres sont ceux qui d'un priuile-
 ge particulier sont contregardez de telle force-
 lerie par leur bon ange.

SCI-

SCIPION.

Qu'est l'occasion pourquoy cela nous peut
arriuer, & que le malin esprit, ou les sorciers ont
telle puissance sur l'homme ?

PROTERON.

L'occasion est assignée au dernier exemple
proposé, car S. Machaire dist a la femme sus-
dictée qu'elle auoit enduré telle illusion, pour
l'espace de cinq semaines n'auoir frequenté les
SS. Sacraments; a raison dequoy il luy enioig-
nit, de iamais ne se separer de la sainte commu-
nion, & oraison. Aussi est il trop certain qu'il n'a
tant de pouuoir, mesme pour telle illusion con-
tre les Chrestiens, comme il a contre les paiens.
Et puis bien dire avec beaucoup de docteurs
que les prestiges ne peuuent iamais, ou rare-
ment, arriuer en vn pays, sinon lors qu'il se des-
bande de Dieu, & de sa religion, car alors le dia-
ble y a plus grand pouuoir.

SCIPION.

Celuy donc qui seroit despourueu de telles
benedictions, ou qui mesme, estant contrainct
de necessité, n'auroit ce iour la assisté a la mes-
se, ne pourroit il auoir recours à autres armes,
ou protection ? Les petits enfants par ce moien
seroient en danger, n'ayant aucun moien pour
se defendre.

PRO-

DIALOGVE
PROTERON.

Outre les armes susdictes, celles qui sont plus propres, & plus a la main, pour rompre les forces de noz ennemys visibles, & inuisibles, est le signe de la croix. Car tout ainsi qu'un craintif & timide ne peut patir un esclair foudroiant, de mesme ce couard & poltron Sathan, combien qu'il semble hardyement nous assaillir, si ne faut il qu'un seul signe de la croix pour l'espouuenter, & mettre en route. Nō pour autre raison, sinon que Iesus Christ triomphant a par telles armes renuerſé ses ennemys, & les nostres, selon le tesmoignage de cest ancien & Catholique poëte Iuuenecus,

In Christi
triumpho.
Heroico.

*Arboris ipse crucem posuit venerabile lignum,
De cuius ramis fractis cernicibus huius
Vincti dependent oculis turgentibus hostes.*

Amb. ser.
47.
Chrys. ser.
de cruc. &
lat.

Il a mis la croix, bois d'arbre digne d'honneur & veneration; aux rameaux & branches de laquelle ses ennemys sont attachez pendants les yeux enflez, & la teste (c'est a dire l'autorité & puissance) rompue. De la vient que les peres nous exhortent & persuadent de tousiours estre muniz d'un tel bouclier & sauuegarde. Et pour monſtrer combien ce signe luy est odieux & nuisible, mesme pour ces enchantements, S. Cyprian nous en fera foy, & en tesmoignera fort fidellement. Car comme ainsi soit que luy mesme, auant sa conuersion, estant magicien, fust grandement tempté de l'amour de sainte Iustine, & se mist plusieurs-fois a faire les inuocations,

cations, voyant finalement qu'apres auoir en-
 uoié deux ou trois fois ces esprits de tenebres
 pour l'inciter a son plaisir, &, qui plus est, des
 principaux & plus suffisants d'entr'eux, que pour
 tout cela il n'en pouuoit iouir; il interroqua alors
 le dernier qui luy sembloit estre plus fort que ses
 compagnons, d'ou procedoit que luy & les siés
 estoient vaincuz par vne simple vierge; lequel
 luy respondit en ceste façon: L'ay veu le signe du
 crucifié & de T, qui m'a fait fondre comme la
 cire deuant le feu. Auquel repliqua S. Cyprian;
 Donc le crucifié est plus-grand que toy? lequel
 luy respondit: Ouy, certainement il est plus-
 grand: car tous ceux qui delaisent Dieu recoi-
 uent sentence, & condemnation de feu par luy.
 Beau discours; que pleust a Dieu que tous l'im-
 primassent en leur memoire. N'est point moin-
 dre celuy que nous lisons en la legende des SS.
 Apostres, Simon & Iude, ou est dit comment se
 presentans deuant le Roy de Babilone deux Ma-
 giciens, a sçauoir Laroche & Arphaxat, rendirēt
 ses orateurs muets, boiteux, & auengles, & dere-
 chef les remirent & restituerent; & eurent le
 pouuoir de leur faire le mesme iusqu'a ce que
 lesdits orateurs furent baptisez, & signez de la
 croix; car deslors, encore qu'ils y tascherent de
 tout leur pouuoir, iamaïs ne sceurent rien faire.
 Icy nous suffiroit l'exemple de S. Pierre Apostre *Surim.*
 lequel avec le signe de la croix chassa le diable
 qui par Simon Magus auoit esté attaché, en for-
 me de leurier, a la porte de saint Marcel, pour
 H espou-

D I A L O G V E

Par. 2. q. 1.
cap. 2.

espouuenter ledict S. Apostre; mais d'autant
que la verité reluit d'auantage lors qu'elle est
confessée, & annoncée par son aduersaire, j'en
adiousteray encore vn, lequel est du tesmoigna-
ge des Magiciens mesmes; *lean Nider in formi-*
cario propose d'un sorcier, qui confessa deuant le
Iuge comment aiant esté employé par vn certain
pour faire desplaisir & dommage a vn sien en-
nemy, voire mesme le faire mourir; faisant ses
enchantemens, & inuoquant le diable pour tel
affaire, luy fut respondu par iceluy, qu'il ne le
sçauoit bleffer corporellement, ny autre chose
faire, ou l'endomager, sinon en l'onzième par-
tie de ses fruits; par ce, disoit il, que la foy du-
dict homme estoit tresbonne, & diligemment
se munissoit du signe de la croix. Je croy moy
que c'est la cause pourquoy bien souuent les
gens de bien, & qui ont la crainte de Dieu, ne
trouuent point leurs terres si fertiles & plantu-
reuses, comme les autres; veu que le malin es-
prit aiant seulement puissance sur icelles, &
non sur leurs corps, faict ce qu'il peut, pour les
affliger. C'est tousiours pour monstrier com-
ment le dire de cest autre poete est veritable,
qui est tel:

*Sedul. in
car. Pasch.*

*Et cruce complexum Christus regit vndique
mundum.*

C'est a dire; Iesus Christ regist & gouuerne le
monde, qu'il embrasse de toutes parts par la
croix. Et certes, selon ce tesmoignage, non seu-
lement iceluy signe de la croix est vtile & pro-
fitable

fitable a ceux qui desia ont l'vsage de raison, mais aussi generalement par tout ou il est appliqué, voire mesme aux enfans qui sont encore gisans au berceau, priuez de l'vsage de raison. Barth. Spinæus recite de quelque sorciere, laquelle confessa auoir esté plus de cinquante fois de nuit en la maison de quelque sien voisin & parent (car ce sont ceux la ausquels ils s'adressent plustost, principalement lors qu'il y a quelque familiarité) en intention de luy tuer vn petit enfant au berceau. Ce que neantmoins elle n'auoit iamais sçeu faire, pour tousiours le trouuer muni du signe de la croix, & de bonnes prieres. En la terre de Berne arriua qu'on s'appre-
 ceur, qu'en peu de temps auroient esté deuorez
 treize enfans, a raison dequoy on faisoit diligente recherche, pour sçauoir commēt cela pou-
 uoit aduenir. Or aduint qu'entr'autres on sur-
 print vne sorciere, qui estant enquisse & inter-
 rogée sur ce point, declara tout au long, non
 seulement qu'ils auroient esté mis a mort par
 eux; mais d'auantage, pourquoy, & comment.
 C'est, dict elle, que nous espions les enfans qui
 ne sont encore baptisez (aduiuez donc quel dan-
 ger c'est de differer le baptesme) ou bien ceux
 qui encore qu'ils soiēt baptisez, toutesfois sont
 desgarnys, & despourueus du signe de la croix
 & de bonnes prieres. Ceux la mettons nous a
 mort par noz ceremonies, soit qu'ils reposent au
 costé du pere ou de la mere, ou biē qu'ils soient
 dedans le berceau, & apres qu'ils sont enterrez,

g. de Stry.

Mal. M p.

2. q. 1. c. 2.

H ij nous

DIALOGUE

g. de stryg.
cap. 33.

nous les retirons secretement du tombeau, les faisons cuire, & tant bouillir que la chair en est quasi potable; & de la matiere plus solide & espesse, nous en faisons de l'onguent pour nostre artifice; mais du plus liquide & cler nous en replissons vn flacon, duquel quiconque boira, sans beaucoup d'autres ceremonies il est incontinent rendu passé maistre a nostre eschole. Nous pouuons icy noter & remarquer en passant, comment les forciers & Magiciens s'efforcent plustost de nuire aux enfans qu'aux plus grans & plus eagez; & y ont aussi plus de pouuoir. Ce que bien souuent ariue pour le deffaut, ou pour les pechez des peres & meres, mesmes pour les maledictions & imprecations d'iceux contre leursdits enfans. Je tiens cecy de Barth. Spinæus. Et peut aussi ariuer a cause, ce me semble, que les plusgrans aians l'vsage de raison, peuuent d'eux mesme repousser & chasser le malin esprit, & non les petits, avec les remedes conuenables & singuliers du signe de la croix ou autrement, en bonnes oraisons & benedictions. D'ou les peres & meres, ou nourrices, doiuent beaucoup estre soigneux, d'a toute heure les signer de la croix, & munir de telles benedictions. Car combien que le baptesme nous mette au registre & catalogue des enfans de Dieu, & que les exorcismes qui s'y font, diminuent grandement la force & puissance du diable qu'il pouuoit auoir sur nous au parauant; ce nonobstant pour l'inimitié mortelle qu'il a

contre

contre le genre humain, il ne cesse d'y chercher proie, mesme contre les enfans, ou les faisant perir au ventre de la mere, ou se les faisant offrir (comme il procure) en forme de sacrifice, par les sages femmes, si elles sont sorcieres, incontinent que lesdicts enfans sont venus au monde, & deuant le baptesme; ou bien apres, les faire charmer & enchanter par vn regard ou baiser d'une sorciere. Bref combien que tous les hommes soient subiects a beaucoup de miseres, pour ce respect toutesfois les enfans en ont encore plus a souffrir. Ce que grandement deploroit S. Augustin lors qu'il disoit: *Prorsusque scriptum est: graue iugum super filios Adam, a die exitus de ventre matris eorum, vsque in diem sepultura a deo impleri necesse est; vt ipsi paruuli per lauacrum regenerationis ab originali peccato, quo solum tenebantur, vinculo iam soluti; multa patientes, nonnulli incursum malignorum spirituum patiantur*; Telle grieue subiection est de telle sorte arrestee contre les enfans d'Adam, & qui necessairement doit estre accomplie depuis le iour de leur naissance, iusqu'a l'heure de la mort; que mesme les petits enfans estans ja desliez du peché originel (duquel seul estoient liez) par le laquement du baptesme, encore puis apres ne laissent pas de souffrir beaucoup, de maniere que quelques vns endurent mesmement les incursions des malins esprits. S. Hieróme tient le semblable, & qu'outre ce ils sont corrompus a la mamelle. Mais pour retourner a nostre propos

Lib. 21. de
cinit. c. 18.

Ad Paulz
de obit. B'e
silla.

H iij

lors

lors que grās ou petits sont signez de la croix, ny diable, ny forcier ont aucun pouuoir, car c'est le plus grād ennemy qu'ils puissent auoir, & lequel leur baille incōtinent la chasse. C'est pourquoy entre les protestations que le diable requiert d'iceux forciers ou Magiciēs (entre lesquelles y en a principalement trois a sçauoir renier la Chrestienté, n'adorer iamais l'Eucharistie, & fouler la croix aux pieds) que par tout ou secretement ils pourront trouuer la \dagger , non seulement ne luy exhiber la reuerence deüe, mais qui pis est, mettre le pied dessus. Et pense que ce qui fait tant detester la croix en ce temps icy, n'est pas seulement l'heresie (laquelle plusieurs pretendent) ains la protestation & sermēt qu'ils ont fait de plustost adorer vn bouc puant, que recognoistre ce signe viuifique. Aussi l'heresie & magie sont fort parētes, depuis que tout Magiciē est heretique, a tout le moins idolatre; & ce principalement quand il adore le diable, soit ou d'adoratiō de larrie (qui appartient au seul Dieu) ou mesme de dulie (qui appartient aux saincts.) Mais quoy? helas! Nous parlons icy du signe de la croix, qui est le moien de chasser les prestiges & sorceleries, & qui est tant ennemy d'iceux, & de leurs façons, & toutesfois nous les cerchons tous les iours, ou bien souuēt. Nous voudriōs bien, lors que nous sommes en prosperité, ne penser a telle meschāceté, mais si nous auōs seulēmēt mal au bout du doit, soudain auons nous recours plustost a telle meschante vermine qu'a Dieu mesme, ou bien que

pren-

prédre patience en nostre mal, pésant que ce doit
 estre pour noz demerites, ou pour nostre exerci-
 ce. Et de la aussi nous viét tout, ou la pluspart de
 nostre malheur; lors mesme que nous scauons le
 mal que no^s faisons, & malicieusement offensons,
 & ainsi pechons contre le S. Esprit; ne regardans
 pas que cōtre la loy expresse de Dieu; nous allōs
 enquerir a telle maniere de gēs, tout ainsi que les
 paiens a leurs dieux phāstiques, de noz secrets,
 des maladies de noz enfans, des nostres pareille-
 ment, des ames de nos parents, & autres necessi-
 tez. Quelle punitiō en deuōs nous aussi attēdre?
 Nō autre certainemēt, que celle dequoy parle le
 Sage: *Amicus stultorū similis efficietur*, L'amy des
 fols, leur sera rendu semblable; & ce que dict le
 prophete: *Similes illis fiant oēs qui confidunt in eis*.
 leur soiēt faits semblables tous ceux qui ont cō-
 fiāce en iceux. Ce que pour le present nous pou-
 uons entendre non seulement en sens anagogic
 & spirituel, de ceux qui cōuersent avec les mes-
 chāts & pecheurs; mais aussi literalemēt estre de
 mesme estat & cōdition. Bodin a ce propos di&

Prouer. 13

Psal. 113

Lib. 2. de
mon. cap.

que les Liuoniēs (qui sont des plusgrās sorciers
 de l'Europe) tiennent pour certain que ceux qui
 frequenteront les sorciers, se rendront en fin de
 leur secte; & disent que c'est l'ocasiō pourquoy
 les cōpagnons d'Vlysses furent ainsi enchantez
 par Circē; parquoy le poete nous admoneste de
 les fuir, considerāt les incōueniēts futurs, disant:

*Ne nous faisons donc pas de Circē les pourceaux,
 De peur que le plaisir, & les delices faux*

H iij

Ne

DIALOGUE

*Ne nous garde de veoir d'Itaque la fumée
Du ciel nostre, demeure a l'ame accoustumée.*

Sap. 11.

Les inconueniens sont grans, d'autant que
premierement ils prennent plus de pouuoir sur
ceux la pour les enchâter ou faire quelque autre
mal, & principalement sur leurs petits enfans,
quand ils auront eu recours a iceux, ou pour
eux, ou pour autres, a celle fin que soit verifiée
l'autorité de l'écriture: *Per quæ quis peccat, per
hæc & torquetur*; Par les mesmes choses que
l'homme peche, par les mesmes aussi sera il tour-
menté. Outre ce est le danger qu'il y a de se ren-
dre de telle secte. Que pleust a Dieu que nous
vouleussions euitier telles compagnies, & auoir
nostre recours a la croix, alors ces maux la ne
nous surprendroient point, & si ne serions coul-
pables d'infidelité, cōme sans doute nous som-
mes. Mais, hélas! nous pouuons bien repeter en
nostre cœur les parolles de S. Ieā Chrysoft. *Cruce*

Hom. 8. in
ep. Coloss.

*Christi de honestate, elementorum vero supersti-
tiosi characteres præferuntur, Christus eicitur, &
inducitur temulenta & nugatrix anus; mysterium
nostrum conculcatur, et seductio diaboli tripudiat.*

La croix de Iesus Christ est vituperée, & les
charactères superstitieux des elemens luy sont
preferez; Iesus Christ est dechassé & deieté, &
vne vieille yurogne & enchanteresse est admise
& introduite; nostre mystere est prophané, & la
seduction du diable danse & sautelle. Il semble
quasi que ladicte sentence soit sortie de ceste
bouche d'or, pour nous dire nostre verité; car

verita-

veritablement elle comprend toute la façon du temps present. Parquoy ne nous deuons estonner si mesprisant le signe de nostre redemption nous endurons mille maux. Car combien que serions enchâtez, ou visitez de Dieu en quelque maladie, ou infortune, si ne nous seroit il loisible de recourir au malefice, plustost endurer la mort ainsi que dict le mesme autheur. Et soit qu'il leur arive de Dieu immediatement, ou par le moien des sorciers & enchâteurs, iamais n'est permis d'auoir recours a telle peste. La sixiesme determination de la Sorbonne de Paris (l'an 1398) est telle, sçauoir que c'est vne herisie, de chasser vn malefice par vn autre.

S C I P I O N.

Je ne pense point qu'il y aie de telles gens en ce pays icy. Il est bien vray que par cy deuant quelque persône en a esté suspecte; mais depuis qu'on a consideré qu'elle ne fait point de mal, au contraire elle aduertist de prier Dieu pour les trespassez, pour certaines visions qu'elle en a, fait aussi dire des messes, & ainsi choses qui de soy ne peuuent estre mauuaises; depuis on la laisse en paix.

P R O T E R O N.

Je vous respons, que quelque chose que puissent faire telles gens, pour leurs visions, ou reuelations, en prieres & oraisons, ou autre chose semblable, encore que la guarison s'en ensuiue, que cela sent plustost son idolatrie qu'autre chose; quand bien elle auroit le tesmoignage d'estre

d'estre la plus grāde Catholique & deuote, qu'il est possible. Et ne le prenez de moy. S. Ieā Chry-
 sost. au lieu predict, adiouste encore ce que s'en-
 suit: *Superstitiosa illa quæ agrotis applicatur, etiā
 si mille modis philosophentur, quæ questum ex ipsis
 faciunt dicentes, Deū inuocamus, & præterea nihil
 facimus, & quicquid huiusmodi pretendunt; &
 Christiana est hac anus, & fidelis, idololatriā tamē
 sapiunt.* Ces superstitiōs qu'on applique aux ma-
 lades, encore que ceux qui en tirent le proufit,
 les vueillent couvrir en mille façōs, disans: nous
 inuouquōs Dieu & autre chose ne faisons, & tout
 ce qu'ils peuuent pretendre, cōbien que l'on die
 que ceste vieille la est fidele & Chrestienne, elles
 sentent neantmoins l'idolatrie. Mais quoy? dict
 il, *fidelis es? Crucis signaculo utere, dic, hoc duntaxat
 habeo scutū, hoc solum pharmacū, aliud igno-
 ro.* Es tu fidele? vse du signe de la croix, dy: l'ay
 ce seul bouclier, i'ay ceste seule medecine, i'en
 ignore toute autre. Et encore là mesme en pro-
 pose vne belle similitude. Dy moy si le medecin
 venāt a vn malade vsoit d'enchantemēs, laissant
 les drogues accoustumées, dirois tu que ce fust
 vn bon medecin? De la le docteur cōclud avec
 long propos, & beau discours, que iamais on ne
 doit recourir aux sorciers ou telles gēs qui vsent
 de superstitions, voire quād on deuroit mourir;
 car alors si on reschape de la maladie, on est plu-
 tost mort que vif, a raison du peché commis, &
 si on meurt, c'est vn martyr. Il ne se faut donc
 pas arrester ou mesmes a certains billets, ou bre-
 uets, quelquesfois remplys de bonnes parolles,

ou s'arrester a ce qu'ils font dire des messes, car
 consideré que le diable est vn singe de Dieu, &
 qu'il tasche de le contrefaire en toutes choses,
 c'est pourquoy il abuse les simples, nō seulemēt
 par tels medicamēts, mais aussi, qui plus est, par
 les choses sacrementelles, voire ie dis par les sa-
 cremēts mesmes. Iean Nider tiēt qu'ils abusent *Præcept. I.*
 du S. Chresme, passant vn fil par dedās, abusent *ca. II. q. 19*
 des images en mettāt vne cire sous le paremēt
 de l'autel. Mal. M. produit vne exposition de leā *Par. 3. q. 12*
 Andre sur le canō, Accusat^r, qui diēt que mesme
 pour cōmettre leur meschanceré, ils se ioignent
 avec les heretiques, & operent avec le precieux
 corps & sang de Iesus Christ, & que pour auoir
 leur respōse des malins esprits, ils rebaptisent vn
 enfant, & autres choses semblables; & mesme
 guarissent les malades avec les Sacrements. Bo-
 din recite vn exēple, lequel n'est esloigné de no-
 stre discours; Il diēt, que l'an 1577. fut prise vne
 forcieri, qui confessa auoir guarý quelques vns
 (qu'elle mesme auoit enforcelez, fendant vn pi-
 geon, & le mettāt sur l'estomach du patient, en
 disant: Au nom du Pere, du Fils, & du S. Esprit,
 de Monsieur S. Anthoine, & S. Michel l'ange tu
 puisse guarir du mal. Et leur enioignit de faire
 vne neufaine par chacun iour a l'Eglise du vil-
 lage. Qu'est ce qui pēseroit qu'il y eust riē mau-
 uais en cela? *Lib. 3. de-
mon. ca. 5.*

S C I P I O N.

On n'y scauroit rien decouurir de mal, car la
 plus part des miracles qui ont iamais esté faits
 depuis la venuē du fils de Dieu, ont esté par le
 signe

DIALOGVE

signe de la croix. Tous les historiens Catholiques en peuuent tesmoigner. Au reste nous mesme estans instruits d'ez nostre ieunesse, apprenons soir & matin, a la table, & par tout, nous signant de la croix, vser de tels termes, a sçauoir, Au nom du Pere, du Fils, & du S. Esprit. Et en cas pareil sommes nous appris d'inuoquer l'aide des saints, qui est vne affection, & deuotion Catholique, approuuée, & retenuë de tout tēps entre le peuple de Dieu.

PROTERON.

Que nous apprenions & vsions de tout cela, & des nostre ieunesse, & toute nostre vie, & a toute heure, n'y a point de mal; ains la coustume est louable & edificatiue; car alors elle se faict avec bonne intētion (comme de tous Catholiques) mais nō par ceux cy. De façon qu'on ne le doit iamais faire pour obeir & obtemperer a Sathan, ou a sa persuasion; car il n'est pas bien seant de recevoir les armes de la main de son ennemy. Et pour encore vous confirmer ce que nagueres disions, & vous assurer d'auantage, nous en mettrons encores en auant quelques exemples quoy que fort estranges. Car qui penseroit iamais que le diable, qui est tant esloigné de Dieu (& ie dis entierement aduersē partie) tant pour l'inimitié qu'il a conçeuë cōtre son Createur, qu'aussi mesme le respect qu'il luy doit auoir, s'osast attaquer au sacré & tresdigne corps de son fils vnique. Ce nonobstant luy est il commun. Bodin raconte que lors que
l'aucu-

Paucugle des quinze vingts & aucuns de ses *Li. 4. dem.*
 complices furent pendus a Paris, ils confesserēt *cap. 1.*
 auoir vſé plusieurs fois de l'hostie ſacrée en leurs
 forceleries. Or ſi nous deſirons ſçauoir com-
 ment ils font; M. M. nous le montrera par vn
 horrible exemple; Il diſt qu'il ſe trouua en *Parte 2. q.*
 quelque lieu, qu'il ne veut nommer, certaine *1. quod Ma*
 forciere, laquelle aiant receu le S. Sacrement, *leſ. eccleſiæ*
 ſe retira ſoudain, & mettant ſon voile deuant ſa *ſacrā. abu-*
 bouche, retira lediſt ſainct & venerable Sacra- *tantur.*
 ment, & l'enuelopāt en vn drapeau, par le com-
 mandement dudiabſe, le ietta en vn pot, ou il y
 auoit vn crapaur, & l'enſouit ſoubs terre dans
 vne eſtable, pres le grenier de ſa maiſon; adiou-
 ſtant pluſieurs autres choſes propres a ſes Ma-
 leſices. Mais la Juſtice diuine, qui ne laiſſe rien
 impuny, lors principalemēt que nous venons a
 outrepaſſer & excéder par trop les limites; com-
 me ainſi ſoit que ceſte meſchante fuſt venuë au
 comble; volut monſtrer combien telle horreur
 luy eſtoit deplaiſante. C'eſt que le iour enſuiuāt
 quelque laboureur paſſant aupres de l'eſtable,
 entendit la voix comme d'vn ieune petit enfant
 ſe plaindre, & d'autant que plus il s'approchoir,
 il l'entēdoit plus clairement. Or eſtimant quel-
 que meſchante femme auoir la enſeuely ſon en-
 fant tout viſ, delibera d'en auertir le Preuoſt. Ce
 qu'ayant fait, & lediſt Preuoſt y procedāt meū-
 rement, & diſcretement, y enuoia ſes ſeruiteurs;
 leſquels entēdans la meſme voix, ne furent pas
 toutesfois d'auis de regarder ce que pouuoit
 eſtre,

estre, mais par la volonté de Dieu penserent
d'attendre, que possible la femme qui auroit
faict le coup, ne pourroit gueres dilaier, & a
la verité ne tarda pas long temps, que ceste
meschancete, & detestable femme venant, print
le pot, & le voulant cacher sous son man-
teau, fut surprise par les archers, qui estoient
aux aguets. Laquelle estant mise a la question,
confessa sa meschanceté, disant auoir la caché
le saint Sacrement avec ce crapaut, a celle fin
que le tout reduit en poudre, peust a son plai-
sir en vser pour son en chanterie contre les
hommes ou autres creatures. Barthol. Spi-
naeus mesme dict, que ceux de ceste secte dia-
bolique ont de coustume porter avec eux ce
tresauguste Sacrement, quand ils sont transpor-
tez a leurs danfes; & l'ayant representé au dia-
ble, pour luy complaire & obeir d'auantage,
font vne infinité d'irreuerences & insolences
audiect saint & venerable Sacrement. Et voyla
comment ils abusent d'une chose la plus sainte
du monde. Ce que toutesfois on ne se pourroit
persuader, quand on void & semble a l'exte-
rieur qu'ils y soient tant affectez, & n'ordon-
nent pour leurs remedes, autres choses que
messes. Mais la plus-part du monde ignore
que (comme tresbien a remarqué la Sorbon-
ne de Paris en la condamnation de tel erreur)
c'est que le diable essaie de se faire offrir ledict
saint Sacrement, s'oushaitant, & desirant en
cela estre honoré & adoré comme Dieu; ou
pour

q. de Stryg.

pour celer sa tromperie; ou bien mesme pour
tromper & decevoir les plus simples. Si pou-
uons dire que iacoit que l'ennemy de nature
leur donne telle recepte de faire dire tant de
messes, est a fin de leur donner plus facile ac-
ces a chose si sainte; car on se pouroit plus faci-
lement douter d'elles. Pentens tousiours par-
ler de celles, qui mesmes aians certaines messes
assignées, si elles peuuent, les feront dire le iour
qu'il y aura office particulier, tel que pourroit
estre le iour d'une grande solennité, faire dire
la messe des trespassez ou autres communes.

Ce qu'est neantmoins defendu par le Concile
de Salgonstade, sçauoir est, dire messe autre-
ment qu'elle est assignée a l'ordinaire, & non a
la deuotion des femmes. Or ce qu'elles se ser-
uent du saint Sacrement, n'est point que de
foy ce dit tressainct & trespigne Sacrement soit
propre (ja Dieu ne plaise que nous l'osions di-
re, ie dis mesme penser qu'il puisse y conuenir)
a telle meschanceré; mais que le malin esprit
prend cette audace & outrecuidance de s'en
seruir (voycy les raisons d'un autre autheur)
c'est pour mettre en haine, & faire punir plus
griefuement les hommes, lors qu'ils prouo-
quent de plus en plus l'ire de Dieu contre eux
mesme. Il dict donc que principalement pour
trois raisons le diable les pousse & incite a tel-
le detestation; premierement non seulement a
fin que les hommes se rendent perfides (rom-
pant le serment qu'ils ont iuré au Baptisme)
mais

*Concil. Sal-
gunst, c. 10*

DIALOGVE

mais encore sacrileges, prophanant de tout leur pouuoir les choses diuines, & que par ce moien ils offensent d'auantage leur createur, condānent leurs ames plus auant, & en facent aussi tomber d'auantage en peché. Secondement a cete fin que (comme tresbien tesmoigne S. Augustin) Dieu estant si estrangemēt offensé par les hommes, il donne plus grande authorité a l'ennemy de nature sur iceux ainsi deprauez, & leur concede & octroie courroucé, ce qu'il leur denieroit estant propice. Tiercement, a ce que sous le pretexte d'un bien exterieur ils deçoient le simple peuple, qui pensant auoir obtenu quelque chose de Dieu par tels sacrifices & Sacramens, ont au contraire commis des pechez plus grieus & execrables. Toutes ces raisons nous instruisent, & enseignēt de tousiours n'adiouster foy a telle chose, combien qu'elle se face pour vne œuvre pieuse. Et quand est de ce que vous dictes que les trespassez s'apparoissent a telle persone, & que c'est pourquoy elle fait dire des messes, ou fait faire peregrinations; c'est vn abus. Et dis premierement avec Petrus Binsfeldius, les ames quelconques soient elles, & en quel estat qu'elles puissent estre, ou en paradis, en enfer, ou en purgatoire, ne sortir iamais de la, ou s'apparoistre par tels Malefices, si ce n'estoit par vne speciale dispense de Dieu, ou pour quelque bonne fin; & au surplus la plus part de telles apparitions estre illusions diaboliques, & magiques. Secondement, que ce n'est de present,

Lib. de confes. malef. pag. 77. & seq.

sent, mais de tout temps que le diable s'est efforcé d'esblouir les yeux des humains. Je péseray auoir satisfait si i'en refere quelques exemples des plus recents. Bodin en recite vn nagueres ariué dans Paris, a sçauoir de quelque fille orpheline, a laquelle priant seulette sur la fosse de son pere, a S. Geruais, se presenta Sathan en forme d'homme grand & noir; qui la prenant par la main, luy dist; Mamie ne crains point, ton pere & ta mere sont bien, mais il faut dire quelques messes, & aller en voiage a nostre dame des Vertus, & ils iront droict en paradis. Or la fille luy demanda qu'il estoit, il respondit estre Sathan; mais que pour ce n'eust point de peur. La fille feist ce que luy estoit encommandé; toutesfois cela fait, il luy dist qu'il failloit aller en voiage a S. Iacques, & respondant la fille qu'elle ne sçauoit aller si loin, il ne cessa du depuis de la tourmenter. Là mesme il en escriit vn autre ariué a certaine femme nommée Nicole Aubery, narifue de Veruin, laquelle semblablement priant sur la fosse de son aieul, a l'instant s'esleua comme vn homme sortant de terre, enuelopé de son drap, se disant estre son aieul; & que pour sortir des peines de purgatoire il failloit dire plusieurs messes, & aller en voiage a nostre Dame de Liesse; ce qu'ayant dict, pour preuue certaine se decouurit, & sembla estre sondict aieul. A cause dequoy, commença elle a se mettre en deuoir, de faire dire des messes, & continua quelques temps; mais lors qu'elle cessa, elle fut tourmentée

Lib. 3. d'amen. cap. 5

I gricfue-

DIALOGVE

griefuemēt d'iceluy phantofme, lequel neant-
moins s'auoua finalement, & se dist estre Beel-
zebub. Ces exemples nous deueroient rēdre sa-
ges, pour ne nous fier a telles apparitions, & pē-
fer que si le plus fouuent on recerchoit & exa-
minoit de pres, l'on cognoistroit, que c'est vn
malin esprit & tenebreux plustost qu'un ange
de lumiere; parquoy combien qu'il commande-
roit de faire des prieres, des voiajes, ou dire des
messes; il ne luy faut croire. Que si on le fait, non
a tout le moins pour satisfaire a son comman-
demēt, ains le faire a autre meilleure intention.
Et ceux qui se voudront asseurer de telles appa-
ritions; qu'ils s'y portent a la maniere d'un cer-
tain Poiteuin, qui ariuant en la compagnie, &
en la maison d'un nommé Capland demeurant
en la ville de Confollent, auquel lieu reuenoit
quelque esprit, se disant estre l'ame d'un de-
funct, reuelant beaucoup de choses secretes, &
prieant qu'on feist dire des messes, qu'on feist des
voiajes; ledict Poiteuin bien auisé, luy dict: Si
tu veux qu'on te croie, dis *Miserere mei Deus
secundum magnam misericordiam tuam*; Car ce
fut le vray moien de descouurir la fraude, d'au-
tant que cōme ainsi soit que Sathan & ses com-
plices; soient obstinez en leur peché, iamais ne
se daigneront humilier deuant leur Createur
pour luy crier mercy. De sorte que cela estant
dict a cestuy cy, tout fremissant & despitē, s'en
fuir hurlant, & criant a merueilles. Nostre dis-
cours nous conduit plus loin que n'estoit nostre

inten-

intention, toutes fois vostre bonne audience m'a presque occasionné de le prolonger d'avantage pour tant d'erreurs & superstitions, auxquelles de ce temps les plus simples s'adonnent, & par continuation de temps, & peu a peu, les meine a commettre choses estranges de la foy Catholique. Car superstition est le droict chemin, & a la Magic, & a l'infidelité, ou idolatrie.

E L E I O N.

Qu'appellez vous superstition ?

P R O T E R O N.

Superstition, comme dict S. Thomas, est protestation actuelle d'infidelité. Et a la 94. il cite la glose sur le chapitre 2. des Colloss. l'appellant tradition humaine, qui prend nom de religion. S. Augustin l'appelle, honneur fait aux demons; & en autre lieu la nōme, contraire a religion. En fin nous pouuons dire, que tout ce qui diminue de l'honneur & gloire de Dieu, par vn pretexte de pieté ou religion, est vraiment superstition.

2.2. q. 97.
art. 4. &
94. art. 1.

de vera re
lig. & 4. de
Cinit. c. 30

S C I P I O N. Comme quoy ?

P R O T E R O N.

Il y en a cinq especes descrites par S. Augustin, au liure second de la doctrine Chrestienne, sçauoir est, l'idolatrie, diuination, l'honneur indeu a Dieu, & la vaine obseruation des choses, auxquelles sont comprises toutes les dependances de superstition. Mais d'autant que tous ne pourroient comprendre ou entendre ceste diuision; nous essaierons vous le mettre breuement au clair & au net par cinq regles. La

Lib. 2. de
doct. Chrif.
cap. 20.

I ij

pre-

DIALOGUE

premiere desquelles est qu'en toutes œuures
 concernantes la religion Chrestienne on doit
 considerer si la fin & but principal d'icelles sont
 pour l'honneur & gloire de Dieu, suivant mes-
 1. Cor. 10. me en cela la sentence de S. Paul qui dict : *Soit*
ou que nous mangeons, beuions, ou que nous fai-
sons quelque autre chose, qu'il redonde a la gloire
de Dieu. Car si on pretend autre but, la fin n'en
 vaudra rien. La seconde est, qu'on doit auiser si
 vn tel œuure est pour l'exercice du corps, ou re-
 frenation de concupiscence, se faisant avec rai-
 son & discretion selon le dire de l'Apostre: *Ra-*
 Rom. 12. *tionabile obsequium vestrum,* Que vostre seruice
 soit raisonnable. Et contre ceste regle offensent
 ceux ou celles qui font des vœuz incōsideremēt
 tel que pourroit estre ne peigner sa teste au Sa-
 medy, ne trauailler ce iour mesme apres midy,
 ieusner au Dimanche comme a meilleur iour,
 & choses semblables; lesquelles sont vraies su-
 perstitions, veu qu'en icelles œuures n'ya aucun
 exercice spirituel, ou corporel, a tout le moins tel
 exercice est desordonné. La troisieme est, de re-
 garder si l'œuure qu'on fait a la vertu & pro-
 prieté naturelle de produire l'effect qu'on attēd;
 car autrement est il superstitieux. Et de ceste sor-
 te sont ceux qui obseruent les mois, ou les iours
 heureux ou mal-heureux, ou bien le iour qu'ils
 deuront commencer quelque œuure, ou bien
 ceux qui obseruēt le temps qu'il fait vn certain
 iour de feste, comme de S. Vincent, de S. Geor-
 ge, ou autres, pour de la inferer la sterilité ou
 fertilité

fertilité de la terre l'année suivante; ceux la aussi qui amassant des herbes pour medecine obseruent le nôbre par ou impar; cōme aussi ceux qui portent des breuets avec des noms incogneuz, pendus au col ou sur soy, en esperance d'estre guarantis de quelque inconuenient, ou bien en receuoir quelque profit. Ceste sentence ont si bien executé les païens, que combien qu'ils n'en eussent la cognoissance, ce nonobstant le droit de nature leur apprenoit ne desroger a l'honneur de leurs Dieux par telle superstition; de façon que nous lisons Claude l'Empereur auoir condamné a mort, & confisqué les biens d'un chevalier Romain, pour auoir porté sur soy vn œuf de coq en intention de gagner sa cause par faueur, & ainsi abuser de la religiō des iuges: Soubs Tibere il y en eut vn pour la moindre opinion d'auoir vsé de Necromantie, condamné a mort; l'Empereur Caracala en condāna pour auoir pendu a leur col des herbes & autres choses, pour guarir des fieures. Cōtre ceste regle offensent aussi ceux qui vsent de remedes non approuuez, ou receuz en medecine, cōme est de cognoistre la maladie d'un hōme par la peine que peuuent endurer ses amys qui sont en purgatoire, voiāt dans l'vrine du malade des cercueils & bieres des trespassez, apres qu'elle a demeuré vn certain temps penduë au Soleil. Car on void telles choses de soy n'auoir aucune propriété naturelle, pourquoy nous en puissions esperer ou attendre vn tel effait; comme est du

chant ou cry des oiseaux, ou autres animaux. La 4^e est, que ledict œuvre ne dōne occasiō de scādale ou de ruine. Car alors, encore que de soy ne fust superstitieux, toutes fois pour euiter scādale il le fault differer en autre tēps, ou le faire secretement, ou du tout l'omettre, veu que c'est vne des choses la plus recōmandée en l'Euāgile, que de fuir & euiter scādale. Et cōtre cecy offensent ceux ou celles qui cueillent & amassent des herbes le iour de la S. Ieā, ou vn autre iour de feste; plantēt des arbres le iour de l'Annonciation de nostre Dame, ou choses semblables; mesmes saignēt les cheuaux le iour S. Estiēne; pē sans ces iours estre meilleurs que nō point les autres, car c'est vrayemēt vne superstitiō. La 5^e. & derniere regle est, q l'on doit cōsiderer si vn tel œuvre est selō l'ordonnāce & coustume de l'Eglise vniuerselle; ou particuliere, c'est à dire, de l'Euesché, la quelle particuliere ne doit aucunemēt repugner a l'Eglise vniuerselle, principalement aux choses generales, cōme est la messe & le reste de l'office diuin. Et cōtre ceste regle offēsent ceux qui adioustēt quelque autre chose a la messe, interrōpent la preface d'icelle, sçauoir est, chātant seulement les huit premiers mots, & de la cōmencer immediatemēt le *Sāctus* outre la coustume de l'Eglise, & le consentement des superieurs, cōme aussi ceux qui abregeans le *Credo*, le font iouer aux orgues. Et cōtre ceste regle offensent pareillemēt ceux ou celles qui s'adressent aux forciers ou forcieres, veu que ce n'est non seulement la coustume & permission de l'Eglise; ains

*Mal. Mal.
par. 2. q. 2.
cap. 6.*

a esté tousiours prohibé & defendu par icelle.

Et de la bouche mesme du Seigneur Dieu: Nō

Deuter. 18

inueniatur in te qui ariolos sciscitetur, aut obseruet somnia, aut anguria, nec sit maleficus, aut incantator, nec qui pythones consulat, nec diuinos, & querat à mortuis veritatē. Ce qui a esté ainsi re-

tourné par l'Vniuersité de Louvain: Celuy ne soit qui interroge les deuins, & qui regarde les songes & châts des oiseaux, & qu'il n'y aie aucū sorcier, ou enchâteur, ne qui demāde cōseil aux esprits familiers, ni aux deuins, ne qui demande la verité aux morts. Derechef il pronōce sentēce

de mort contre ceux la: *Anima qua declinauerit*

Leuit. 19.

ad magos & diuinos, & fornicata fuerit cū eis, ponā

faciem meā contra eam, & interficiā eam de medio

populi mei. L'ame, dit il, qui se retirera aux magi-

ciens & enchâteurs, & qui fera fornication avec

eux, ie mettray ma face cōtre elle, & l'occiray au

milieu de mon peuple. La sentēce & censure de

l'Eglise ne no' menace pas moins, quād elle dit:

Si quis ariolos, aruspices, vel incantatores observa-

26. q. 5. c.

uerit, aut philaterijs eorū vsus fuerit, anathema sit.

Si quis.

Si aucun obserue les deuins ou enchanteurs; ou

qu'il vse de leurs preseruatifs, qu'il soit en male-

diction. Maudict peut il bien estre, excōmunié

& separé de la compagnie des fideles, quand il

a perdu sa part de la Chrestienté, qu'il auoit ac-

quise par le moien du baptesme, lequel il a per-

du. Telle en est l'opinion de S. Augustin. *Ante*

Tract. de re

omnia, dict il, annūtio atq; obtestor, vt nullus paga

lit. carbo.

norū sacrilegas cōsuetudines obseruet, nō carcarios,

veritatis.

I iij

non

non diuinos, non sortilegos, non precantatores, ne pro ulla causa, aut infirmitate eos consulere, atque interrogare presumatis. Qui hoc malum facit, perdit baptismi sacramentum. Sur toutes choses ie vous annonce & adiure, qu'aucun n'observe les sacrileges coustumes des paiens, non les embaumeurs, non les deuins, les forciers, non les enchanteurs; ny que vous presumiez ou attentez les cōsulter ou interroger pour aucune occasion ou maladie. Celuy qui commet ceste meschanceté, perd le sacrement de baptesme. Ce sont les propos du S. Docteur. Le serois possible ennuyeux a referer les authoritez ou exemples tant prophanes que de la S. Escriture; l'admonesteray seulement telle maniere de gens, & les auertiray qu'ils se souuiennent hardyment de ce qu'est arriué a ces deux Roys d'Israel, Saül & Ochosias, qui tous deux sont morts miserablement, & assez soudainement, non pour autre raison, sinon pour auoir eu recours a telle engeance de Sathan. Qu'ils ne se flattēt point trop eux mesmes, la main de Dieu n'est pas amoindrie pour ne punir en cas pareil ceux qui commettront le semblable. C'est vne idolatrie entierement, vne superstition, vne chose defenduë de l'eglise, que dirons nous plus? Ou il faut que les escritures soient mensongeres, ou qu'ils croient que leurs Prelats qui le leur defendēt, y procedent par opinion & non par bon zele, ou qu'ils ne croient pas la puissance de Dieu. Il est biē vray que de ce temps nous voions qu'on
secoüë,

1^{re} Reg. 31.

1^{re} Reg. 28.

4th Re. 1.

seconé, & met on à bas le ioug de l'Eglise; on n'a uise pas beaucoup, ny a ses commandemens ou prohibitions, principalement vn tas de gens demy-perdus, qui croians a leur fol iugemēt & cerueau, ne tiennent compte de chose que l'Eglise leur puisse dire. Je me suis aucunement esloigné de nostre propos, mais vous auez peu penser tandis aux especes de superstition, & combien elle est grande.

SCIPION.

Vous auez, ce me semble, taxé ceux qui portent des breuets, les comprenāt en la troisieme espece; ie desirerois neantmoins en estre encore mieux esclairey. Car n'y a pas long temps qu'un certain soldat estant cōdamné de son Capitaine a passer par les armes, & estre harquebouzé, difficilement le peut on mettre a mort; non pour autre raison, sinon pour auoir cousu sur soy vn breuet des hauts noms.

ELEION.

Il s'en trouue outre ceux la encore d'autres, qui pour certaine vertu qu'il y a dans leurs armes, sur leur corps, en leurs habits ou autremēt; ne peuuent aucunemēt estre blessez, l'un dans la teste, l'autre en quelque partie de son corps; a sçauoir d'ou ils peuuent auoir telle vertu, & si c'est superstition?

PROTERON.

Ces deux questions sont entierement comprises en superstitiō. Il est bien vray que la der-
niere est plus pernicieuse & meschāte, car pour
gene-

generalemēt parler, quicōque l'exerce est magi-
 ciē ou basteleur; mais l'autre, nō tousiours mau-
 uaise. Quād est de celuy cy, il se faiēt en deux fa-
 çons, ou biē en enchātant les armes de ceux qui
 leur voudroient faire desplaisir (& ce avec cer-
 tains carmes prononcez sur l'heure) ou mesme
 enchantāt les leurs propres, de sorte qu'ils puis-
 sent danser dessus le trenchant d'icelles. L'autre
 façon est faisant iniures & cōtumelies aux ima-
 ges, ou les rompāt pour par ce moien obtenir du
 diable ce qu'ils demādent. Cōme, pour exēple,
 celuy qui ne vouldra estre blessē en la teste, il
 prédra la teste d'vne telle image, celuy qui desire
 n'estre atteint au bras, en rōpra vn bras, & ainsi
 consequēment toutes les parties du corps. Et de
 la est que raremēt on trouuera vne image entie-
 re aux carrefours, ou lieux publics. Tels icono-
 clastes & rōpeurs d'images ce ioignāt & associāt
 avec les archers malefiques (qui pour tuer cer-
 tain nōbre d'hōmes, le iour du vendredy sainēt,
 durāt le diuin seruice, tirent autāt de traiēts, ou
 dards dans l'image du Crucifix, cōme ils ont in-
 tention de tuer d'hōmes) sont veritablemēt mis
 au rang des apostats & excommuniez, combiē
 qu'ils ne le facēt que pour la cōseruation de leur
 corps & les Magiciēs pour le damage d'autrui.
 Or quāt a l'autre, qui est des billers ou breuers,
 ce n'est d'apresent qu'ils commencēt; car c'est
 l'erreur anciēne des paiēs, de façon que Plutar-
 que s'en scandalisoit de son tēps; L'hōme super-
 stitieux, disoit il, se cōtristara d'auoir en peu de
 chose

Traict de su-
 perstitione.

chose offensé les Dieux, & en ceste tristesse les
vielles luy viendrôt attacher & pēdre au col, ne
plus ny moins qu'a vn pau fiché, to^r les breuets
& sorceleries, & sottises qu'elles aurôt. L'opiniō
de S. Augustin en est telle, *Ad superstitionē per-*
tinent mille magicarū artium & ligatura & reme-
dia, quæ medicorū quoq; disciplina condemnat, siue
in præcantationibus, siue in quibusdam notis, quas
caractères vocant, siue in quibusdam rebus suspen-
dēdis atq; insignandis. A la superstitiō appartiē-
nēt mille liens & ligatures des arts magiques, &
les remedes, lesquels sont reprouuez de la sciēce
des medecins, ou bien en enchantemēts, ou en
quelques notes, qu'ils nōmēt caracteres, ou biē
en certaines choses a pēdre & marquer. S. Chry-
sost. n'en dict pas moins encore, bien qu'il parle
des breuets qui se peuent cōceder; le le mettray
en vulgaire pour estre asses prolix. Aucū, dir il,
portēt au tour de leur col vne partie de l'euāgile
escrite, mais a sçauoir si on ne lit pas to^r les iours
l'euangile en l'eglise, & s'il n'est pas entendu de
tous? Cōment donc estāt pēduës au col pourrôt
elles garder celui aux oreilles, duquel aiāt retēty
n'ont de rien profité? Outre plus ou est la force
& vertu de l'Euangile? Est elle point aux figures
& caracteres des lettres, ou biē au sens? Si tu
crois que c'est aux figures, a bon droict les mets
tu au col; mais si tu crois que c'est au sens des
paroles, tu croiras par consequēt, qu'elles te pro-
fiterôt plus estāt mises en ton cœur. Iusques icy
sont les parolles de S. Chrysostome, lequel non-
ob-

Lib. de do-
ctri. Christ.
& habetur
26. q. 2. ca.
illud.
1. id. quoq;
8. et b. ca. 9

DIALOGUE

obstant, avec S. Augustin encore qu'ils le con-
damnent & reprouuent aucunement, mais non
absolument, ains l'abus de ceux qui ont plustost
esgard au papier & aux figures, qu'au vray sens
des parolles, ou bié a la puissance de Dieu, par-
quoy nous veulent ils appréhendre de plustost leuer
nostre intention a Dieu, & au sens du breuet;
que non pas aux caracteres lesquels y sont.
Et ainsi l'interprete S. Thomas; pource gardant
les cōditions que le mesme docteur adioust en
cedict lieu, il sera permis d'en vser; La premiere
est telle, qu'ils ne soient pour l'inuocation des
diables; la seconde, de ne contenir noms incog-
nus; la troisieme qu'ils ne contiennent rien de
falsité; la 4. qu'il n'y aie aucuns signes ou cha-
racteres, forts & excepté le signe de la croix, ny
aucune chose de vanité avec les choses saintes
lesquelles y sont; la 5. est que ou l'écrivant, ou
l'attachant, ou le portant, on n'y observe rien de
vanité ou superstition. Sūma Angelica adioust
encore vne autre condition, a sçauoir, que ces
noms la soient ou de l'euangile, ou de la S. écrit-
ture, ou de quelques Saints. Les autres Sum-
mistes concedans vser de ces breuets apposent
& aioignent encore ceste derniere qui est de n'a-
uoir esgard a ceste superstitieuse clause, qu'on a
accoustumé d'y lire, ou sous-entendre; qui est;
que quiconque portera vn tel billet, ne pourra
estre endomagé, infortuné, & choses sembla-
bles; plustost les porter d'une pure & sincere de-
uotion. Voyla la resolution que nous en pouuons
pren-

*Verbo Su-
perstitio.*

*Sūma Syl-
uest. q. 10.
ver. super.
Armilla au-
rea.*

prendre maintenant. Nous imposerons fin a nostre discours, quand bon vous semblera.

S C I P I O N.

Encore me sembleroit il bõ de premierement faire vn recueil & sommaire de tout ce que dessus, & mesme en resoudre par articles, pour mieux l'imprimer en la memoire.

E L E I O N.

Il me semble tresbon & profitable.

P R O T E R O N.

La premiere resolution sera donc, que pour le peché & punition d'iceluy, les animaux irraisonnables végeans leur Createur, par sa permission, & quelquesfois expres commandement, assaillent les hommes pour en faire punition.

La seconde, que ce peuvent estre des loups naturels, lesquels on void ainsi deuorer les hommes; le faisant ou par rage, en laquelle ils sont; pour la faim de laquelle ils sont presse; pour l'agitation des diables; ou autres raisons dictes cy dessus.

La 3. que ce peuvent estre des hommes naturels, lesquels ou sans charmes, ou avec charmes, viuent de chair humaine, comme l'auons prouué par exemples.

La 4. que ny Lycanthropie, ou reale transformation, est admise aucunement en l'eglise Catholique; & que si l'homme se transforme (s'il est toutesfois loisible d'vser du mot) c'est plustost en bien qu'en mal, & non se transformer, ou changer en vne beste, veu que ny onguens,
ny

ny fleuves, ny parolles, ny ceintures, ny le diable mesme ont aucun pouuoir de le faire; trop bien apparoistre exterieurement autres qu'ils ne sont, & se le persuader euz mesmes, voire cacher par enchantement la forme & figure humaine, à fin qu'on ne cognoisse quelles gēs sont. Mais on ne scauroit admettre telle trāsformation; sinō que par consequēt on admette ou la metempsichose Pythagorique, ou les metamorphoses d'Ouide, & autres telles absurditez fabulenses.

La 5. resolution est, que selon la foy qu'on y adioust, les hommes par magie, ou les diables en vn corps prins, se peuuent faire veoir, ou aussi les autres, en forme estrangere; enchantant ou esblouissant & la veuē, & les autres sentimens, tant interieurs, qu'exterieurs.

La 6. & derniere est, que detestāt & reiettant tous charmes, & toute superstition, & vsant des benedictions de l'eglise, (& specialement de la croix) soit grans ou petits, qui en seront signez, non seulement peuuent euitier telle sorcelerie, & enchantemēts; mais aussi le dāger qui leur pourroit ensuiuir; veu que le diable n'a point tant de pouuoir sur les vrais fideles, lesquels Iesus christ conserue triomphant (par la croix) de ses ennemis, & des nostres. Soions donc tousiours soigneux, & ceux qui sont en nostre charge, & nous mesmes guarnir & munir de ce glorieux signe de la croix, prendre ce bourdon de Iacob, pour nous appuyer a passer le guē des eaues d'amertume, de ceste vie mortelle agitée de tant de miseres,

feres, & tribulations calamiteuses pour nous faire saillir a la source des eues viuiſiâtes Iesus nostre Sauueur; duquel nous puissions tous ensemble a iamaſ eſtre repeuz & refectionnez, a ce ſouper & banquet des noces ſiennes, en la gloire eternelle. Ainſi ſoit il.

CENSURA.


DE mandato & commissione Reuerendiſſimi Domini D. Henrici Cuyckij electi Episcopi Ruremundenſis. Cancellarij Facultatis Theologiæ, Decani Ecclesiæ Collegiatæ D. Petri Louanij, Librorumq; Censoris, viſitauſ, legi & examinaui librum præſentem, *Dialogue de la Lycantropie ou trãſformation d'hommes en loups, & ſi telle ſe peut faire, par frere Claude Prieur*, in quo nihil fidei Catholicæ aut orthodoxæ contrarium inueniens, eum vtiliter & cum fructu in lucem emitti poſſe iudico.


F. Æ. Cheheré S. Theol. professor.

Acquiesco in cenſuram eximij M. N. Ægidij Cheheré Sacræ Theologiæ professoris; & librum ſupraſcriptum imprimi poſſe cenſeo.

*Henricus Cuyckius D. Petri Louanij
Decanus, & Pontificius ac Regius
librorum Censor.*

Cum conſenſu Reuerendi Patris Gerardi Iaceani,
Miniſtri prouincialis, ac venerandi patris Arnoldi ab Yſcha, Louaniensis Guardiani.





V. 6th Lth

1720 - adp

